

# Дэрк'этын

## Пешготын

Жь һэр пенщ К'ьтебед Муса к'ьтеба дōда бь ван хэбэра дэстпедьбэ: «Ава навед» у жь вьр наве вейэ ибрани<sup>Ф</sup> те готын: «Нав». Пэйр'а вэлгэр'андьнед йунанида эв к'ьтеб навэки дьн дьстинэ «Екседос» (Чуйин). Ве к'ьтебеда бона қэўьмандьнэкэ сэре мьлэте щьһуйа һати, те готьне, ава готи азабуна жь хōламтийе, к'ижанеда кō эв вэдэки дьреж бьн дэсте вэлэте Мьсьреда бун. Эва йэка ниве дōһ'эзарсалийа бэри буйина Исада қэўьмийэ. П'ара к'ьтебейэ пешьн (с. 1-19) бона сэрһатийа э'мьре Муса дь-бежэ, к'ижан кō Хвэде бьжарт, вэки исраелийа<sup>Ф</sup> жь бьн нире мьсьрийа хьлаз кэ. П'ара к'ьтебейэ дōда, (с. 20-40) дэстпебуна қануне йэ, к'ижанеда пэймана<sup>Ф</sup> т'эви мьлэте Израел ль сэр ч'ийайе Синайе гьредайи һ'имгьрти йэ. Ль вьр оса жи дьдэ к'ьфше, кō мьлэт чава пэймана т'эв Хвэде гьредайи дьт'эр'ьбинэ у бь һур гьли бона коне пироз те готьне, к'ижанида Хвэде нава мьлэте хвэда дьһешьри. П'ара ван қанунайэ һэрэ сэрэкэ, эв һэр дэһэ т'эми нэ. һэма хут эвана бунэ һ'име ван һ'эму қанунед п'эргалийе, бь к'ижана иро гэлэ мэри дьнеда э'мьре хвэ дьдьнэ ль бэр һэв, чава бавэрмэнд оса жи нэбавэр. Чава бь кь-ред хвэйэ мэзын, оса жи бь қанунед хвэ, Хвэде Муса у Израелр'а бьнйат'а хвэ у наве хвэйи р'аст э'йан дькэ. Т'эне һ'окōме ви, нэ кō һ'окōме хвэдейед майин, ль сэр т'эбийэте у мэрьва һэйэ, бона ве йэке Хвэде дьхвазэ,

wәки мәрвв т'әне ви бьһ'эбиньн. Т'әне эв э пироз, мәрвв бона гөнәк'арийа хвә т'әне бь қьраред Хвәде дыкарьн һәләқәтийа ван т'эви Хвәде һәбә. Эва к'ьтеба гөһе мә вәдькә, wәки бь һ'ьзкьрьне гөһдарийа Хвәде бькьн у һьндава мәрвада сәр нета қәнщийе бьн, чава һьндава хвәда. Паше Иса Мәсиһе бежә, wәки ван һәр дө қанунда вәшартийә мә'на Пәйман Кәвьнә сәрәкә.

### Ль һәв зедәбуна зар'ед ИзраелФ у беисафийа мьсьрийа

**1** Наве кәр'ед ИзраеләФ кә һәр кәс мала хвәва т'эви Ақуб һатьнә Мьсьре, эв ьн. <sup>2</sup>Р'убен, Шьмһ'ун, Леви у Щьһуда, <sup>3</sup>Исахар, Зәбулон у Бьнйамин, <sup>4</sup>Дан у Нәфтәли, Гад у Ашер. <sup>5</sup>Һ'әму нәфсед кә жь бәдәна Ақуб бьбун, һ'әфте\* нәфс бун, Усьв жи ль Мьсьре бу. <sup>6</sup>Усьв һ'әму бьрайед хвәва у һ'әмуийед ви ньсьлида т'әмам пева мьрьн. <sup>7</sup>Зар'ед Израел шин бун, беһ'әсаб ль һәв зедә бун, гәләки қәват гьртьн у эв вәлат бь ванва т'ьжи бу.

<sup>8</sup>Һьнге сәр Мьсьре йәки ну бу п'адша, кә дәрһәқа Усьвда тьштәк ньзаньбу. <sup>9</sup>Әви готә щьмә'та хвә: «Ва йә щьмә'та зар'ед Израел жь мә гәләктьр у қәваттьр э. <sup>10</sup>Wәрьн әм һьндава ванда һ'ьләк'арийе бькьн, кә нәбә эв зедә бьн у һәгәр шәр'әк бьқәвьмә, эв жи т'эви дьжмьнед мә бьбьнә йәк у мьқабьли мә шәр' кьн у жь ви вәлати дәрк'эвьн һәр'ьн». <sup>11</sup>Һьнге сәрк'ар сәр ван к'ьфш кьрьн, wәки бь шьхөлед гьран ван бьчәрчьриньн. Фьрәвьнр'а бажаред ә'мбара, Пит'ом у Р'амсес чекьрьн. <sup>12</sup>Ле чьқас эв дьчәрчьрандьн, эв һе гәләк дьбун у ль һәв зедә дьбун, өса кә мьсьри жь зар'ед Израел дьтьрсийан. <sup>13</sup>мьсьрийа

---

\* 1:5 Тек'ста ибраниФ у Қануна Дөщарида 10:22 ньвисар э «һ'әфте», ле тек'ста йунани у К'аред Шандийада 7:14 ньвисар э «һ'әфте пенщ».

беисафи зар'ед Исраел дьданэ хэbate. <sup>14</sup>Э'мьре ван бь шьхөле гьран бь h'эр'ийе у к'элпич'а, өса жи бь хэр шь-хөлед чолева т'эл дькьрын, хэр хэбата кө бьдана кьрне беисафи дьданэ кьрне.

<sup>15</sup>П'адше Мьсьре т'эви пирэдэргушед ибранийа хэбэрда кө наве жь ван йэке Шипраh у наве йэке жи Пуhаh бу. <sup>16</sup>У гот: «Гава к'өлф'этед ибранийа бэр зар'ада бьн, һынге һун ль сэр т'эхт дина хwэ бьдьне, һэгэр көр' бэ бькөжьн, ле һэгэр қиз бэ бьра сах бьминэ». <sup>17</sup>Ле пирэдэргуш жь Хwэде тьрсийан. Чава п'адше Мьсьре ванр'а готьбу нэкьрын, ле йед көр'ин жи сах дьһьштьн. <sup>18</sup>П'адше Мьсьре гази пирэдэргуша кьр у готэ ван: «Wэ чьма эв йэк аha кьрийэ, кө зар'е көр'ин жи сах һьштьнэ?» <sup>19</sup>Һынге пирэдэргуша готэ Фьрэwьн: «Чьмки к'өлф'этед ибранийа нэ мина к'өлф'этед мьсьрийа нэ, эwэ сэрхwэ нэ, пирэдэргуш h'эта хwэ ванр'а дьгьһиньн эwана иди же хьлаз дьбьн». <sup>20</sup>Лэма Хwэде пирэдэргушар'а кьрэ қәнщи, щьмэ'т ль һэв зедэ бу у гэлэки қэwат станд. <sup>21</sup>Пирэдэргуш кө жь Хwэде тьрсийан, эwi жи малед ван ава кьрын. <sup>22</sup>Һынге Фьрэwьн э'мьри сэр т'эмамийа щьмэ'та хwэ кьр у гот: «һэр зар'экэ көр'ини жь дийа хwэ буйи бавежьнэ ч'эме Ниле у һэр зар'а қизин сах бьһельн».

### Буйина Муса

**2** Мэрьвэки жь мала Лeви, чу қизэкэ лeвийа хwэр'а хwэст. <sup>2</sup>Эw жьн h'эмлэ дэрк'эт көр'эк ани, эwe дина хwэ дайе кө эw бэдэw бу, се мэha эw вэшарт. <sup>3</sup>Ле гава эwe иди нькарьбу эw вэшарта, һынге сэпэтэкэ жь щур'эки қамиша һьлда, эw хиж у қир кьр, эw көр'ьк кьре у дани нав қамишед дэве Ниле. <sup>4</sup>Хушка зар'оке дур сэкьни, wэки бьзаньбэ к'а we чь бьқэwьмэ сэре wi.

<sup>5</sup>У қиза Фьрэwьн бэрбь Ниле чу кө аве хwэ кэ, щарийед we жи дэве ч'ем дьгэр'ийан. Эwe сэпэтэк нав қамишада дит у щарийа хwэ шанд чу эw ани. <sup>6</sup>Гава wэкьр көр'ьк

дит. Көр'ьк дьгьрийа, дьле we сэр шэьты у гот: «Эва жь зар'ед ибранийа йэ». <sup>7</sup>Һынге хушка we зар'е готэ қиза Фьрэьын: «Дьхвази эз һәр'ьм бона тэ гази к'өлфэтэкэ ибранийайэ бэрдэргуш кьм, кө бе бона тэ бьстен бьдэ эве зар'е?» <sup>8</sup>Қиза Фьрэьын готэ we: «Һәр'э». Қизьке жи чу гази дийа зар'оке кьр. <sup>9</sup>Қиза Фьрэьын готэ we к'өлфэте: «Һане ви көр'и мьнр'а хвэй кэ, эзе һаде тэ бьдьм». К'өлфэте эв көр'ьк һьлда у хвэй кьр. <sup>10</sup>Гава көр'ьк мэьзн бу, эве ани да қиза Фьрэьын, эве жи эв хвэр'а кьрэ көр' у наве ви дани Муса\*, гот: «Чьмки мьн эв жь аве дэрхьст».

### Муса жь Мьсьре дьр'эвэ

<sup>11</sup>Еп'ещэ wэхт дэрбаз бу, гава Муса мэьзн бу\*, р'абу чу щэм бьратийа хвэ, эви дина хвэ да шьхөлед вани гьран, дит we йэки мьсьри бьраки вийи ибрани дьк'отэ, <sup>12</sup>дор хвэ ньһер'и, дина хвэ даје кө кэс т'өнэ, лехьст йе мьсьри көшт у қумеда вэшарт. <sup>13</sup>Р'ожа дьне р'абу чу, дина хвэ даје we дө мэрьвед ибрани һэвр'а шэр' дькьн, һынге готэ йе нэһақ: «Чьма тө ль һэвале хвэ дьхи?» <sup>14</sup>Эви жи ле вэгэр'анд: «К'е тө сэр мә сэрвер у һакьм к'ьфш кьри? Дьбэ кө дьхвази мьн жи бькөжи чава тэ йе мьсьри көшт?» Муса тьрсийа у гот: «Р'аст эв тышта дэрк'этийэ». <sup>15</sup>Фьрэьын эв тышт бьһист, хвэст кө Муса бькөжэ, ле Муса жь бэр Фьрэьын р'эви чу wэлате Мьдйанеда ма, ль сэр бирэке р'унышт.

<sup>16</sup>Һэфт қизед т'эреде Мьдйане һэбун. Эвана һатын ав к'ьшандьн, к'өр'н т'ьжи кьрын кө пэзе баве хвэ авдьн. <sup>17</sup>Шьвана һат бэри ван дан. һынге Муса р'абу пышта ван гьрт у пэзе ван авда. <sup>18</sup>Эвана чунэ щэм баве хвэ

\* 2:10 Бь зьмане мьсьри фэ'мина наве Муса «Көр'» э, ле зьмане ибранида дэнге наве Муса мина «Дэрхьстьн» те бьһистьн.

\* 2:11 Ль К'аред Шандийада 7:23 ньвисар э кө эв 40 сали бу.

Р'ьһуел\*, эви пьрси: «Эв чава бу кө һун иро өса зу һат-тын?»<sup>19</sup> Вана гот: «Мэрьвэки мьсьри эм жь дэсте шьвана хьлаз кьрын, ав жи бона мэ к'шанд у пэзе мэ авда».<sup>20</sup> Ынге эви готэ қизед хвэ: «Ле эв к'ане йэ? Вэ чьма эв мэри өса бэр'да? Гази ви кьн бьра бе нан бьхвэ».<sup>21</sup> Ль Муса хвэш һат кө щэм ви мэрьви бьминэ у эви қиза хвэ Сиппораһ да Муса.<sup>22</sup> Эва һ'эмлэ дэрк'эт, көр'эк ани у Муса наве ви дани Гершом\*, чьмки гот: «Эз вэлате хэлқеда к'этымэ хэрибийе».

<sup>23</sup> Пэй гэлэк вэхтр'а п'адше Мьсьре мьр. Зар'ед Исраел жь дэст хөламтийе кьрынэ зарин. У эв һэвар-газийа ванэ жь дэст хөламтийе гьһиштэ Хвэде.<sup>24</sup> Хвэде һевэрза ван бьһист у Хвэде эв пэймана<sup>Ф</sup> хвэ бир ани, йа кө т'эви Бьраһим, Ишақ у Ақуб гьредабу.<sup>25</sup> Хвэде дина хвэ да зар'ед Исраел у һ'але ван пе һ'есийа.

### Хвэде гази Муса дькэ

**З** Муса пэзе хэзуре хвэ Ит'ройе т'эрефе Мьдйане дьч'еранд. Эви кэри ажот чу бэр'ийе дэрк'эт у гьһиштэ һ'оребе\*, ч'ийайе Хвэде.<sup>2</sup> Мьльйак'эте\* Хөдан бь алава егьр нава дьр'ийеда вива хөйа бу. Эви дина хвэ даје we алав дьр'ийе к'этийэ дьшьхөлэ, ле дьр'и нашэвьтэ.<sup>3</sup> Ынге Муса гот: «Һэла вэгэр'ьм ве дитьна э'щев бьбиньм, к'а чьма дьр'и нашэвьтэ?»<sup>4</sup> Хөдан<sup>Ф</sup> дина хвэ даје, вэки эв вэгэр'ийа кө бьбинэ, Хвэде жь нава дьр'ийе гази кьре у гот: «Муса, Муса!» Эви гот: «Эз ва мэ». <sup>5</sup>Хвэде

\* 2:18 Ль вьр наве т'эрефе Мьдйане «Р'ьһуел» э кө те т'эрщьмэ-кьрыне чава «Һэвале Хвэде», ле жь вьр шунда наве ви «Ит'ро» те готьне.

\* 2:22 Бь зьмане ибрани дэнге наве «Гершом» мина дэнге хэбэра «Хэриб» э.

\* 3:1 Ава готи бь навэки дьн «Синай».

\* 3:2 Эва щур'эки қэдыргьртын йан э'йанбуна Хвэде йэ.

готе: «Незики вьр нэбэ. Чарьхед ньгед хвэ бехэ, чьмки эв щийе кө тө ль сэр сэкьнийи эрде пироз э». <sup>6</sup>У гот: «Эз Хвэдейе баве тэ, Хвэдейе Бьраһим, Хвэдейе Ишаq у Хвэдейе Аqуб ьм». Ынгге Муса р'уйе хвэ ньхамт, чьмки тьрсийа кө Хвэде бьньһер'э. <sup>7</sup>Хөдан гот: «Бэле мын щөфе щьмэ'та хвэйэ Мьсьреда дит у qar'э-qar'a ван жь дэст сэрк'аред ван бьһист, чьмки эз һаш жь тэнгасийа ван һэмэ. <sup>8</sup>Эз пэйа бум вана жь дэсте мьсьрийа аза кьм у ван жь эви вэлати дэрхьмэ вэлатэки р'ьнд у бэрфьрэ, вэлате кө шир у һынгьв же дьк'ьшэ, ви щийе кэнанийа<sup>Ф</sup>, һитийа, эморийа<sup>Ф</sup>, пьриззийа, һиуийа у йэбусийа. <sup>9</sup>У ньһа ва йэ qar'э-qar'a зар'ед Израел гьһиштийэ мын у эв зордарийа кө мьсьри ль ван дькьн мын дит. <sup>10</sup>Ньһа вэрэ, эз тэ бышиньмэ щэм Фьрэвьн, кө тө щьмэ'та мын, зар'ед Израел жь Мьсьре дэрхи». <sup>11</sup>Һынгге Муса готэ Хвэде: «Эз к'и мэ кө һэр'ьмэ щэм Фьрэвьн у зар'ед Израел жь Мьсьре дэрхьм?» <sup>12</sup>Хвэде готе: «Эзе т'эви тэ бьм. Эве тэр'а бьбэ нишана кө мын тө шандийи: гава тө щьмэ'те жь Мьсьре дэрхи, сэр ви ч'ийайи һуне Хвэдер'а хөламентийе бькьн». <sup>13</sup>Муса готэ Хвэде: «Ва эз дьчьмэ щэм зар'ед Израел у бежьмэ ван: «Хвэдейе кал-бавед вэ эз шандьмэ щэм вэ». Ле гава эв жь мын бьпьрсьн: «Наве ви чь йэ?» Эз чь ванр'а бежьм?» <sup>14</sup>Хвэде готэ Муса: «ЭЗ ЙЕ һЭМЭ. Ве йэке бежэ зар'ед Израел, бежэ кө: «ЭЗ һЭМЭ эз шандьмэ щэм вэ». <sup>15</sup>Диса Хвэде готэ Муса: «Аһа бежи зар'ед Израел: «Хөдан<sup>\*</sup>, Хвэдейе кал-бавед вэ, Хвэдейе Бьраһим, Хвэдейе Ишаq у Хвэдейе Аqуб эз шандьмэ щэм вэ. Һ'эта-һ'этайе наве мын эв э у һ'эму ньсылада эзе аһа бемэ биранине. <sup>16</sup>Һэр'э р'успийед Израел т'оп кэ у бежэ ван: «Хөдан, Хвэдейе кал-бавед вэ, Хвэдейе Бьраһим,

\* 3:15 Бь зьмане ибрани хэбэра «Хөдан» ЙһWh ньвисар э у те хвэндьне чава «Йаһwəһ». Дэнге ве хэбэре мина дэнге хэбэра «ЭЗ һЭМЭ» йэ.

Ишаq у Аqуб мьнва хойа бу у гот: Эз сэр вәда һатъмә у мьн дит кә Мьсьреда чь һатийә сәре вә». <sup>17</sup>У гот: «Эзе вә жь щәфе Мьсьре дәрхьм у бьбьмә вәлате кәнанийа, һитийа, әморийа, пьриззийа, һиуийа у йәбусийа, ви вәлате кә шир у һьнгьв же дьк'ьшә». <sup>18</sup>Әве гөр'а тә бькьн һьнге тә т'әви р'успийед Исраел һәр'ә щәм п'адше Мьсьре у жер'а бежьн: «Хөдан Хвәдейе ибранийа мәва хойа бу, ньһа изьна тә һәбә, әм р'ийа се р'ожа бәрбь бәр'ийе һәр'ьн, Хөдан Хвәдейе хвәр'а қөрбане бьдьн». <sup>19</sup>Бәле эз заньм, кә п'адше Мьсьре ве изьна вә нәдә кә һун һәр'ьн, һәгәр нә бь дәсте зор бә, <sup>20</sup>ле эзе дәсте хвә дьреж кьм у бь ван һ'әму к'әрәмәтед хвә Мьсьре хьм, йед кә эзе нав веда бькьм, паши һьнге әве вә бәр'дә. <sup>21</sup>У эзе ль бәр ч'әве мьсьрийа ве щьмә'те ширьн кьм, вәки гава кә һун дәрк'әвьн, дәствала дәрнәк'әвьн. <sup>22</sup>Ле бьра һәр к'өлфәт жь щинара хвә у жь к'өлфәта кә мала веда дьминә, хьшьред зивин у хьшьред зер'ин, өса жи к'ьнща же бьхвәзә у ван ль көр' у қизед хвәва кьн у мьсьрийа г'алан кьн».

#### Хвәде нишана дьдә Муса кә бькә

**4** Муса ле вәгәр'анд у гот: «Ле әве мьн бавәр нәкьн у нә жи ве дәнге мьн бьбьһен, чьмки ве бежьн, Хвәде тәва хойа нәбу йә». <sup>2</sup>Һьнге Хвәде готә Муса: «Әв чи йә дәсте тәда?» Әви гот: «Шьвдар ә». <sup>3</sup>Хвәде готе: «Ве бавежә әрде». Әви авитә әрде, бу мәр у Муса же р'әви. <sup>4</sup>Хөдан готә Муса: «Дәсте хвә дьреж ке поч'е бьгьрә». Әви жи дәсте хвә дьреж кьре әв гьрт у әв дәсте вида бу шьвдар. <sup>5</sup>«Бь ве йәке ве бавәр бькьн, вәки Хөдан Хвәдейе кал-бавед ван, Хвәдейе Бьраһим, Хвәдейе Ишаq у Хвәдейе Аqуб тәва хойа буйә».

<sup>6</sup>Хөдан диса готә Муса: «Ньһа дәсте хвә текә п'ашьла хвә». Әви дәсте хвә кьрә п'ашьла хвә дәрхьст у ва йә, дәсте ви бу мина бәрфа к'өни-к'өни буйи. <sup>7</sup>Хвәде готе:

«Дэсте хwэ диса текэ п'ашыла хwэ». Эwi диса дэсте хwэ кьрэ п'ашыла хwэ дэрхьст у ва йэ, эw диса бу мина қалыбе wi. <sup>8</sup> «Һэгэр тэ бawэр нэкьн у гөһ нэдьнэ нишана пешьн, we бawэрийа хwэ нишана дөда биньн. <sup>9</sup> Ле һэгэр ван һэр дө нишана жи бawэр нэкьн у гөһ нэдьнэ дэнге тэ, һынге жь ч'эме Ниле аве һьлдэ у бьр'ежэ сэр эрде. Эw ава кө тэ жь Ниле һьлда we сэр эрде бьбэ хун».

<sup>10</sup> Муса готэ Хөдан: «Хwэйе мын, һиви дькьм! Эзи хэбэрданеда нэ сэрхwэ мэ, нэ дөһө нэ жи пер у нэ жи пэй ве хэбэрданер'а кө тэ т'эв хөламе хwэ хэбэрда, ле эз йэки дэвqэр'ми у зьменда гьран ьм». <sup>11</sup> һынге Хөдан готэ wi: «К'е дэв да мерьв, йан к'е кэр' у лал чекьрн, йан йе кө дьбинэ, йан йе кор? Эз Хөдан ниньм? <sup>12</sup> Аwa ньһа тө һэр'э эзе т'эви дэве тэ бьм у тэ һин кьм, чь кө тө гэрэке бежи». <sup>13</sup> Эwi готе: «Хwэйе мын, һиви дькьм! К'эрэма хwэ йэки дьне бышинэ». <sup>14</sup> һынге һерса Хөдан ль Муса р'абу у готе: «Һаруне леви нэ бьре тэ йэ? Эз заньм кө эwi хэбэрданеда сэрхwэ йэ, ва йэ эве пешийа тэда бе у гава эw тэ бьбинэ we гэлэки ша бэ. <sup>15</sup> Тө т'эви wi хэбэр дэ у хэбэра бькэ дэве wi, эзе дэве тэ у дэве wir'а бьм, эзе wэ һин кьм кө һуне чь бькьн. <sup>16</sup> Бьра эw дэwса тэ щьм'тер'а хэбэр дэ у эw тэр'а бьбэ дэwса дэв у тө жи wir'а дэwса Хwэде. <sup>17</sup> У we шьвдаре бьгьрэ дэсте хwэ, wэки бь we нишана бьки».

### Муса вэдьгэр'э Мьсьре

<sup>18</sup> Муса вэгэр'ийа чу щэм хэзуре хwэ Ит'ро у жер'а гот: «Изьна тэ һэбэ эз вэгэр'ьмэ щэм бьратийа хwэйэ Мьсьреда бьбиньм, к'а эw һэнэ йан т'өнэнэ». Ит'ро готэ Муса: «Һэр'э тэр'а охьр бэ». <sup>19</sup> Хөдан Мьдйанеда Мусар'а гот: «Һэр'э вэгэр'э Мьсьре, чьмки эw мэрьвед кө пэй э'мьре тэ к'этьбун һ'эму жи мьрнэ». <sup>20</sup> Муса р'абу жьна хwэ, көр'ед хwэ ль к'эре сийар кьрн у вэгэр'ийа wэлате Мьсьре. Муса шьвдара Хwэде гьртэ дэсте хwэ. <sup>21</sup> һынге



Хөдан готэ Муса: «Гава тө вэгэр'и һэр'и Мьсьере, бьки кө тө ван һ'эму нишанед кө мьн данэ дэсте тэ, ль бэр Фьрэвьн бьки, ле эзе дьле ви бькьмэ кэвэр у эве щьмэ'те бэр'нэдэ. <sup>22</sup>У бежэ Фьрэвьн: «Хөдан аһа дьбежэ: Израел көр'е мьни ньхөри йэ. <sup>23</sup>Эз тэр'а дьбежьм: Көр'е мьн бэр'дэ кө эв хөламтийа мьн бькэ, ле һэгэр тө нэхвази ви бэр'ди, ва йэ эзе көр'е тэйи ньхөри бькөжьм».

<sup>24</sup>У өса қэвьми кө р'ева щики шэвбери кьрьн, Хөдан р'асти Муса һат у хвэст кө ви бькөжэ. <sup>25</sup>Һьнге Сиппораһе кэвэрэки туж һьлда, көр'е хвэйи нэсьнэткьри сьнэт кьр, п'ийед Муса хьст у готе: «Р'аст тө бона мьн мере хуне йи». <sup>26</sup>У бь ви авайи Хөдан эв һьшт. Ви чахи бона сьнэтийе эве гот: «Мере хуне».

<sup>27</sup>Хөдан готэ һарун: «Һэр'э бэр'ийе пешийа Мусада». Эв жи чу бэр ч'ийаие Хвэде р'асти ви һат у чу р'уйе ви. <sup>28</sup>Муса һ'эму готьнед Хөдан һарунр'а гьли кьрьн кө эви эв шандийэ у т'эмийа ван һ'эму нишана дайэ. <sup>29</sup>Муса у һарун чун һ'эму р'усьпийед зар'ед Израел т'оп кьрьн. <sup>30</sup>У һарун эв һ'эму готьнед Хөданэ кө Мусар'а готьбу гьли кьрьн у ль бэр ч'э'ве щьмэ'те эв нишан кьрьн. <sup>31</sup>Щьмэ'те бавэр кьр. У гава бьһистьн кө Хөдан сэр зар'ед Израелда һатийэ у дина хвэ дайэ эв зэлулийа ван, та бун у һ'эбандьн.

### Муса у һарун ль бэр Фьрэвьн

**5** Пэй һақас тьштр'а Муса у һарун чунэ щэм Фьрэвьн у готьне: «Хөдан Хвэдейе Израел аһа дьбежэ: «Изьна щьмэ'та мьн бьдэ кө бэр'ийеда мьнр'а щэжьне бькьн»». <sup>2</sup>Фьрэвьн гот: «Хөдан к'и йэ кө эз гөр'а готьна ви бькьм у изьна Израел бьдьм? Эз Хөдан нас накьм у изьна Израел жи надьм». <sup>3</sup>Вана готе: «Хвэдейе ибранийа мэва хөйа бу. Изьна тэ һэбэ эм р'ийа се р'ожа һэр'ьнэ бэр'ийе у Хөдан Хвэдейе хвэр'а қөрбане бьдьн, кө нэбэ эв бь нэхвэшийа һ'ал йан шур қьр'а мэ бинэ». <sup>4</sup>П'адше Мьсьере

готэ ван: «Муса у һарун, хун чьма щьмэ'те жь хэбата ван паш дехьн? һэр'һнэ сэр борще хвэ». <sup>5</sup>Фьрэһьн гот: «Ва йэ һьһа щьмэ'та вэлэт гэлэк э, ле хун һаһельн кё эв борще хвэ бьрэдһнһн».

<sup>6</sup>Һэма we р'оже Фьрэһьн кьрэ сэр сэрвер у сэрк'аред щьмэ'те, гот: <sup>7</sup>«Мина һэр гав бона к'элпич' чекьрьне кайе һэдһнэ щьмэ'те, бьра эвана хвэха һэр'һн у хвэр'а кайе т'оп кьн. <sup>8</sup>Һ'эсабе к'элпич'а жь сэр ван кем һэкьн, һақаси жи жь ван бьхвазьн, чьқас ван һэр гав чедькьрьн, чьмки эвэ хвэр'анэдити нэ, лэма дькьһнэ қар'ин у дьбежһн: «Эм һэр'һн қөрбане Хвэдейе хвэр'а бьдһн». <sup>9</sup>Бьра шьхөл ль сэр ван мэрьва гьран бэ, кё хэбатева гиро бһн у пэй готһнед дэрэв һэк'эвһн».

<sup>10</sup>Сэрвер у сэрк'аред щьмэ'те дэрк'этын щьмэ'тер'а хэбардан у готһн: «Фьрэһьн аһа дьбежэ: «Эз кайе һадьмэ вэ, <sup>11</sup>хун хвэха һэр'һн жь к'ө дьхвазьн хвэр'а кайе дэстхьн, ле жь шьхөлед вэ тыштэк же кем нэбэ»». <sup>12</sup>Һьнге щьмэ'т ль т'эмаһийа вэлете Мьсьре бэла бу, дэвса кайе хозан т'оп кьр. <sup>13</sup>Сэрвера п'ейи ль сэр ван дькьрьн дьготһн: «Хэбата хвэйэ һэр р'ож өса бьрэдһнһн, чава һьнге кё кайа вэ һэбу». <sup>14</sup>К'аркэред Фьрэһьн сэрк'аред сэр зар'ед Израел к'ьфшкьри к'өтан у готһн: «Вэ чьма дөһө у иро һ'эсабе к'элпич'а мина һэр гав т'эмаһ һэкьрийэ?» <sup>15</sup>Сэрк'аред зар'ед Израел һатһнэ щэм Фьрэһьн газьне хвэ кьрьн у готһне: «Тө чьма өса сэре хөлаһед хвэ дьки? <sup>16</sup>Кайе һадһнэ хөлаһед тэ, ле мэр'а дьбежһн: «К'элпич'а чекьн!» Ва йэ эһ һатһнэ к'өтане, ле нэһэқи алийе щьмэ'та тэда йэ». <sup>17</sup>Ле эһи гот: «Һун хвэр'анэдити нэ! Хвэр'анэдити! Лэма дьбежһн: «Эм һэр'һн Хөданр'а қөрбане бьдһн». <sup>18</sup>Дэ һьһа һэр'һн у бьхэбьтһн, кайе вэр'а һэйе дайине, ле һ'эсабе к'элпич'а we жь вэ бе хвэстһне». <sup>19</sup>Һьнге сэрк'аред зар'ед Израел хвэ охьрме гьранда дитһн гава һатэ готһне: «Һ'эсабе к'элпич'айэ кё һэр р'ож жь вэ те хвэстһне кем һэкьн». <sup>20</sup>Гава эв жь щэм Фьрэһьн дэрк'этын, р'асти

Муса у Нарун натън кө эв нивийа ван бун <sup>21</sup> у готънэ ван: «Бъра Хвәде сәр вәда бьньһер'э у диwana вә бькә, вәки вә әм бәр ч'ә'ве Фьрәвън у хөламед ви р'эш кьрън у шур жи да дәсте ван кө мә бькөжън».

### Муса газъне хвә Хөдан дькә

<sup>22</sup> Ынге Муса вэгәр'ийа щәм Хөдан у гот: «Йа Хвәйе мьн! Тә чьма әв щьмә'та авитә нава охьрмед гьран? Тә бона чь әз шандьм? <sup>23</sup> Чьмки we һынгева, гава әз натъ-мә щәм Фьрәвън у пе наве тә хәбәр дайә, эв хьрабийе ве щьмә'те дькә, ле бәле тә щьмә'та хвә хьлаз нәкьр».

**6** Хөдан готә Муса: «Те ньһа бьбини, кө әзе чь сәре Фьрәвън бькьм. We ван бь дәсте зор бәр'дә у we ван бь дәсте зор жь вәлате хвә дәрхә».

### Щаба Хөдан

<sup>2</sup> Хвәде т'әв Муса хәбәр да у готә ви: «Әз Хөдан ьм. <sup>3</sup> Әз чава Хвәдейе һәри Зор, Бьраһим, Исһақ у Ақубва хөйа бумә, ле бь наве хвә Хөдан\* ванва хөйа нәбумә. <sup>4</sup> Мьн т'әви ван пәймана хвә гьреда, кө вәлате КәнәнеФ бьдьмә ван, вәлате вани хәрибийе, we дәра кө фьра-ри дәрбаз кьрън. <sup>5</sup> Мьн заринийа зар'ед Исраел бьһист кө мьсьрийа эв кьрънә хөлам у мьн пәймана хвә бир ани. <sup>6</sup> Ава бежә зар'ед Исраел: «Әз Хөдан ьм! Әзе вә жь бьн баред мьсьрийайә гьран дәрхьм у вә жь хөламтийа ван аза кьм, пе зәнда бәрбьр'и вә дьрежкьри у диwanед гьран хьлаз кьм. <sup>7</sup> У әзе вә бькьмә щьмә'та хвә у бьбьмә Хвәдейе вә. У һынге һуне бьзаньбьн кө Хөдан Хвәдейе вә әз ьм, йе кө һун жь бьн баред мьсьрийайә гьран дәрхьстън. <sup>8</sup> У әзе вә бьбьмә ви вәлати, бона к'ижани

\* 6:3 Бьньһер'э шьровәкьръна Дәрк'әтън 3:15.

мын сонд хвар кө бьдмэ Бьраһим, Ишаq, Аqуб, эзе ви чава war бьдмэ wэ. Эз Хөдан ьм». <sup>9</sup> Муса эв йэк зар'ед Исраелр'а гот, ле ван жь дьлтэнгийе у жь дэст шьхөлед гьран гөһдарийа Муса нэкьрын. <sup>10</sup> Хөдан т'эв Муса хэбэр да у готе: <sup>11</sup> «Һэр'э цэм Фьрэwьне п'адше Мьсьре бежэ кө зар'ед Исраел жь wэлате хwэ бэр'дэ». <sup>12</sup> Һынге Муса ль бэр Хөдан хэбэр да у готе: «Ва йэ, зар'ед Исраел гөһдарийа мын накьн, иди к'ө ма кө Фьрэwьн гөһдарийа мын бькэ? Эз жи зьменда гьран ьм». <sup>13</sup> У Хөдан бона зар'ед Исраел у Фьрэwьне п'адше Мьсьре т'эви Муса у һарун хэбэрда у э'мьри сэр ван кьр кө зар'ед Исраел жь Мьсьре дэрхьн.

### Бэрэка Муса у һарун

<sup>14</sup> Пешийед малбәтед ван эв ьн. Көр'ед Р'убен, ньхөрийе Исраел, эв ьн: һәнох, Паллу, һәсрун у К'арми. Эв ьн малбәтед Р'убен. <sup>15</sup> Көр'ед Шьмһ'ун эв ьн: Йәмуел, Йамин, Оһад, Йахин, Соһар у көр'е к'өлфәта кәнани Ша-вул. Эв ьн малбәтед Шьмһ'ун. <sup>16</sup> Навед көр'ед Леви, ль гора сэрэцәма р'ьк'ьнйатед хwэва, эв ьн: Гершон, Qоһат' у Мерари. Т'әмамыйа салед э'мьре Леви сэд си у һ'әфт сал бун. <sup>17</sup> Көр'ед Гершон, ль гора малбәтед хwэ, эв ьн: Либни у Шими. <sup>18</sup> Көр'ед Qоһат' эв ьн: Ә'мрам, Ишар, һеbron у Узиел. Т'әмамыйа салед э'мьре Qоһат' сэд си у се сал бун. <sup>19</sup> Көр'ед Мерари эв ьн: Маһ'ли у Муши. Эв ьн малбәтед Леви ль гора сэрэцәма р'ьк'ьнйатед хwэва. <sup>20</sup> Ә'мрам мэт'а хwэ Йок'әбәд станд у әве wir'а һарун у Муса анин. Салед э'мьре Ә'мрам сэд си у һ'әфт сал бун. <sup>21</sup> Көр'ед Ишар эв ьн: Qорах, Нәфәг у Зик'ри. <sup>22</sup> Көр'ед Узиел эв ьн: Мишаел, Әлсафан у Сит'ри. <sup>23</sup> Һарун Әлишәба, қиза Аминадав хушка Нәһшон станд. Әве wir'а Надаб, Абиһу, Елазар у Ит'амар анин. <sup>24</sup> Көр'ед Qорах эв ьн: Ассир, Әлqанаһ у Абиасаф. Эв ьн малбәтед qорахи. <sup>25</sup> Елазаре көр'е һарун жь нав қизед Путиел йэк хwэр'а жьн хwәст, әве жи wir'а Пинһас ани. Пешийед левийа

ль гора малбәтед хwәва эв ын. <sup>26</sup>Эв ын эw Муса у һаруне, к'ижанар'а кә Хөдан гот: «Зар'ед Израел, р'эфед ванва жь wәлате Мьсьре дәрхьн». <sup>27</sup>Әвед кә т'эв Фьрәwьн п'адше Мьсьре хәбәр дьн у бона зар'ед Израел жь Мьсьре дәрхьн эв ын: Муса у һарун.

### Хwәде фәрмане дьдә Муса кә һәр'ә щәм Фьрәwьн

<sup>28</sup>Чахе кә Хөдан wәлате Мьсьреда т'эви Муса хәбәр да, <sup>29</sup>we һынге Хөдан Мусар'а хәбәр да у готе: «Эз Хөдан ым! һәр тыште кә эз тәр'а дьбежым, бежә Фьрәwьне п'адше Мьсьре». <sup>30</sup>Муса жи ль бәр Хөдан гот: «Ва йә эз зьменда гьран ым, Фьрәwьне чава гөһдарийа мьн бькә?»

**7** Хөдан готә Муса: «Һәла бьньһер'ә, эз тә дькьмә мина Хwәде бона Фьрәwьн, бьре тә һарун жи we бьбә п'ехәмбәреФ тә. <sup>2</sup>Һәр тышти бежи, чь кә эзе әмьри ль тә бькьм у бьре тә һарун бьра Фьрәwьнр'а бежә, кә зар'ед Израел жь wәлате хwә бәр'дә. <sup>3</sup>Ле эзе дьле Фьрәwьн бькьмә кәвьр, нишан у к'әрәмәтед хwә ль нав wәлате Мьсьреда зедә кьм. <sup>4</sup>Фьрәwьне гөһдарийа wә нәкә. У эзе дәсте хwә дайньмә ль сәр Мьсьре у р'эфед хwә, щьмә'та хwә, зар'ед Израел пе диwanед мэзьн жь wәлате Мьсьре дәрхьм. <sup>5</sup>У һынге мьсьрийе бьзаньбьн кә эз Хөдан ым, гава эз дәсте хwә дьрежи ль сәр Мьсьре кьм у зар'ед Израел жь нав ван дәрхьм». <sup>6</sup>Муса у һарун өса кьрьн, чава кә Хөдан әмьри ль ван кьр өса жи кьрьн. <sup>7</sup>Муса һ'әйште сали бу, ле һарун һ'әйште се сали бу, гава т'эв Фьрәwьн хәбәрдан.

### Шьвдара һарун дьбә мә'р

<sup>8</sup>Хөдан т'эви Муса у һарун хәбәр да у гот: <sup>9</sup>«Гава Фьрәwьн т'эв wә хәбәр дә у бежә: Һәла нишанәке бькьн, ми чахи бежә һарун: «Шьвдара хwә һьлдә бавежә бәр Фьрәwьн». Әwe бьбә мә'р». <sup>10</sup>Муса у һарун к'әтьнә щәм

Фьрэwьн у чава кӧ Хӧдан э'мьри ль ван кьрбу ӧса жи кьрн. һарун шьвдара хwэ авитэ бэр Фьрэwьн у бэр хӧламед ви у эw бу мэр. <sup>11</sup> Фьрэwьн жи гази сэрwахт у к'оч'эка кьр у ван сербазед Мьсьре жи бь сербазийа хwэ ӧса кьрн. <sup>12</sup> һэр йэки шьвдара хwэ давит у эw дьбунэ мэр, ле шьвдара һарун шьвдаред ван даqӧртандьн. <sup>13</sup> У дьле Фьрэwьн бу кэвьр гӧр'а ван нэкр, чава кӧ Хӧдан готьбу.

### Щэза э'wльн: Ав дьбэ хун

<sup>14</sup> Хӧдан готэ Муса: «Дьле Фьрэwьн бу кэвьр, эw нахwазэ щьмэ'те бэр'дэ. <sup>15</sup> Сэре сьбӧһе һэр'э щэм Фьрэwьн. Ва йэ эwe һэр'э бэрбь аве у тӧ бэр дэве ч'эме Ниле ль бэр ви бьсэкьнэ у эw шьвдара кӧ бьбу мэр бьгрэ дэсте хwэ. <sup>16</sup> Wир'а бежэ: «Хӧдан Хwэдеие ибранийа эз шандьмэ щэм тэ у дьбежэ: Щьмэ'та мьн бэр'дэ кӧ бэр'ийеда хӧламтийа мьн бькэ, ле ва йэ һ'эта ньһа тэ гӧһдари нэкрыйэ. <sup>17</sup> Хӧдан аһа дьбежэ: «Бь ве бьзаньби кӧ эз Хӧдан ьм». Аwa эзе шьвдара дэсте хwэ ава ч'эме Ниле хьм у we бьбэ хун. <sup>18</sup> Мэ'сийед ч'емда we һ'ышк бьн у бине бьк'эвэ ч'ем, мьсьрийе зьвер бьн кӧ ава Ниле вэхьн». <sup>19</sup> Хӧдан готэ Муса: «Бежэ һарун: «Шьвдара хwэ һьлдэ у дэсте хwэ дьрежи сэр авед Мьсьре, сэр ч'эмед ван, сэр щәwed ван, сэр голед ван у сэр һ'эму авед ванэ т'опбуйи кэ у we бьбьнэ хун. We т'эмамийа wэлате Мьсьреда, ава дэрданед дар у кэвьрида жи бьбэ хун». <sup>20</sup> У чава кӧ Хӧдан э'мьри ль ван кьрбу, Муса у һарун ӧса жи кьрн. һарун\* шьвдара хwэ бьльнд кьр бэр ч'э'ве Фьрэwьн у бэр ч'э'ве хӧламед ви ава Ниле хьст, т'эмамийа ава ч'ем бу хун. <sup>21</sup> Мэ'сийед ч'емда һ'ышк бун у бин к'этэ ч'ем, мьсьрийа нькарьбун жь ч'ем ав вэхwарана. У т'эмамийа wэлате Мьсьреда

\* 7:20 Тек'ста ибранида ньвисар э «Әwi».

хун һэбу. <sup>22</sup>Ле сербазед Мьсьре жи бь сербазийед хwэ өсa кьрн. Дьле Фьрэwьн бу кэвэр, гөһ нэда ван, чава кө Хөдан готьбу. <sup>23</sup>Фьрэwьн вэгэр'ийа чу мала хwэ, эв йэк сэр дьле wi гьран р'унэньшт. <sup>24</sup>У һ'эму мьсьри р'а-бун бона ав вэхварьне дор-бэре ч'ем к'олан, чьмки ава Ниле нькарьбун вэхварана.

<sup>25</sup>Пэй ч'ем хьстьна Хөданр'а, һ'эфт р'ож дэрбазбун.

### Щэза дөда: Бэq

**8** Хөдан готэ Муса: «Һэр'э щэм Фьрэwьн у бежэ wi: Хөдан аһа дьбежэ: Щьмэ'та мьн бэр'дэ кө хөламтийа мьн бькэ. <sup>2</sup>Ле һэгэр тө нэхwэзи бэр'ди, ва йэ эзе пе бэqа г'эмамияа г'опрахед тэ хьм. <sup>3</sup>Ч'эме бэqава бьк'ьмк'ьмэ у эве р'абын бьк'эwьнэ мала тэ, ода тэйэ р'азане, ньвина тэ, малед хөламед тэ, нава щьмэ'та тэ, тэндуред тэ у шкэва тэйэ һэвир. <sup>4</sup>У бэqе р'абынэ ль сэр тэ, ль сэр щьм-э'та тэ у ль сэр һ'эму хөламед тэ». <sup>5</sup>Һынге Хөдан готэ Муса: «Бежэ һарун: «Дэсте хwэ шьвдарева дьрежи ль сэр ч'эма, щэwa у гола кэ у ль сэр wэлате Мьсьре, бэqа дэрхэ». <sup>6</sup>У һарун дәсте хwэ дьрежи ль сэр авед Мьсьре кьр. Бэq дэрк'этын у wэлате Мьсьре ньхамтын. <sup>7</sup>Сербаза жи бь сербазийа хwэ өсa кьрн у ль сэр wэлате Мьсьре бэq дэрхьстьн. <sup>8</sup>Фьрэwьн гази Муса у һарун кьр у гот: «Р'эща жь Хөдан бькьн, кө бэqа жь мьн у жь щьмэ'та мьн дур хэ у эзе щьмэ'те бэр'дьм кө Хөданр'а qөрбане бьдьн». <sup>9</sup>Һынге Муса готэ Фьрэwьн: «Тө хwэха мьнр'а wэдэ к'ьфш кэ, эз к'энге бона тэ, бона хөламед тэ у бона щьмэ'та тэ р'эща бькьм, кө бэq жь тэ у жь малед тэ онда бьн, т'э-не эве ч'емда бьминьн». <sup>10</sup>У эwi гот: «Сьбе». Муса гот: «Бьра wэкэ готьна тэ бэ! Кө тө бьзаньби, йэки мина Хөдан Хwэдейе мэ т'өнэ. <sup>11</sup>Бэqе жь тэ, жь малед тэ, жь хөламед тэ у жь щьмэ'та тэ we дур к'эwьн, т'эне ч'емда we бьминьн». <sup>12</sup>Муса у һарун жь щэм Фьрэwьн дэрк'э-тын у Муса бона ван бэqа, к'ижан кө Хөдан анибунэ сэр

Фьрэwьн гази Ходан кър. <sup>13</sup> Ходан wэкэ готьна Муса кър, у бәқед малада, һ'әwшада у к'әwшәнада һ'ышк бун. <sup>14</sup> Әw к'ом-к'ом т'оп кърьн у бин к'әтә wәлет. <sup>15</sup> Ле гава Фьрәwьн дина хwә даје кә р'һ'әти к'әте, дьле хwә кърә кәwьр у гөр'а wан нәкър, чава кә Ходан готьбу.

### Щәза сьсийа: К'әрмеш

<sup>16</sup> һынге Ходан готә Муса: «Бежә һарун: «Бьра шьвдара хwә дьреж кә т'оза әрде хә, кә әw ль сәр т'әмамия wәлате Мьсьре бьбә к'әрмеш». <sup>17</sup> У өса кърьн. һарун дәсте хwә шьвдара хwәва дьреж кър, т'оза әрде хьст у к'әрмеш ль сәр мәрьва у һ'әйwен р'абун. Ль сәр т'әмамия wәлате Мьсьре һ'әму т'оза әрде бу к'әрмеш. <sup>18</sup> Сербаза жи бь сербазийед хwә кърьн кә к'әрмеша дәрхьн, ле нькарьбун. У аwа ль сәр мәрьва у һ'әйwен к'әрмеш бун. <sup>19</sup> Сербаза готә Фьрәwьн: «Әва т'ылийа\* Хwәде йә». Ле дьле Фьрәwьн бу кәwьр у гөр'а wан нәкър, чава кә Ходан готьбу.

### Щәза чара: П'әр'анийа меш-моза

<sup>20</sup> Ходан готә Муса: «Сәре сьбәһе зу р'абә һәр'ә ль бәр Фьрәwьн бьсәкьнә. Ва йә әwe бәрбь аве һәр'ә у бежә wi: «Ходан аһа дьбежә: Щьмә'та мьн бәр'дә кә хөламтия мьн бькә. <sup>21</sup> Ле һәгәр тә щьмә'та мьн бәр'нәди, аwа әзе ль сәр тә, ль сәр хөламед тә, ль сәр щьмә'та тә у ль сәр малед тә п'әр'анийа меш-моза бьшиньм у малед мьсьрийа бь п'әр'анийа меш-мозава we т'ьжи бьн, өса жи сәр wi әрде кә әw дьминьн. <sup>22</sup> Ле we р'өже т'опраха Гошәнейә к'ө щьмә'та мьн ле дьминә, әзе башқә кьм у we дәре п'әр'анийа меш-моза we т'өнә бә, кә тә бьзаньби wәлетда әз Ходан ьм. <sup>23</sup> У әзе ль нав щьмә'та хwә у щьмә'та тәда фьрқийе дайньм. Сьбе әв нишане бьрәwьмә». <sup>24</sup> Ходан өса жи кър.

---

\* 8:19 Бьньһер'ә Луқа 11:20.



П'эр'анийа меш-мозайэ мэзын һатэ ль сэр мала Фьрэwьн, малед хөламед wi у ль сэр т'эмамыйа wэлате Мьсьре, жь дэст п'эр'анийа меш-моза wэлат werан бу.

<sup>25</sup> Фьрэwьн гази Муса у һарун кьр, гот: «Һэр'ьн ви wэлатида Хwэдейе хwэр'а qөрбане бьдьн». <sup>26</sup> Ле Муса готе: «Нэ щайиз э кö эм ве йэке бькьн, чьмки эw qөрбана кö эме Хöдан Хwэдейе хwэр'а бьдьн, эв йэк мьсьрийар'а һ'эрами йэ. һэгэр эм бь we qөрбандайна кö бона мьсьрийа һ'эрам э, р'абьн ль бэр ч'э'ве ван бьдьн, гэлö эwe мэ нэдьнэ ль бэр кэвьра? <sup>27</sup> Эме р'ийа се р'ожа һэр'ьнэ бэр'ийе у Хöдан Хwэде хwэр'а qөрбане бьдьн, чава кö эw мэр'а бежэ». <sup>28</sup> У Фьрэwьн гот: «Эзе wэ бэр'дьм кö һун һэр'ьнэ бэр'ийе Хöдан Хwэдейе хwэр'а qөрбане бьдьн, ле т'эне дур нэчьн. Бона мьн р'эща бькьн». <sup>29</sup> Муса готе: «Ва йэ эзе жь щэм тэ дэрк'эwьм у р'эща жь Хöдан бькьм, кö сьбе п'эр'анийа меш-моза жь Фьрэwьн, жь хөламед wi у жь щьмэ'та wi дур к'эwэ, ле т'эне бьра Фьрэwьн иди щьмэ'те нэхапинэ у нэгьрэ кö qөрбане бьдьнэ Хöдан». <sup>30</sup> Муса жь щэм Фьрэwьн дэрк'эт у р'эща жь Хöдан кьр. <sup>31</sup> Хöдан wэкэ готьна Муса кьр. П'эр'анийа меш-моза жь Фьрэwьн, жь хөламед wi у жь щьмэ'та wi дур хьст, qэт йэк жи нэма. <sup>32</sup> Фьрэwьн ве щаре жи дьле хwэ кьрэ кэвьр у щьмэ'т бэр'нэда.

### Щэза пенща: Нэхwэшийа һ'ал сэр һ'эйwен

**9** Хöдан готэ Муса: «Һэр'э щэм Фьрэwьн у бежэ wi: «Хöдан Хwэдейе ибранийа аһа дьбежэ: «Щьмэ'та мьн бэр'дэ кö хөламтийа мьн бькэ», <sup>2</sup> ле һэгэр тö wана һе бьгьри у нэхwази бэр'ди, <sup>3</sup> awa дэсте Хöдан we ль сэр һ'эйwанед тэйэ чөле: һэспа, к'эра, дэва, пез у dewep бэ у бь нэхwэшийа һ'алэ мэзын qьр'а wане бе. <sup>4</sup> Ле Хöдан we һ'эйwанед Исраел<sup>ф</sup> жь һ'эйwанед Мьсьре башqэ кэ у жь һ'эйwанед зар'ед Исраел, qэт йэке һ'ышк нэбэ». <sup>5</sup> Хöдан wэдэ к'ьфш кьр у гот: «Сьбе Хöдане ве йэке сэр wэлет

бькэ». <sup>6</sup>Р'ожа дьн Ходан эв йэк кър у h'эму h'эйванед мьсьрийа h'ышк бун, ле жь h'эйванед зар'ед Израел қэт йэк h'ышк нэбу. <sup>7</sup>һнге Фьрэwьн шанд у пе h'эсийа ва йэ жь h'эйванед Израел қэт йэк жи h'ышк нэбуйэ. Дьле Фьрэwьн he бу кэwьр у щьм'эт бэр'нэда.

### Щэза шэша: Нэхwэшийа п'эзька

<sup>8</sup>Ходан готэ Муса у һарун: «К'олмед хwэ т'эжи к'озийа фьр'не кьн. У бьра Муса we ль бэр ч'эве Фьрэwьн бьр'эшинэ бэрбь э'змен. <sup>9</sup>Әwe ль сэр т'эмамыйа wэлате Мьсьре бьбэ т'оз, ль сэр h'эму мэрьви у h'эйванед wэлате Мьсьреда көлед п'эзька п'исе дэрэн». <sup>10</sup>Wана к'озийа фьр'не һьлда у ль бэр Фьрэwьн сэкьнин. Муса эw бэрбь э'змен р'эшанд. Ль сэр мерьв у h'эйwen көлед п'эзька п'ис дэрк'этын. <sup>11</sup>һнге сербаза нькарьбу жь дэст п'эзька ль бэр Муса бьсэкьнийана, чьмки п'эзык ль сэр сербаз у h'эму мьсьрийа жи дэрк'этыбун. <sup>12</sup>Ходан дьле Фьрэwьн кьрэ кэwьр у эwi гөр'а ван нэкьр, чава кө Ходан Муса-р'а готьбу.

### Щэза h'эфта: Тэйрок

<sup>13</sup>һнге Ходан готэ Муса: «Сэре сьбэhe зу р'абэ һэр'э ль бэр Фьрэwьн бьсэкьнэ у wir'а бежэ: Ходан Хwэдейе ибранийа аһа дьбежэ: Щьмэ'та мын бэр'дэ кө хөламтийа мын бькэ, <sup>14</sup>чьмки we щаре, эзе h'эму щэзайед хwэ бьдьмэ сэр'а дьле тэ, сэре хөламед тэ у щьмэ'та тэ, кө бьзаньби, ль сэр т'эмамыйа дьнйае йэки мина мын т'өнэ. <sup>15</sup>һгэр мын дэсте хwэ дьреж кьра у бь нэхwэшийа h'ал ль тэ у щьмэ'та тэ хьста, те сэр дьне бьһатайи ондакьрне. <sup>16</sup>Ле бона we йэке мын тө хwэйкьри, wэки қэwата хwэ нишани тэ бькьм у ль сэр т'эмамыйа дьнйае наве мын бе готьне. <sup>17</sup>Тө he мьқабли щьмэ'та мын дьсэкьни кө we бэр'нэди? <sup>18</sup>Аwa эзе сьбе ви чахи, тэйрокэкэ өса қайим бьбариньм кө мина we, р'ожа чебуна Мьсьреда h'эта ньһа, тыште өса

нэгдэвхийнэ. <sup>19</sup>Ньһа бышинэ һ'эйванед хвэ т'оп кэ чи тэ кё чоле һэйэ бьбьнэ һьндөр'. Чьмки һэр мэрвь, йан һ'эйванед кё чоле бэ, һэгэр нэк'эвьнэ һьндөр' тэйроке сэр ванда бьбарэ у we қыр'а ван бе». <sup>20</sup>Жь хөламед Фьрэвьн, к'ижан кё жь готьна Хөдан дьтърсийа, хөламед хвэ у һ'эйванед хвэ бьрнэ һьндөр', <sup>21</sup>ле к'е гөһдарийа готьна Хөдан нэкър, хөламед хвэ у һ'эйванед хвэ чоле һьштн.

<sup>22</sup>Хөдан готэ Муса: «Дэсте хвэ дьрежи бэрбь э'змен кэ у we т'эмамыйа вэлате Мьсьреда, ль сэр мервь у һ'эйвен, ль сэр т'эмамыйа шинайа э'рде Мьсьреда тэйроке бьбарэ». <sup>23</sup>Муса шьвдара хвэ дьрежи бэрбь э'змен кър, Хөдан қыр'ч'ини у тэйрок шанд у бьруске \* бьрқ вэдьда ль сэр э'рде. Хөдан тэйрок ль сэр вэлате Мьсьреда баранд. <sup>24</sup>Тэйрок бари у т'эв тэйроке жи бьруске \* бьрқ дьда, өса қайим бу, кё т'эмамыйа вэлате Мьсьреда, жь р'ожа пешда һатьна ви мьлэтида тыште өса нэгдэвхийи бу. <sup>25</sup>Тэйроке т'эмамыйа вэлате Мьсьре хьст, һ'эму тыштед чь кё чоле бу, жь мервь гьрти һ'эта һ'эйвен. Тэйроке т'эмамыйа шинайийа чоле хьст у һ'эму даред дэште һурдэхвэши кьрн. <sup>26</sup>Т'эне т'опраха Гошэнеда тэйрок нэбари, к'идэре зар'ед Исраел дьман. <sup>27</sup>Фьрэвьн шанд гази Муса у һарун кър у ванр'а гот: «Ве щаре мьн гөнэ кър, Хөдан р'аст э, ле эз щьмэ'та хвэва эм нэһэқ ьн. <sup>28</sup>Р'эща жь Хөдан бькьн, бьра қыр'ч'ин у тэйрока Хвэде бенэ бь'рине у эзе вэ бэр'дьм, һуне иди вьра нэминьн». <sup>29</sup>Муса готэ ви: «Чава кё эз жь бажер дэрк'эвьм, эзе дэстед хвэ бэрбь Хөдан дьреж кьм у қыр'ч'инийе бьсэқьр'ьн, тэйроке иди нэбарэ кё тө бьзаньби, э'рд э'рде Хөдан э. <sup>30</sup>Ле эз заньм, вэки тө у хөламед хвэ һэла һе жь Хөдан Хвэде натьрсьн». <sup>31</sup>Кьтан у щэһэ һатьнэ ледане, чьмки щэһэ сьмбьл дабу, кьтане жи гөпк дабу. <sup>32</sup>Ле гэньм у ч'ади \* нэһатьнэ

\* 9:23-24 Ибрани хэбэр бь хэбэр: «Агьр».

\* 9:32 «Ч'ади» щур'э гэньм э.

ледане, чьмки эв дэрэнг дьгьһиштын. <sup>33</sup> У Муса жь щэм Фьрэwьн жь бажер дэрк'эт у дэстед хwэ бэрбь Хөдан бь-  
льнд кьр, қьрч'ин у тэйрок сэқьр'ин у баран ль сэр эрде  
иди нэ бари. <sup>34</sup> Ле гава Фьрэwьн дит кө баран, тэйрок  
у қьрч'ини сэқьр'ин, диса гөнэ кьр у дьле хwэ кьрэ кэ-  
вьр, эwi жи хөламед wi жи. <sup>35</sup> Дьле Фьрэwьн бу кэвьр у  
зар'ед Исраел бэр'нөдан, чава кө Хөдан Мусар'а готьбу.

### Щэза һ'эйшта: Көли

**10** һынге Хөдан готэ Муса: «һэр'э щэм Фьрэwьн,  
чьмки мьн дьле wi у дьле хөламед wi кьрэ кэ-  
вьр, wэки ван нишанед хwэ нав wанда бькьм <sup>2</sup> у wэки  
тө зар'е хwэр'а у зар'ед зар'е хwэр'а гьли ки, кө мьн пе  
кьред хwэ мьсьри чава кьрьн пек'эни у чь нишан мьн  
кьрьн, кө һун бьзаньбьн эз Хөдан ьм». <sup>3</sup> Муса у һарун  
чунэ щэм Фьрэwьн у готьнэ wi: «Хөдан Хwэдейе ибра-  
нийа аһа дьбежэ: «һ'эта к'энге те нэхwази бэр мьн хwэ  
бышкени? Щьмэ'та мьн бэр'дэ кө хөламтийа мьн бькэ.  
<sup>4</sup> Ле һэгэр тө нэхwэзи щьмэ'та мьн бэр'ди, ва йэ эзе сьбе  
көлийа бьшиньмэ ль сэр т'опраха тэ, <sup>5</sup> эwe р'уйе эрде өса  
бьгьрьн, кө эрде иди нэье к'ьфше чь жи пэй тэйрокер'а  
бона wэ майэ we бьхwьн у өса жи һ'эму даред эрде wэда  
йэ шинбуйи we бьхwьн. <sup>6</sup> Эwe малед тэ, мале хөламед  
тэ у малед һ'эму мьсьрийа т'ьжи бьн, wэки нэ бавед тэ,  
нэ жи баве бавед тэ жь р'ожа р'убари дьне к'этьнэ һ'эта  
ньһа тыште өса нэдитьнэ». У пышта хwэ даие жь щэм  
Фьрэwьн дэрк'эт.

<sup>7</sup> Хөламед Фьрэwьн готьнэ wi: «һ'эта к'энге эве бьбэ  
бэла сэре мэ, ван меред ван бэр'дэ бьра Хөдан Хwэдейе  
хwэр'а хөламтийе бькьн. Гэло тө һе набини кө Мьсьр  
wеран бу?» <sup>8</sup> Муса у һарун вэгэр'андьнэ щэм Фьрэwьн  
у эwi готэ ван: «һэр'ьн Хөдан Хwэдейе хwэр'а хөлам-  
тийе бькьн. Ле к'и у к'е we һэр'ьн?» <sup>9</sup> Муса готе: «Эме бь  
бьч'ук у мэзьнед хwэва һэр'ьн, көр' у қизед хwэва, пэз у

дэваред хwэва һэр'ын, чьмки бона мэ щэжьна Хөдан э». <sup>10</sup>Фьрэwын готэ ван: «Һэгэр эз дэстура wэ у жьн-зар'ед wэ бьдъм бьра Хөдан т'эви wэ бэ. Ле ве йэке бьзаньбьн кө дьле wэ қэлп э. <sup>11</sup>На, хер! һун мер т'эне һэр'ын хө-ламтийе Хөданр'а бькьн, нэ wэ эw йэк дьхwэст?» У бэри ван дан жь щэм Фьрэwын дэрхьстьн.

<sup>12</sup>Хөдан готэ Муса: «Дэсте хwэ дьрежи сэр wэлате Мьсьре кэ, бьра көли р'абьнэ ль сэр wэлате Мьсьре у һ'эму гиһаие эрде, чь кө пэй тэйрокер'а майэ бьхwьн».

<sup>13</sup>Муса шьвдара хwэ дьрежи сэр wэлате Мьсьре кьр у Хөдан т'эмамия we р'оже у т'эмамия we шэве, байе р'оһьлате р'акьр. Сэре сьбэһе байе р'оһьлате көли анин.

<sup>14</sup>У көлия т'эмамия wэлате Мьсьре гьрт у ль сэр т'э-мамия т'опраха Мьсьре беһ'эсаб данин, өса кө нэ бэри ве йэке һақас көли һэбунэ у нэ жи пэй вер'а. <sup>15</sup>Көлия т'эмамия р'уйе эрде гьрт у wэлат бу тэри, һ'эму шинайа эрде у бэред дарайэ кө пэй тэйрокер'а мабун хварьн.

Т'эмамия wэлате Мьсьреда т'ө тыште шин ль сэр дара у к'ола нэ ма. <sup>16</sup>Һьнге Фьрэwын лэз гази Муса у һарун кьр у гот: «Мьн һьндава Хөдан Хwэдейе wэда у һьндава wэда гөнэ кьр, <sup>17</sup>һьна һиви дькьм, т'эне ве щаре гөне мьн бьбахшинэ у р'эща жь Хөдан Хwэдейе хwэ бькьн, т'эне

ве мьрьне бьра жь сэр мьн һьлдэ». <sup>18</sup>Эw жь щэм Фьрэ-wын дэрк'эт у р'эща жь Хөдан кьр. <sup>19</sup>Хөдан ба вэгэр'анд, баки р'оавайейи қайим р'акьр у бе эw көли ажотьн кь-рьнэ Бэра Сор. Т'эмамия т'опраха Мьсьреда көлик нэ ма. <sup>20</sup>Ле Хөдан дьле Фьрэwын кьрэ кэвьр у эви зар'ед

Исраел бэр'нэдан.

### Щэза нэһа: Тэристанн

<sup>21</sup>Һьнге Хөдан готэ Муса: «Дэсте хwэ бэрбь э'змен дь-реж кэ, wэки ль сэр wэлате Мьсьре бьбэ шэwэр'эшэкэ дэстдаине». <sup>22</sup>Муса дэсте хwэ бэрбь э'змен дьреж кьр у се р'ожа ль сэр т'эмамия wэлате Мьсьре бу шэwэр'эшэкэ

т'эри. <sup>23</sup>Кэсэки һэвдө нэдьдит у се р'ожа қэт йэк жь щийе хвэ р'анэбу, ле щийед кө һ'эму зар'ед Израел дьман р'онайи һэбу. <sup>24</sup>һынге Фьрэуьн гази Муса кыр у готе: «Һэр'ын Хөдан бьһ'эбиньн, ле т'эне бьра пэз у дэваред вэ бьминьн, жьн-зар'ед вэ жи бьра т'эв вэ бен». <sup>25</sup>Муса гот: «Гэрэке тө қөрбан у дийарийед<sup>Ф</sup> т'эвайишэwате жи бьди дэсте мэ, кө эм бьдьнэ Хөдан Хвэдейе хвэ. <sup>26</sup>Эме һ'эйванед хвэ жи т'эв хвэ бьбьн, қэт сьмэк жи гэрэ нэминэ, чьмки бона Хөдан Хвэдейе хвэр'а хөламати кьрьне, эм гэрэке жь ван һьлдьн. һ'эта эм нэчьнэ вьр, эм ньзаньн эме бь чь Хөданр'а хөламотийе бькьн». <sup>27</sup>Ле Хөдан дьле Фьрэуьн кьрэ кэвьр у ви нэхwэст кө ван бэр'дэ. <sup>28</sup>У Фьрэуьн готэ Муса: «Жь щэм мьн һэр'э! һаш хвэ һэбэ кө щарэкэ дьн р'уйе мьн р'уйе тэ нэк'эвэ, чьмки we р'ожа кө р'уйе мьн р'уйе тэ к'эвэ, те бьмьри». <sup>29</sup>һынге Муса гот: «Тэ р'аст гот, иди т'ө щар р'уйе тэ р'уйе мьн нак'эвэ».

### Готьна бона мьрьна ньхөрийа

**11** Хөдан готэ Муса: «Бэлаке жи эзе биньм сэр Фьрэуьн у Мьсьре, паше we вэ жь вьр бэр'дэ, гава һун бэр'дан we бэри вэ дэ жь вьр дэрхэ. <sup>2</sup>Ньһа щьмэ'тер'а бежэ, бьра һэр мерэк жь щинаре хвэ у һэр к'өлфэтэк жь щинара хвэ хьшьред зив у зер'ин бьхwазэ». <sup>3</sup>Хөдан ль бэр ч'эве мьсьрийа, щьмэ'т ширьн кьр. Муса жи wэлате Мьсьреда бэр хөламед Фьрэуьн у бэр щьмэ'те, мэрвьэки гэлэки хвэйиқэдьр бу.

<sup>4</sup>Муса готэ Фьрэуьн: «Хөдан аһа дьбежэ: «Незикийа ниве шэве эзе нава Мьсьрер'а дэрбаз бьм. <sup>5</sup>Wэлате Мьсьреда һэр ньхөрийе бьмьрэ, жь ньхөрийе Фьрэуьни кө сэр т'эхт р'уньштийэ, һ'эта ньхөрийе щарийа кө сэр дэстер' э у өса жи һэр ньхөрийе һ'эйвен. <sup>6</sup>У we зариникэ к'ур бьк'эвэ т'эмамийа wэлате Мьсьре, кө тыште өса нэ қэwьмийэ у нэ жи we бьқэwьмэ. <sup>7</sup>Ле һьндава зар'ед Израелда, жь мэ-

рва гърти h'эта h'эйвен, сәке жи змане хwэ нэльпътинэ. Ынге хуне бьзаньбын, кӧ Хӧдан ль нав Мьсьре у Израелда фьррийе датинэ. <sup>8</sup>У эв h'эму хӧламед тэ we бәржер бенэ щэм мын, бәр мын табын у бежын: «Тӧ у т'эмамийа щьмэ'та кӧ пэй тэ те дәрк'эвэ». Пэй ве йәкер'а эзе дәрк'эвьм». У Муса гәләки һерс жь щэм Фьрәwyn дәрк'эт.

<sup>9</sup>Хӧдан готьбу Муса: «Фьрәwynе гӧр'а wэ нәкә, wәки wәлате Мьсьреда нишанед мын бенэ зедәкьрне». <sup>10</sup>Муса у һарун эв h'эму нишан ль бәр ч'э'ве Фьрәwyn кьрын, ле Хӧдан дьле Фьрәwyn кьрә кәвьр у әви зар'ед Израел жь wәлате хwэ бәр'нәдан.

### Готьна бона ЩәжьнаФ Дәрбазбуне

**12** Хӧдан wәлате Мьсьреда т'эв Муса у һарун хә-бәр да у гот: <sup>2</sup>«Әва мәһа ль нава мәһада wәр'а бьбә йа пешьн\*», әw ль нава мәһед салета wәр'а бьбә йа пешьн. <sup>3</sup>h'эму щьвина Израелр'а хәбәр дьн у бежын: «Дәһе ве мәһе, бьра һәр мәрвьәк бона мала хwэ бәрхәки һьлдә, сәре һәр мале бәрхәк. <sup>4</sup>Ле һәгәр нәфәре маләке һьндьк бьн, we нькарьбын бәрхәки бьхьын, бьра т'әви wi щинаре незики мала хwэ бьбә йәк, wi бәрхи һьлдә бавежә сәр h'әсабе нәфәра, к'а һәр кәсе чьқаси бькарьбә бьхwә. <sup>5</sup>Бәрхе wә бьра беқӧсур нер у йәксали бә, жь пез йан жи жь бьзьна һьлдьн. <sup>6</sup>Wi хwәй кьн h'эта чардәһе ве мәһе, паше т'эмамийа щьвина мьхӧлқәта Израел, чахе р'о дьчә ава we сәржекә. <sup>7</sup>Бьра жь we хуне һьлдьн, һәр дӧ рәхдәрийа у дәрәзунга\* дәре we мале хьн, к'идәре we wi бәрхи бьхьын. <sup>8</sup>Бьра we шәве гоште wi бьхьын,

\* 12:2 Салнә'ма ибранийа пе һиве мәһә жь һәв дәрдьхьстын аwа готи йәкр'ожийа һиве h'эта т'эмамбуна we. Р'ожа мәһа сәр сале дьк'әтә һиве мәһа Адаре (Март) h'эта һиве мәһа Нисане (Апреле).

\* 12:7 Шемика жорьн.

эви сэр егър быпежын, пе нане шкэва у п'ынцар'а тэл бьхвьн. <sup>9</sup>Жь ви гошти, хав йан аведа к'эланди нэхвьн, ле сэр егър пьжанди бэ, т'эви сэр п'е у дьл һ'нава. <sup>10</sup>Һ'эта сэре сьбэһе жь ви тыштэки нэхелын, ле чь жи бьминэ һ'эта сьбэһе сэр егър бышэвьтиньн. <sup>11</sup>Бь ви авайи ви бьхвьн, бьра пыште вэ гьредайи бьн чарьхед вэ ньгед вэда бьн у шьв жи дэсте вэда бьн, хун ви зу бьхвьн. Эв Дэрбазбуна Хөдан э. <sup>12</sup>We шэве эзе нава вэлате Мьсьрер'а дэрбаз бьм у һэр ньхөрийе вэлате Мьсьре хьм, жь мерьв гьрти һ'эта һ'эйвен. Эзе диwana һ'эму хвэдейед Мьсьре бькьм. Эз Хөдан ьм. <sup>13</sup>Хуне бона вэ бьбэ нишан ль сэр малед к'идэре хун дьминьн. Гава эз вэлате Мьсьре хьм у we хуне бьбиньм, һьнге эзе сэр вэр'а дэрбаз бьм у бэлайе сэр вэда нэйе кө вэ онда кэ. <sup>14</sup>Бьра эв вэр'а бьбэ р'ожэкэ биранине, we бона Хөдан хвэй кьн, бьра эва щэжьна нава ньсьлед вэда бьбэ э'рф-э'дэте һ'эта-һ'этайе. <sup>15</sup>Һ'эфт р'ожа нане шкэва бьхвьн. һэма р'ожа пешьнда һэвиртьр'шк жь мала хвэ дэрхьн, чьмки жь р'ожа пешьнда һ'эта р'ожа һ'эфта к'е кө тыштед һэвиртьр'шккьри бьхвэ, we жь нав Израел бе р'ақэтандьне. <sup>16</sup>Бьра р'ожа пешьн вэр'а бьбэ щьвина пироз у р'ожа һ'эфта жи щьвина пироз. Ван р'ожада т'ө шьхөл нэйе кьрьне, пештьри хварьнед хвэ кө һэр кэс хвэр'а дькарэ һазьр кэ. <sup>17</sup>Щэжьна<sup>Ф</sup> Нане Шкэва хвэйи кьн, чьмки һэма we р'ожеда мьн р'эфед вэ жь вэлате Мьсьре дэрхьстьн, өса кө эве р'оже ль нав ньсьлед хвэда хвэйи кьн, чава э'рф-э'дэте һ'эта-һ'этайе. <sup>18</sup>Жь р'ожа чардэһе мэһа пешьн евареда, хун гэрэке нане шкэва бьхвьн һ'эта евара р'ожа бист йэке we мэһе. <sup>19</sup>Һ'эфт р'ожа һэвиртьр'шк малед вэда т'өнэ бэ, чьмки ки кө тыштед һэвиртьр'шккьри бьхвэ, we жь нав щьвина Израел бе р'ақэтандьне, һэгэр хэриб бэ йан бьнэли бэ. <sup>20</sup>Тыштэки һэвиртьр'шккьри нэхвьн. Ван һ'эму щийада к'идэре кө хун дьминьн нане шкэва бьхвьн». <sup>21</sup>Муса гази һ'эму р'у-



спийед Израел кър у готэ ван: «Анэгори сэре нэфаред хвэ хвэр'а бэрхэки бьбжерьн у Дэрбазбуне сэржекьн. <sup>22</sup>Паше қәвр'экэ зоха һусопеФ һьлдьн хуна т'эштеда кьн у жь we хуна т'эште дэрэзунге у һәр дө р'эхдэрийа хьн. Бьра жь wэ т'ө кэс һ'эта сэре сьбэһе жь дэре мала хвэ дэрнэк'эвэ. <sup>23</sup>We Хөдане дэрбаз бэ кө мьсьрийа хэ, ле гава хуна дэрэзунге у һәр дө р'эхдэрийава бьбинэ, һьнге Хөдане сэр wi дэрийир'а дэрбаз бэ у нәһелэ кө мьльйа-к'этеФ бәладар бьк'эвэ мала wэ. <sup>24</sup>У ве йәке чава қанун, бона хвэ у зар'ед хвэ һ'эта-һ'этайе хвэйкьн. <sup>25</sup>Гава һун һәр'нэ wi wэлате кө Хөдане бьдэ wэ, чава кө әwi wэ-р'а соз дайэ, ве дэрэще бькьн. <sup>26</sup>Ле гава зар'ед wэ жь wэ бьпърсьн: «Эв чь дэрэщэйэ кө һун дэрбаз дькьн?» <sup>27</sup>Һьнге бежьн: «Эва қөрбана Дэрбазбуна Хөдан э кө Мьсьреда ль сэр малед зар'ед Израелр'а дэрбаз бу, мьсьрийа хьст у малед мә хьлаз кьрьн». Щьмэ'т дэвэр'уйа чу у һ'эбанд. <sup>28</sup>У зар'ед Израел чун кьрьн, чава кө Хөдан ә'мьри ль Муса у һарун кьрьбу, өса жи кьрьн.

### Щэза дәһа: Мьрьна ньхөрийа

<sup>29</sup>У гава бу кө wэлате Мьсьреда Хөдан ниве шэве һәр ньхөрийи хьст, жь ньхөрийе Фьрәwьни кө сэр т'эхте хвэ р'уньшти, һ'эта ньхөрийе гьртие кәледа у өса жи һәр ньхөрийе һ'эйwen. <sup>30</sup>We шэве Фьрәwьн, һ'әму хөламед wi у һ'әму мьсьри р'абун. Заринәкэ к'ур к'этьбу Мьсьре, чьмки мал т'өнәбу кө мьри теда т'өнәбуя. <sup>31</sup>Шәв гази Муса у һарун кьр у гот: «Р'абьн жь нав щьмэ'та мьн дэр-к'эвьн һәр'ьн, һун жи зар'ед Израел жи, һәр'ьн Хөданр'а хөламтийе бькьн чава wэ гот. <sup>32</sup>Пәз у дәwаред хвэ жи һьлдьн һәр'ьн, чава wэ гот у дөа мьн жи бькьн».

<sup>33</sup>Мьсьрийа п'ейи ль сэр щьмэ'те кьр, wәки ван зу жь wәлет дәрхьн, чьмки дьготьн: «Әме һ'әму бьмьрьн. <sup>34</sup>Һәвир һе һьлнәһати, щьмэ'те һәвир шкәвава ль нав дәстәханада п'еч'ан у данә ль сэр мьле хвэ. <sup>35</sup>Чава

Муса зар'ед Израелр'а готьбу өса жи кърьн, жь мьсьрийа хьшьред зив, хьшьред зер' у к'ьнщ хвэстьн. <sup>36</sup>Хөдан щьмэ'т ль бэр ч'э'ве мьсьрийа ширьн кър. У чь кө хвэстьн мьсьрийа данэ ван. У мьсьри т'алан кърьн.

### Израели жь Мьсьре дэрдьк'эвын

<sup>37</sup>Зар'ед Израел жь Р'амсесе к'оч'кърьн чунэ Суко-те, пештьри жьн у зар'а шэсьд һ'эзар меред пәйа бун. <sup>38</sup>Т'эви ван әлаләтәкә гьран жь гәләк мьләта жи һәвраз чун, пәз у дәваред ван, кәре һ'әйвана гәләки зә'ф бун. <sup>39</sup>Жь ви һәвире кө т'эви хвә жь Мьсьре анибун, тотьке шкәва пә'түн, чьмки һе һьлнәһатьбу. Жь Мьсьре бәри ван дабун, вана нькарьбу хвә дәрэнги хьстана, һ'эта кө нане р'е жи хвәр'а һазьр нәкърьн. <sup>40</sup>Зар'ед Израел чарсьд си сали Мьсьреда ман. <sup>41</sup>Һәма we р'о-жа хьлазия чарсьд си салие һ'әму р'әфед Хөдан жь Мьсьре дәрк'этын. <sup>42</sup>Әва шәвәкә Хөдан хвәйи дькә кө ван жь Мьсьре дәрхә. Әва әв шәвайә бона Хөдан, к'и-жан кө гәрәке нава зар'ед Израелда қөр'нә-қөр'нә бе хвәйикърьне.

### Ә'рф-ә'дәте Щәжьна Дәрбазбуне

<sup>43</sup>Хөдан готә Муса у һарун: «Әв ә ә'рф-ә'дәте ЩәжьнаФ Дәрбазбуне. Т'ө кәси хәриб гәрәке жь we нәхвә. <sup>44</sup>Ле һәр хөламе кө п'әрәти һатийә к'ьр'ине, ви сьнәт\* ки, һьнге дькарә жь we бьхвә. <sup>45</sup>Йед хәриб у к'ьрекьри, гәрәке жь we нәхьн. <sup>46</sup>Маләкеда гәрәке әв бе хварьне, ви гошти жь мал дәрнәхи у қәт һәстуки ви жи нәшкеньн. <sup>47</sup>Т'әмаийа щьвина Израел бьра ве йәке бькә. <sup>48</sup>Ле гава мәрвьәки хәриб щәм тә бьминә у бьхвәзә Дәрбазбуна Хөдан бькә, бьра һәр қьсьме вийи нерин бе сьнәткърьне,

---

\* 12:44 Сьнәт нишана пәймана нава Хвәде у щьмә'та вида бу, кө дьда к'ьфше әв жь щьмә'та Хвәде бу.

һынге дыкарэ незик бэ ве дэрэще бькэ у бьнэлийе вэлет бе һ'есабе, ле т'ө мэрьве бесьнэт гэрэке жь we нэхwэ. <sup>49</sup>У бьра бона бьнэли у хэрибе кө нав wэда дьминэ қану-нэк бэ». <sup>50</sup>Һ'эму зар'ед Израел өса кьрын, чава кө Хөдан э'мьри Муса у һарун кьрбу, вана өса жи кьр. <sup>51</sup>У өса бу кө һэма we р'оже Хөдан зар'ед Израел р'эфед ванва жь wэлате Мьсьре дэрхьстьн.

### Ньхөрийед к'ьфш кьри бона Хөдан

**13** Хөдан т'эв Муса хэбэр да у гот: <sup>2</sup>«Нав зар'ед Израелда, жь һэр ньхөрийе кө бэт'һне вэдькэ, һэгэр мэри бэ йан һ'эйван, мьнр'а нэдьр<sup>Ф</sup> кэ. Эw п'а-ра мьн э».

### Щэжьна<sup>Ф</sup> Нане Шкэва

<sup>3</sup>Муса готэ щьмэ'те: «Бир биньн ве р'оже, гава кө һун жь Мьсьре, we мала хөламтийе дэрк'этын, чьмки Хөдан бь дэсте хwэйи зор һун жь wьр дэрхьстьн. Нане һьлати нэхwьн. <sup>4</sup>Һун иро мэһа Абибеда\* дэрдьк'эвьн. <sup>5</sup>У га-ва Хөдан тэ бьбэ wэлате кэнанийа, һитийа, эморийа, һиwийа у йэбусийа, чава кө wi кал-бавед тэр'а сонд хвар кө wi wэлати бьдэ тэ, к'идэре шир у һьнгв жь дык'ьшэ, ве мэһеда эве дэрэще дэрбаз ки. <sup>6</sup>Һ'эфт р'ожа нане шкэва бьхwi, р'ожа һ'эфта бьра щэжьна Хөдан бэ. <sup>7</sup>Ван һ'эфт р'ожада, гэрэке нане шкэва бе хварьне, тыш-тед һэвиртьр'шккьри гэрэке щэм тэ т'өнэ бэ, нэ жи нава т'эмамыйа т'опраха тэда щэм тэ һэвиртьр'шк һэбэ. <sup>8</sup>We р'оже гэрэке зар'е хwэр'а гьли ки бежи: «Эв бона we йэке йэ кө чь Хөдан мьнр'а кьр, гава эз жь Мьсьре дэрк'этым». <sup>9</sup>Бьра эв ль сэр дэсте тэ чава нишан бэ у ль сэр э'нийа тэ

\* 13:4 Абиб наве вейи пешьн бу ле ньһа Нисан э. Эв мэһэ сал-нэ'ма һиве дэстпедькэ жь ниве мэһа Адаре (Март) һ'эта ниве мэһа Нисане (Апреле).

жи бона биранине бэ, wэки һинкърьна\* Хөдан сэр заре тэ бэ, чьмки бь дэсте зор Хөдан тө жь Мьсьре дэрхьсти. <sup>10</sup>Ви э'рф-эдэти сал-сал wэдэда дэрбаз ки.

### Э'рф-эдэт бона нхөрийа

<sup>11</sup>У гава Хөдан тэ бьбэ wэлате кэнанийаФ, чава тэ у кал-бавед тэр'а сонд хварийэ кө wi бьдэ тэ, <sup>12</sup>һынге һэр нхөрийе кө бэт'не вэдкэ, бьдэ Хөдан. һэр нхөрийе нерин жь һ'эйванед тэ, п'ара Хөдан бэ. <sup>13</sup>Ле жь бэр һэр нхөрийе к'эрева бэрхэки бьди, ле һэгэр бэрва нэди, стуйе wi бышкени. Ль нав зар'ед хwэда жь бэр һэр нхөрийе мэрвайева бьди. <sup>14</sup>У гава зар'а тэ сьбе жь тэ бьпърсэ у бежэ: «Эв чь йэ?» жер'а бежи: «Хөдан бь дэсте зор эм жь Мьсьре, жь мала хөламтийе дэрхьстн. <sup>15</sup>Гава Фьрэwьн бу кэвър у нэхwэст мэ бэр'дэ, Хөдан һэр нхөрийед wэлате Мьсьреда, жь нхөрийе мерьвда гьрти һ'эта нхөрийед һ'эйвен коштын, бона we йэке жи эз һэр нхөрийе нерини кө бэт'не вэдкэ Хөданр'а қөрбан дькьм у жь бэр нхөрийед зар'ед хwэва дьдьм». <sup>16</sup>Бьра эв йэка нишанэк бэ ль сэр дэсте тэ у бэрэник бэ ль бэр ч'эве тэ, чьмки бь дэсте зор Хөдан эм жь Мьсьре дэрхьстн».

### Р'еwитийа Израел бэрбь Бэ'ра Сор

<sup>17</sup>Гава Фьрэwьн щьмэ'т бэр'да, Хwэде эw ль р'ийа wэлате фьльстинийар'аФ нэбьрн, ле бэле эw һе незик бу, Хwэде гот: «Кө нэбэ щьмэ'т ч'эв шер' к'эвэ п'ошман бэ, пашда вэгэр'э Мьсьре». <sup>18</sup>Ле Хwэде щьмэ'т дора бэр'ийева зьвьр'анд у бьрэ алийе Бэ'ра Сор\*, зар'ед Израел сильһ'кьри жь wэлате Мьсьре дэрк'этын. <sup>19</sup>Муса һэстуйед Усьв жи т'эви хwэ һьлдан, чьмки Усьв зар'ед Израел дабуна

\* 13:9 Аһа жи те фэ'мкърьне: «Қануна».

\* 13:18 Бь зьмане ибрани «Бэ'ра Қамиш» бохаза Бэ'ра Сор э, кө дьк'эвэ навбэра Мьсьре у Синайе.

сонде у готьбу: «Әсә Хwәде we сәр wәда бе, һынге һәстуйед мьн жи т'әви хwә жь вьр һәвраз бьбьн». <sup>20</sup>Әwана жь Сукоте р'ек'әтүн Ет'амеда, хьлазийа бәр'ийе конед хwә вәгьртүн. <sup>21</sup>У Хөдан пешийа ванва дьчу, р'оже пе стунәкә ә'wr р'е нишани ван дькьр, ле шәве жи пе стунәкә агьр р'онайи дькьр, кө әw шәв у р'ож р'е һәр'ьн. <sup>22</sup>Р'оже стуна ә'wr, шәве жи стуна агьр жь бәр ч'әве щьмә'те дур нә дьк'әтүн.

### Дәрбазбуна Бә'ра Сорва

**14** Хөдан т'әв Муса хәбәр да у гот: <sup>2</sup>«Бежә зар'ед Израел кө вәгәр'ьнә пешбәри Пи-һаһирот'е, ль навбәра Мигдоле у бә'ре, пешбәри Баә'л-Сьпоне, незик бә'ре зома хwә лехьн. <sup>3</sup>Һынге Фьрәwьне бона зар'ед Израел бежә: «Әwана wәлетда хальфинә у бәр'ийе дора ван гьрти йә». <sup>4</sup>Әзе дьле Фьрәwьн бькьмә кәвьр, we пәй ван к'әвә у әзе сәр Фьрәwьн у сәр т'әмамыйа ордийа ви р'умәта хwә бьдьмә к'ьфше, һынге мьсьрийе бьзаньбьн кө әз Хөдан ьм». Wана өса жи кьр.

<sup>5</sup>Щаб данә п'адше Мьсьре кө щьмә'т р'әвийә. Дьле Фьрәwьн у хөламед ви һьндава щьмә'теда һатьнә гөһастьне у готүн: «Мә чь кьр? Чьма изьна Израел да кө әw жь хөламтийа мә дәрк'әтүн?» <sup>6</sup>Фьрәwьн ә'рәба хwә һазьр кьр, щьмә'та хwә жи т'әви хwә һьлда. <sup>7</sup>Шәсьд ә'рәбед шер'ә жьбарә һьлдан у өса жи һ'әму ә'рәбед шер'ә Мьсьре, сәр ван һ'әмуяа жи сәрәскәр данин. <sup>8</sup>Хөдан дьле Фьрәwьн п'адше Мьсьре кьрә кәвьр у әw пәй зар'ед Израел к'әт. Ле зар'ед Израел бь мерк'ими дәрк'әтбун. <sup>9</sup>мьсьри пәй ван к'әтүн, һ'әму һәсп у ә'рәбед Фьрәwьн, сийари у әскәрәд ви хwә ванр'а гиһандьн, Израел жи пешбәри Баә'л-Сьпоне щәм Пи-һаһирот'е незик бә'ре зома хwә лехьстьбу.

<sup>10</sup>Фьрәwьн кө незик бу зар'ед Израел дина хwә дане, ва йә мьсьри пәй ван к'әтүнә, һынге зар'ед Израел гәләки

търсийан у гази Хөдан кърн. <sup>11</sup> Готнэ Муса: «Гэло Мьсьреда т'рб т'онэбун кō тэ эм анин бэр'ийеда бьмьрн? Тэ эв чь ани сэре мэ кō эм жь Мьсьре дэрхьстн? <sup>12</sup> Wэлате Мьсьреда мэ эв йэк тэр'а нэдьгот: «Бьхелэ эм хōламти-йе мьсьрийар'а бькьн»? Чьмки he р'нд бу мэ Мьсьреда хōламти бькьра, нэ кō бэр'ийеда бьмьрн». <sup>13</sup> Ынге Муса готэ щьмэ'те: «Нэтърсьн, бьсэкьнн хуне бьбиньн хьлазкьрна Хөдан, к'ижан кō бона wэ эве иро бькэ! Чьмки ван мьсьрийед кō хун иро дьбиньн, иди хуне т'ō шар нэбиньн. <sup>14</sup> Хөдане дэwса wэ шэр' кэ, хун кэр' бьн».

<sup>15</sup> Хөдан готэ Муса: «Тō чьма гази мьн дьки? Бежэ зар'ед Израел бьра р'ек'эвн. <sup>16</sup> Тō жи шьвдара хwэ хьлдэ у дәсте хwэ дьрежи сэр бэ'ре кэ у бэ'ре бьқәлешэ кō зар'ед Израел ль нава бэ'ре, сэр зьһайер'а хэр'н. <sup>17</sup> Ва йэ эзе дьле мьсьрийа бькмэ кэвэр у we пэй ван хэр'н у эзе сэр Фьрэwьн, һ'эму ордийа wi, э'рәбед wi, сийарийед wi бемэ р'умэткьрне. <sup>18</sup> Ынге мьсьрийе бьзаньбьн кō эз Хөдан ьм, гава эз сэр Фьрэwьн, э'рәбед wi у сийаред wi бемэ р'умэткьрне».

<sup>19</sup> Мьльйак'эте\* Хwэде кō пешийа зома исраелийава дьчу, һатэ пашийа ван у стуна э'wре пешийа ван жи һатэ пашийа ван сэкьни. <sup>20</sup> У хwэ да нава зома мьсьрийа у зома исраелийа, һнге бона мьсьрийа э'wрайи у шэвэр'эш бу, ле бона исраелийа шэв р'онайи дьда у т'эмамийа шэве эw незики һэв нэбун.

<sup>21</sup> Муса дәсте хwэ дьрежи сэр бэ'ре кьр, Хөдан т'эмамийа шэве бь байе р'оһьлатейи қайим бэ'р ажот у бэ'р зьһа кьр. Ав һатэ қәлаштьне <sup>22</sup> у зар'ед Израел, ль нава бэ'ре сэр зьһайер'а чун, ав алийе wани ч'әп у р'астева бу диwар. <sup>23</sup> мьсьри пэй ван к'этн у һ'эму һәспед Фьрэwьн, э'рәбед wi, сийарийед wi чунэ нава бэ'ре. <sup>24</sup> У дәсте бәрбанге,

---

\* 14:19 Эва щур'әки қәдьргьртн йан э'йанбуна Хwэде йэ.

Хөдан жь стуна агъри у э'wри дина хwэ да ордийа мьсьрийа у т'эвиһэвбун кърэ ль нав ван. <sup>25</sup>Т'экэрэкед э'рэбед ван һатънэ дэрхъстьне\* өса кӧ эw бь зоре пешда дьчун, һынге мьсьрийа гот: «Әм бър'эвън жь израелийа, чьмки Хөдан дэwса ван мьсьрийар'а шәр' дькә».

<sup>26</sup>Хөдан готә Муса: «Дәсте хwэ дьрежи сәр бә'ре кә, wәки ав ль сәр мьсьрийа, э'рэбед ван у сийарийед wанда вэгәр'э». <sup>27</sup>Муса дәсте хwэ дьрежи сәр бә'ре кър, сәре сьбәһе бәр вэгәр'ийа сәр қърара хwэ, мьсьри дьр'эвийан бәрбь we у Хөдан мьсьри кәwки бә'ре кърън. <sup>28</sup>Ав вэгәр'ийа у э'рәбә, сийари у т'әмамия ордийа Фьрәwън нъхамт, әвед кӧ пәй ван к'әтбунә бә'ре қәт йәк жь ван нәма.

<sup>29</sup>Ле зар'ед Израел, бә'реда сәр зьһайер'а чубун, ав ль алийе wани ч'әп у р'астева wанр'а бьбу диwар. <sup>30</sup>У we р'оже Хөдан израели жь дәсте мьсьрийа хьлаз кърън. израелийа дәве бә'ре мьсьри мьри дитьн. <sup>31</sup>Израел қәwата wi дәсти дит, к'ижан кӧ Хөдан сәр мьсьрийа да к'ьфше. Щьмәт жь Хөдан тьрсийа у бawәрийа хwэ Хөдан у хӧламе wi Муса анин.

### Стърана Муса

**15** һынге әв стърана Муса у зар'ед Израел Хөданр'а стъран у готън:

«Хөданр'а дьстьрем, чьмки эw хwәйе р'умәта мәзын ә, һәсп у сийари авитьнә бә'ре.

<sup>2</sup> Хөдан э қәwата мьн у р'успитийа мьн.

Әw мьнр'а бу хьлазбун.

Әw ә Хwәдейе мьн у әзе шькьрийе бьдьмә wi.

Әw ә Хwәдейе баве мьн у әзе wi бьльнд кьм.

<sup>3</sup> Хөдан шәр'к'ар ә,

наве wi Хөдан ә.

---

\* 14:25 Wәлгәр'андьна йунанийә кәвьнда ньвисар ә кӧ т'әк һатънә гьртъне.

- <sup>4</sup> Э'рәбед шер' у ордийа Фьрәwьн авитьнә бә'ре,  
сәрәскәред вийә жьбарә нөқи Бә'ра Сор бун.
- <sup>5</sup> Бөбьнийа әw ньхамтьн,  
мина кәвър к'этьнә к'урайе.
- <sup>6</sup> Дәсте тәйи р'асте, йа Хөдан, қөдрәтева р'умәткьри йә,  
дәсте тәйи р'асте, йа Хөдан, дьжмьн һурдәхwәши  
дькә.
- <sup>7</sup> Тө бь мәзьнайийа р'умәта хwә, мьрабьлед хwә дә-  
вәр'у дьки,  
тө һерса хwә дышини, мина хозане ван  
дышәwьтинә.
- <sup>8</sup> Ав жь һәwа позе тә лод бун,  
лейи мина диwер сәкьнин,  
бөбьни дьле бә'реда мәwьщин.
- <sup>9</sup> Дьжмьн гот: «Пәй к'әвм хwә пер'а бьгьһиньм,  
т'ален п'арәвәкьм у нәфса мьне пе ван т'ер бә  
әзе шуре хwә к'аш кьм у дәсте мьне қьр'а ван  
бинә».
- <sup>10</sup> Ле тә байе хwә р'акьр, бә'ре әw ньхамтьн,  
ава қәwинда, мина гөле к'этьнә бьни.
- <sup>11</sup> К'и йә мина тә нав хwәдейада, йа Хөдан?  
К'ижан ә мина тә пирозийеда хwәйир'умәт,  
хwәйипәсьн-қөдрәт у к'әрәмәткьр?
- <sup>12</sup> Дәсте хwәйи р'асте тә дьреж кьр,  
ә'рде әw дақөртандьн.
- <sup>13</sup> Тө бь һ'өба хwәйә амьн р'ебәрийа ве щьмә'те дьки,  
йа кө тә хьлаз кьрийә.  
Тө бь қәwата хwә ван дьби хана хwәйә пироз.
- <sup>14</sup> Мьләта бьһист у дьләрьзьн,  
тьрс к'этә сәр бьнәлийед Фьләсәте.
- <sup>15</sup> Ынге saw к'этә сәр миред ӘдомеФ,  
сәрwеред МоwабөФ ләрьзин  
у т'әмамия бьнәлийед КәнәнеФ һ'әлийан.
- <sup>16</sup> Хоф у тьрс к'этә сәр ван,



жъ мэзынайийа зэнда тэ, we мина кэвэра сар бьн,  
 h'эта кӧ дэрбаз бэ щьмэ'та тэ, йа Хӧдан,  
 h'эта кӧ дэрбаз бэ эв щьмэ'та, йа кӧ тэ станд.

<sup>17</sup> Те ван бини ль ч'ийайе мьлк'е хвэ дач'ькини,  
 ви щийи, йа Хӧдан, кӧ тэ бона майина хвэ  
 чекьр.

We пирозгәһеда, Хвәйе мьн, кӧ дәстед тә чекьрн.

<sup>18</sup> Хӧдане h'эта-h'этайе п'адшатиye бькә».

<sup>19</sup> Гава һәспед Фьрәвьн у әрәбед ви сийарийава к'эть-  
 нә бә'ре, Хӧдан ава бә'ре сәр ванда вәгәр'анд, ле зар'ед  
 Исраел, ль нав бә'ре сәр зьһайер'а чун.

### Стърана Мәрйәме

<sup>20</sup> Мәрйәма хушка һарунә п'ехәмбәрф дәф гьртә дәсте  
 хвә, h'әму к'ӧлфәт жи дәф дәстада бь р'әқасе ль пәй we  
 дәрк'әтн. <sup>21</sup> У Мәрйәме ль ван вәдыгәр'анд:

«Хӧданр'а бьстьрен, чьмки эв хвәйе р'умәта мэзын ә,  
 һәсп у сийари авитьнә бә'ре».

### Ава тәл

<sup>22</sup> Муса зар'ед Исраел жь Бә'ра Сор бьрн, чун гьһиштьнә  
 бәр'ийа Шуре, се р'ожа бәр'ийева чун у р'асти аве нәһа-  
 тьн. <sup>23</sup> Гава гьһиштьнә Мараһе, нькарьбун ава Мараһе  
 вәхварана, чьмки тәл бу, ләма наве we Мараһ \* һатә да-  
 нине. <sup>24</sup> һьнге щьмә'те бина хвә ль Муса тәнг кьр у готе:  
 «Әм чь вәхвьн?» <sup>25</sup> һьнге Муса гази Хӧдан кьр, Хӧдан жи  
 дарәк нишани ви да, әви авитә нава аве у ав хвәш бу.

We дәре Хӧдан қанун у т'әми данә ван, ль we дәре әв  
 щер'ьбандьн <sup>26</sup> у гот: «Р'аст һәгәр тө гӧр'а Хӧдан Хвәдейе  
 хвә бьки у әв тьште кӧ ви хвәш тен бьки, гӧһ бьди  
 т'әмийед ви у h'әму қанунед ви хвәй ки, әзе жь ван

\* 15:23 Бь зьмане ибрани «Тәлайи».

нэхwэшийа қэт йәке нәйнъмә сәре тә, чь кө мын ани сәре мьсьрийа, чьмки эз Хөдан ьм, һ'әкиме тә».

<sup>27</sup>Пәй ван йәкар'а әwana гьһиштьнә Елиме, we дәре донздәһ канийед ава у һ'әфте даред хөрма һәбун, we дәре щәм аве конед хwә вәгьртьн.

### Қар'итк'ф у мана

**16** Т'әмамыйа щьвина зар'ед Израел'ф жь Елиме р'е-к'этьн, һатьнә бәр'ийа Сине, кө ль навбәра Елиме у Синайеда йә, панздәһе мәһа дөда бу кө жь wәлате Мьсьре дәрк'этьбун. <sup>2</sup>Т'әмамыйа щьвина зар'ед Израел бәр'ийеда, һьндава Муса у һарунда бина хwә тәнг кьрн. <sup>3</sup>Зар'ед Израел готьнә ван: «Хwәзи әм бь дәсте Хөдан ль wәлате Мьсьреда бьмьрана, гава әм бәр ситьле гошт р'удьньштьн у мә т'ер нан дьхвар, wә әм дәрхьстьнә ве бәр'ийе кө т'әмамыйа щьвине бьр'чийа бькөжьн».

<sup>4</sup>Һьнге Хөдан готә Муса: «Ва йә әзе wәр'а жь ә'змен нан бьбариньм, бьра щьмә'т һәр р'ож дәрк'әвә, чьқас лазьмә т'ера we р'оже бәрәв кә, wәки ван бьщер'ьбиньм к'а әве анәгори т'әмыйа мын бькьн йан на. <sup>5</sup>У р'ожа шәша чь кө биньн бьра һазьр кьн, әw сәр т'опкьрьна һәр р'ожир'а дөбарә бә». <sup>6</sup>Муса у һарун готьнә һ'әму зар'ед Израел: «Ве еваре һуне бьзаньбьн кө Хөдан һун жь wәлате Мьсьре дәрхьстьнә. <sup>7</sup>Сәре сьбәһе һуне р'умәта Хөдан бьбиньн, чьмки әwi бьһист әw бинтәнгийа wәйә һьндава Хөданда. Әм к'и нә кө һун һьндава мәда бинтәнгийе дькьн?» <sup>8</sup>Муса гот: «Хөдане еваре бона хварьне гошт бьдә wә у сәре сьбәһе жи нан бьдә һ'әта кө һун т'ер бьхwьн, чьмки Хөдан бьһист әw бинтәнгийа wә. Әм к'и нә? һун бина хwә ль мә тәнг накьн ле ль Хөдан».

<sup>9</sup>Муса готә һарун: «Бежә т'әмамыйа щьвина зар'ед Израел: «Ль бәр Хөдан бьсәкьньн, чьмки әwi бинтәнгийа wә бьһист»». <sup>10</sup>Гава һарун т'әмамыйа щьвина зар'ед Израел-р'а хәбәр дьда, wана дина хwә да бәр'ийе, ва йә р'умәта

Хөдан ль нав э'wrда hatэ хане. <sup>11</sup> Хөдан т'эв Муса хэбэр да у готе: <sup>12</sup> «Мьн бинтэнгиа зар'ед Израел бьхист. Т'эви ван хэбэр дэ у бежэ ван: «Бэре еваре हुне гошт бьхвьн у сэре сьбэһе жи हुне бь нан т'ер бьн, һынге हुне бьза-ньбьн кө эз Хөдан Хвәдейе вә мә».

<sup>13</sup> Өса қәwьми кө еваре қар'иткФ фьр'ин hatьн у зомә ньхамтьн, сэре сьбэһе дор-бэре зоме қьр'авийе дани. <sup>14</sup> Гава әw қьр'авийа дани һьлат, ва йә сәр р'уйе бәр'ийе тьштәки мина капәке һур, гьловәр', мина қьше ль сәр әрде һәбу. <sup>15</sup> Гава зар'ед Израел дитьн, готьнә һәв: «Әв чь йә?» Чьмки ньзаньбун әв чь йә. Муса готә ван: «Әв әв нан ә кө Хөдан бона хварьна вә да. <sup>16</sup> Т'әмийа Хөдан әв ә: «Бьра һәр кәси вә қаси хварьна хвә жь ви бәрәв кә. Сэре һәр нәфәре омерәки\* бәрәв кә, вәкә һ'әсабе ван нәфса, чьқас кө коне һәр кәсида һәнә». <sup>17</sup> Зар'ед Израел өса жи кьрьн. Бәрәв кьрьн һьнәка гәләк, һьнәка һьндьк. <sup>18</sup> У гава чап кьрьн\*, к'е гәләк т'оп кьр, зедә нәбу у к'е һьндьк т'оп кьр, кем нәбу. һәр йәки қаси хварьна хвә бәрәв кьр. <sup>19</sup> Муса готә ван: «Бьра т'ө кәс жь ви һ'әта сэре сьбэһе нәһелә». <sup>20</sup> Вана гөр'а Муса нәкьр, жь ван һьнәка һ'әта сэре сьбэһе жь ви һьштьн. Бин к'әте у көрми бу. Муса сәр ван һерс к'әт. <sup>21</sup> һәр сэре сьбэһе, һәр йәки т'ера хварьна хвә жь ви бәрәв дькьр у чахе гәрмайийа тә'ве дьдаһе әв дьһ'әлийа.

<sup>22</sup> Ле р'ожа шәша әв нан дөбарә бәрәв кьрьн, ава готи сэре һәр йәки дө омер. һ'әму сәрwerед шьвине hatьн ги-һандьнә Муса <sup>23</sup> у ви готә ван: «Әв готьна Хөдан ә: «Сьбе р'ожаФ р'ьһ'әтийе йә, шәмийа Хөданә пироз ә, чь кө हुне бьпежьн, бьпежьн у чь кө हुне бьк'әлиньн, бьк'әлиньн у һәр чь кө зедә бә, бьһельн бона р'ожа дьн». <sup>24</sup> Әве зедә

\* 16:16 Ава готи «килограмәке». Омерәк дәрданәкә чапе бу кө пе тьшт дьһатьнә чапкьрьне.

\* 16:18 ИбраниФ хэбэр бь хэбэр: «Пе омере чап кьрьн».

буйи һ'эта сәре сьбәһе һыштын, чава кө Муса готьбу, нә бин к'әте, нә жи көрми бу. <sup>25</sup> Муса гот: «Иро ви бьхвьн, чьмки иро р'ожа р'ьһ'этийейә бона Хөдан ә, һуне иро жь ви чоледа нәбиньн. <sup>26</sup> һуне шәш р'ожа жь ви бәрәв кьн, ле р'ожа һ'әфта кө шәми йә, we т'өнә бә».

<sup>27</sup> У өса қәвьми кө р'ожа һ'әфта жь щьм'әте һьнәк дәрк'ә-  
тын кө бәрәв кьн, ле нәдитьн. <sup>28</sup> һынге Хөдан готә Муса:  
«Һ'эта к'әнге һуне нәхвазьн т'әми у һинкьрьнед мьн хвәй  
кьн? <sup>29</sup> Бьньһер'ьн, Хөдан шәми да вә, ләма р'ожа шәша  
нане дө р'ожа дьдә вә, бьра һәр кәс щийе хвәда бьми-  
нә, р'ожа һ'әфта, т'ө кәс жь щийе хвә нәләрә». <sup>30</sup> Щьм'әт  
р'ожа һ'әфта р'ьһ'әт бу.

<sup>31</sup> Мала Исраел наве ви данин мана\*, әв мина жь к'о-  
ма т'охьме мехьке, сьпи у тә'ма we мина к'әте пе һьнгьв  
бу. <sup>32</sup> Муса гот: «Әв т'әмийа Хөдан ә: «Жь ви омерәки  
дагьрьн кө нава ньсьлед вәда бе хвәйкьрьне, вәки  
әвана ви нани бьбиньн к'ижан кө мьн һун бәр'ийеда  
данә хварьне, гава мьн һун жь вәлате Мьсьре дәрхьс-  
тын»». <sup>33</sup> Муса готә һарун: «Щер'әки һьлдә омерә манә  
т'ьжи кә у дайнә ль бәр Хөдан, бона кө нав ньсьлед  
вәда бе хвәйикьрьне». <sup>34</sup> Чава Хөдан т'әми да Муса,  
һарун өса әв дани ль бәр Шә'дәтийе\* кө бе хвәйикь-  
рьне. <sup>35-36</sup> \* Зар'ед Исраел чьл сали мана хварьн, һ'эта  
кө гьһиштынә вәлате шен. Мана хварьн һ'эта кө гь-  
һиштынә синоре вәлате Кәнәне.

\* 16:31 Фә'мина хәбәра «мана» бь зьмане ибрани «Әв чь йә?»  
бьньһер'ә 16:15.

\* 16:34 Әв Шә'дәти бә'са СьндоқеФ Шә'дәтийе дькә йа кө we  
паше бе чекьрьне (бьньһер'ә Дәрк'әтын 25:10-21). Аһа әм фә'м  
дькьн кө чь вьра ньвисар ә we паше бе кьрьне.

\* 16:35-36 Тек'ста ибранида әв жи һәйә «Дәһә п'аре омере вәкә  
ефаке йә». «Омерәк» дәрданәкә кө незики килограмәк ар  
һьлдьда.

Ав жь қәйайе

**17** Т'эмамияа щьвина зар'ед Израел, ль гора гот'на Ходан жь фьрарийа бәр'ийа Сине чун ль Р'ьфидиме конед хwэ вәгьрт'ын, ль wьр бона щьмә'те ава вәхварьне т'өнә бу. <sup>2</sup>Һьнге щьмә'те қыр'ка Муса гьрт у гот'не: «Аве бьдә мә әм вәхwьн». Муса готә ван: «Һун чьма қыр'ка мьн дыгьр'н? Чьма Ходан дыщер'ьбиньн?» <sup>3</sup>Щьмә'т we дәре т'и бу, бина хwэ ль Муса тәнг кьр'н у гот'не: «Чьма тә әм жь Мьсьре дәрхьст'н, wәки мә, зар'ед мә у һ'әйwанед мә т'ибуна бькөжи?» <sup>4</sup>Муса гази Ходан кьр у гот: «Әз хwэ ль we щьмә'те чава бькьм? Һьндьк майә кө мьн бьд'нә ль бәр кәвьра!» <sup>5</sup>Һьнге Ходан готә Муса: «Дәрбази пешийа щьмә'те бә, жь р'успийед Израел т'әви хwэ һьлдә у we шьвдара хwэ, бь к'ижане тә ч'әме Ниле хьст, бьгьрә дәсте хwэ у һәр'ә. <sup>6</sup>Ва йә әзе ль wьр һ'ореребада сәр қәйе, ль бәр тә бьсәкьн'м у тә қәйе хә, we жь we аве дәре щьмә'те вәхwә». Муса ль бәр ч'әве р'успийед Израел өса кьр. <sup>7</sup>У наве wi щийи дани Массаһ у Мерибаһ\*, чьмки зар'ед Израел wьр к'әт'нә дә'we, Ходан щер'ьбандьн у гот'н: «Гәло Ходан нав мәда йә йан на?»

Шәр'е мьқабльи АмалекиФ

<sup>8</sup>Амалеки һат'н ль нав Р'ьфидиме т'әв Израел шәр' кьр'н. <sup>9</sup>Муса готә Йешу: «Мәр'а мера бьбьжерә у һәр'ә т'әв Амалек шәр' кә, сьбе әзе ль сәре гьр бьсәкьн'м у шьвдара Хwәде жи дәсте мьнда». <sup>10</sup>Йешу өса кьр чава кө Муса гот, т'әви Амалек шәр' кьр. Муса, һарун у һур р'абунә сәре гьр. <sup>11</sup>Гава Муса дәсте хwэ бьльнд дькьр, израелийа ль сәр дьк'әт'н, ле гава дәсте хwэ бәр'д'да, амалеки ль сәр дьк'әт'н. <sup>12</sup>Ле гава дәстед Муса wәстийан, һьнге кәвьрәк

\* 17:7 «Массаһ у Мерибаһ» бь зьмане ибрани те wәлгәр'андьне «Щер'ьбандьн у Дә'w».

һылдан данинэ бһн ви у эw ль сэр ви р'унышт. һарун у һур жи йэки аликива йе дһн жи алийе дһнва дэстед ви бһльнд хwэй кьрһн, һ'эта р'о чу ава дэстед ви qэвин сэкһнин. <sup>13</sup>Йешу Амалек щьм'этева дэве шурр'а дэрбаз кьр. <sup>14</sup>һынге Хөдан готэ Муса: «Ве йэке бона биранине к'ьтебеда бһньвисэ у быгһинэ göһе Йешу кö эзе биранина Амалек, бһн п'эр'е э'зманда лап бьдьмэ һьлдане». <sup>15</sup>Муса горигәһәк<sup>Ф</sup> чекьр у наве we дани: Хөдан ала мһн э. <sup>16</sup>У гот: «Ль сэр т'эхте Хөдан дэст бһльнд бу!\* Хөдане т'эв Амалек qөр'нэ-qөр'нэ шэр' кэ»

### Ит'ро пешийа Мусада те

**18** Хэзуре Муса, Ит'роие т'эреqe Мьдйане эв һ'эму бһхистьн, кö Хwэде бона Муса у щьм'эта хwэ Исраел чь кьр у чава Хөдан Исраел жь Мьсьре дэрхьст. <sup>2</sup>һынге Ит'роие хэзуре Муса, жьна Муса Сиппораһ, пэй пашдабьрһна wer'a һьлда, <sup>3</sup>т'эви һәр дö көр'ед we, наве йэки Гершом\* бу, чьмки эви готьбу: «Wэлате хәрибда фьрари мэ» <sup>4</sup>у наве йе дһн Елийазер\* бу, чьмки эви готьбу: «Хwэдейе баве мһн алик'аре мһн бу у эз жь шуре Фьрәwһн аза кьрһм». <sup>5</sup>Хэзуре Муса Ит'ро т'эв һәр дö көр'ед ви у жьна ви һатэ бәр'ийе щәм Муса, we дэра кö эви бәр ч'ийайе Хwэде зома хwэ лехьстьбу. <sup>6</sup>Әви щаб да Муса у гот: «Эз хэзуре тэ Ит'ро мэ, т'эв һәр дö көр'ед тэ у жьна тэ темэ щәм тэ». <sup>7</sup>Муса р'абу пешийа хэзуре хwэда чу, бәр ви та бу, эw р'амуса, һ'ал-һ'әwале һэв пьрсин у к'этһнэ кон. <sup>8</sup>Муса эw һ'эму хэзуре хwәр'а

\* 17:16 Эва нишана сондхварьне йә, ле аһа жи те wөлгәр'ан-дһне «Чьмки дэсте хwэ ль сэр т'эхте Хөдан бһльнд кьр» у те фә'мкьрһне кö Амалек дэсте хwэ мьqабьли Хөдан р'акьр.

\* 18:3 Бь зьмане ибрани дәнге наве «Гершом» мина «фьрари» те бһхистьн.

\* 18:4 Бь зьмане ибрани «Хwэде мһн, алик'ар э».

гъликърын, чь кӧ Хӧдан бона Израел анибун сәре Фьрә-  
 ын у мьсьрийа, кӧ р'ева чьқас щәфа дитьбун у Хӧдан  
 чава әв аза кьрынә. <sup>9</sup>Ит'ро ша бу бона ван кьред қәнщә  
 кӧ Хӧдан Израелр'а кьрьбун, гава әв жь дәсте мьсьри-  
 йа аза кьрынә. <sup>10</sup>У Ит'ро гот: «Бьмбарәк бә Хӧдан кӧ һун  
 жь дәсте мьсьрийа у жь дәсте Фьрәын аза кьрын, йе кӧ  
 щьмә'та хвә жь бьндәстийа мьсьрийа аза кьр. <sup>11</sup>Ньһа  
 эз заньм кӧ Хӧдан жь һ'әму хвәдейа мәстър ә, һәма we  
 йәкеда бь к'ижана әвана ль бәр исраелийа пе дьфьр'ин». <sup>12</sup>У  
 Ит'ройе хәзуре Муса дийарийа т'әвайишәвате у қӧр-  
 бан Хвәдер'а анин. һарун у һ'әму р'успийед Израел т'әв  
 хәзуре Муса һатын бәр Хвәде нан бьхьын.

### Ширәта Ит'ро

<sup>13</sup>Рожтьра дьне Муса р'унышт кӧ һ'акьмтийе щьмә'те  
 бькә, щьмә'т сәре сьбәһе һ'әта еваре щәм Муса сәкьни  
 ма. <sup>14</sup>Гава хәзуре Муса әв һ'әму дит кӧ әв чь ль щьмә'те  
 дькә, гот: «Әв чь тыштә кӧ тӧ ль щьмә'те дьки? Чьма тӧ  
 т'әне р'удьнейи у т'әмамийа щьмә'те сәре сьбәһе һ'әта  
 еваре щәм тә дьсәкьнә?» <sup>15</sup>Муса готә хәзуре хвә: «Чьмки  
 щьмә'т те щәм мьн кӧ жь Хвәде бьпърсә. <sup>16</sup>Гава ль нав  
 ванда тыштәк дьқәвьмә әв тенә щәм мьн у эз ль нав  
 һәр дӧ мәрвада һ'акьмтийе дькьм у эз қанун у һинкь-  
 рынед Хвәде ль бәр ван вәдькьм». <sup>17</sup>Һьнге хәзуре Муса  
 готә ви: «Кьрына тә нә тыштәки қәнщә ә, <sup>18</sup>бь ве йәке  
 һьн те бьһ'әли-бьмаши, һьн жи әв щьмә'та кӧ т'әви тәйә,  
 чьмки әв шьхӧла бона тә гәләки гьран ә, тӧ т'әне нькари  
 ве йәке бьки. <sup>19</sup>Ньһа гӧһ бьдә готьна мьн, әзе ширәтәке  
 бьдьмә тә у Хвәдейе т'әви тә бә. Бона щьмә'те тӧ һәр'ә  
 ль бәр Хвәде у пьрсед ван дайнә ль бәр Хвәде. <sup>20</sup>Қа-  
 нун у һинкьрына ван һин бькә у we р'ийа кӧ әв гәрәке  
 теда һәр'ын бәр ван вәкә, ӧса жи ван кьред кӧ гәрәке  
 бькьн. <sup>21</sup>Ле тӧ, жь нава һ'әму щьмә'те, мәрвьед жәһати,  
 Хвәдехоф, мәрвьед амьнә кӧ к'ара хвә нагәр'ын бьбьжерә

у жь ван, сэрh'эзара, сэрсэда, сэрпенцийа у сэрдәһа сэр ван к'ьфш кә. <sup>22</sup>Бра һәр гав эвана һ'акъмтийе ль щьм-э'те бькьн, һәр тыштед чэтын тәр'а бежьн, ле йед сьвьк, бра хwәха һ'акъмтийе бькьн, бь ви аwaiи we жь сэр тә сьвьк бә у wi бари т'эви тә һьлдьн. <sup>23</sup>Һәгәр тө ве йәке бьки у Хwәде жи өса тәр'а бежә, һынге те бькарьби тәйах ки у т'эмаийа ве щьмә'те жи we хер у сьламәт һәр'э бьгьнижә щийе хwә».

<sup>24</sup>Муса готьна хэзуре хwә қәбул кьр у әw һәр тыште кә wir'а гот кьр. <sup>25</sup>У Муса жь нава т'эмаийа исраелия мәрвевд жеһати бьжартьн у әw сэр щьмә'те сәрвер, аwa готи сэрh'эзар, сэрсәд, сэрпенци у сэрдәһә к'ьфш кьрн. <sup>26</sup>Һәр гав wана һ'акъмтийа щьмә'те дькьр, тыштед чэтын дьгиһандьнә Муса, ле йед сьвьк хwәха һ'акъмти дькьрн. <sup>27</sup>Муса хэзуре хwә вәр'екьр у әw чу wәлате хwә.

### Израел ль бәр ч'ийайе Синайе

**19** Мәһа сьсийада зар'ед Израел пәй дәрк'этына Мь-сьрер'а, һәма we р'оже гьһиштьнә бәр'ийа Синайе. <sup>2</sup>Жь Р'ьфидиме р'ек'этын чунә бәр'ийа Синайе у бәр'ийеда конед хwә вәгьртьн. Израел ль we дәре бәр ч'ийе конед хwә вәгьртьн. <sup>3</sup>Муса һьлк'ьшийа щәм Хwәде у Хөдан жь ч'ийе гази wi кьр у готе: «Аһа бежә мала Ақуб у зар'ед Израелва бьдә әйанкьрне: <sup>4</sup>«Wә дит мьн чь ани сәре мьсь-рийа у һун чава һьлдан ль сэр п'әр'ед тәйре симьр' аниһә щәм хwә. <sup>5</sup>У һьһа һәгәр һун р'аст гөр'а мьн бькьн у пәй-мана<sup>ф</sup> мьн хwәйи кьн, һынге һуне жь нав һ'әму мьлэтада бьбьнә мьлк'е мьн, чьмки т'эмаийа дьне йа мьн ә. <sup>6</sup>Һуне жи мьһр'а бьбьнә п'адшатиһа к'аһин<sup>фа</sup> у мьлэтәки бөһөр-ти». Әв ьн әw готьн кә тө гәрәке зар'ед Израелр'а бежи».

<sup>7</sup>Муса һат гази р'усьпийед щьмә'те кьр у һ'әму хәбәрәд кә Хөдан т'әми дабу wi бәр ван дани. <sup>8</sup>У т'эмаийа щьмә'те һәвр'а щаб да у гот: «Һ'әму готьнед Хөдан әме бькьн!» У Муса готьна щьмә'те гиһандә Хөдан. <sup>9</sup>Хөдан готә Муса:



«Ва йэ эзе нав э'врэки сьхда бемэ щэм тэ, wэки щьмэ'т бьбьхе эзе чава т'эви тэ хэбэр дьм у хэр гав тэ бавэр бькэ».

Муса готьна щьмэ'те гиһандэ Хөдан <sup>10</sup>у Хөдан готэ Муса: «Һэр'э щэм щьмэ'те у ван иро у сьбе паqьж кэ, бьра к'ьнщед хwэ бьшон. <sup>11</sup>Бона р'ожа сьсийа һазьр бьн, чьмки р'ожа сьсийа ль бэр ч'э'ве т'эмамийа щьмэ'те, Хөдане пэйайи сэр ч'ийайе Синайе бэ. <sup>12</sup>Һэр алийава, бона щьмэ'те синор к'ьфш кэ у бежэ: «Мьqати хwэ бьн, кө р'анэбьнэ ч'ийе йан жи п'еше к'эвьн. Һэр кэсе кө незики ч'ийе бэ, гэрэке бьмьрэ. <sup>13</sup>Бьра дэст wi нэк'эвэ, ле wi бьдьнэ бэр кэвьра йан жи пе тире лехьн, һэгэр Һ'эйван бэ йан мэри бэ гэрэке сах нэминэ», чахе дэнге бор'ийа жь стьруйе бэрен дьреж бе ледане, һьнге эw дькарьн һьлк'ьшьнэ ч'ийе». <sup>14</sup>Муса жь сэре ч'ийе пэйайи щэм щьмэ'те бу, щьмэ'т паqьж кьр у вана к'ьнщед хwэ шуштьн. <sup>15</sup>Эwi готэ щьмэ'те: «Бона р'ожа сьсийа һазьр бьн, незики к'өлфэта нэбьн». <sup>16</sup>Р'ожа сьсийа, гава сьбэһ зэлал дьбу, бу qьр'чин у бьруске бьрq вэдьда, э'врэки сьх ль сэр ч'ийе бу у дэнге бор'ийа жь стьру гэлэки қайим һат, р'ьсасе ль т'эмамийа щьмэ'та зоме гьрт. <sup>17</sup>Муса щьмэ'т жь зоме дэрхьстэ ль бэр Хwэде у эw бьнат'ара ч'ийе сэкьнин. <sup>18</sup>Т'эмамийа ч'ийайе Синайе ду дькьр, чьмки Хөдан агьрда пэйайи сэр wi бу, дуйе wi мина дуйе фьр'не һьлдьк'ьшийа у т'эмамийа ч'ийе қайим дьһ'эжийа. <sup>19</sup>Дэнге бор'ийа стьру чьqас дьчу қайим дьбу, Муса хэбэр да у Хwэде бь дэнг щаба wi да. <sup>20</sup>Хөдан пэйайи сэр сэре ч'ийайе Синайе бу, Хөдан гази Муса ль сэр сэре ч'ийе кьр у Муса һьлк'ьшийа. <sup>21</sup>Хөдан готэ Муса: «Пэйа бэ у т'эмийе бьдэ щьмэ'те, кө нэбэ бона дитьна Хөдан жь синор дэрбаз бьн у гэлэк жь ван онда бьн. <sup>22</sup>К'аһинед кө we незики Хөдан бьн, гэрэ эw жи хwэ паqьж кьн, кө Хөдан qьр'а ван нэйнэ». <sup>23</sup>Муса готэ Хөдан: «Щьмэ'т нькарэ р'абэ сэр ч'ийайе Синайе, чьмки тэ т'эми да мэ у гот: «Синор дайнэ дор ч'ийе у wi

пироз кэ». <sup>24</sup> Хөдан готэ ви: «Һәр'э пэйа бэ у т'эви һарун һьлк'ьшэ, ле к'аһин у щьмэ'т жь синор дэрбаз нэбьн кө һьлк'ьшьнэ щэм Хөдан у эв қыр'а ван бинэ». <sup>25</sup> Муса пэ-йайи щэм щьмэ'те бу у эв йэк ванр'а гот.

### Һәр дэһэ т'эмийед Хвәде

**20** Хвәде эв һ'эму хэбэр готын:

<sup>2</sup> «Эз Хөдан<sup>Ф</sup> Хвәдейе тэ мә, йе кө тө жь вәла-те Мьсьре, жь мала хөламтийе дэрхьсти. <sup>3</sup> Пештьри мьн хвәдейед тэйә майин т'өнэ бьн.

<sup>4</sup> Т'ө п'ути мина дьлде тыштәкида хвәр'а ченәки, нэ жор ль э'змен, нэ жер ль сэр э'рде, нэ жи нава авед бьн э'рдеда. <sup>5</sup> Бэр т'ө п'ути та нэби у хөламтийа ван нәки, чьмки эз Хөдан Хвәдейе тэ Хвәдеки к'өмр'эш ьм, кө бона нәһәқийед бава тиньмэ сәре зар'а, һ'эта ньсьле сьсийа у чара кө дьжәнһнэ мьн, <sup>6</sup> ле әвед кө мьн һ'эз дькьн у т'э-мийед мьн хвэй дькьн, эзе һ'эта һ'эзар ньсьли һьндава ванда һ'өба хвэйә амьн бьдьмэ к'ьфше.

<sup>7</sup> Наве Хөдан Хвәдейе хвә бадихәва нәди сэр заре хвә, чьмки Хөдан we йе кө наве ви бадихәва дьдә сэр заре хвә, бе щәза наһелә.

<sup>8</sup> Р'ожа<sup>Ф</sup> шәмийе бинэ бира хвә, вәки we пироз хвэй ки. <sup>9</sup> Шэш р'ожа бьхэбьтэ у һ'эму шьхөлед хвә бькә, <sup>10</sup> ле р'ожа һ'эфта, шәмийа р'ьһ'этийа бона Хөдан Хвәдейе тэ йә, т'ө шьхөли нәки, нэ тө, нэ көр'е тә, нэ қиза тә, нэ хөламе тә, нэ щарийа тә, нэ һ'эйване тә, нэ жи хәрибе нава тәда. <sup>11</sup> Чьмки Хөдан шэш р'ожада э'рд у э'зман, бә'р у һ'эмуйед нав ванда чекьрьн у р'ожа һ'эфта р'ьһ'эт бу, ләма Хөдан дөа р'ожа шәмийе кьр у эв пироз кьр.

<sup>12</sup> Қәдьре де у баве хвә бьгьри, вәки ә'мьре тә ль сэр э'рде кө Хөдан Хвәдейе тэйе бьдә тә дьреж бә.

<sup>13</sup> Нәкөжи.

<sup>14</sup> Зьнийе нәки.

<sup>15</sup> Нәдьзи.

<sup>16</sup>Мьрабьли т'ө кэси шэдэтиа дэрэw нэди.

<sup>17</sup>Дьлһавьжийа мала т'ө кэси нэки. Нэ дьлһавьжийа к'өлфэта т'ө кэси, нэ хөламе wi, нэ щарийа wi, нэ гайе wi, нэ к'эра wi, өса жи т'ө тыште т'ө кэси».

### Тьрса щьмэ'те

<sup>18</sup>Т'эмамийа щьмэ'те қыр'чин у дэнге бор'ийа стьруйе бьһистьн, бьрқ вадана бьруске у дуйе жь ч'ийе дэрдьк'эт дитьн, р'ьсасе щьмэ'т гьрт у дур сэкьнин. <sup>19</sup>Һьнге готьнэ Муса: «Тө т'эви мэ хэбэр дэ у эме гөһдарийа тэ бькьн, ле бьра Хwэде т'эви мэ хэбэр нэдэ, кө эм нэмьрьн». <sup>20</sup>Муса готэ щьмэ'те: «Нэтьрсьн, чьмки Хwэде һатийэ wэ бьщеп'ьбинэ, wэки хофа wi сэр wэ бэ кө һун гөна нэкьн». <sup>21</sup>Щьмэ'т дур сэкьни, ле Муса чу незики we тэрийа шэвэр'эш бу, we дэра кө Хwэде ле бу.

### Готьнед бона чекьрна горигэһе

<sup>22</sup>Хөдан готэ Муса: «Аһа бежэ зар'ед Израел: «Wэ хwэха дит кө мын жь э'змен т'эви wэ хэбэрда. <sup>23</sup>Сэр мын'ра хwэдейед зивин ченэкьн, нэ жи хwэдейед зер'ин чекьн бона хwэ. <sup>24</sup>Жь ахе горигэһэке мын'ра чекэ. Сэр we дийарийед<sup>ф</sup> хwэйэ т'эвайишэwате у йед һэлэқэтийе, пэз у дэwаред хwэ бьдэ. һэр щийе кө эз наве хwэ бьдьмэ биранине, эзе бемэ щэм тэ у дөа тэ бькьм. <sup>25</sup>Һэгэр тө мын'ра пе кэвьра горигэһе чеки, жь кэвьред т'эр'ьшанди ченэки, чьмки гава тө һащэт кэвьра хи, те wan бьһ'эр'ьмини. <sup>26</sup>У пе п'епэлинга һьлнэк'ьши сэр горигэһа мын, wэки тэ'зибуна тэ сэр we вэнэбэ».

### Қанунед бона хөлама

**21** Эв ьн эw қанунед кө тө гэрэке дайини ль бэр зар'ед Израел:

<sup>2</sup>Гава тө хөламаки ибрани бьк'ьр'и, бьра эw шэш сала тэр'а хөламтийе бькэ, ле сала һ'эфта бьра бе һэқ дэре

азайе. <sup>3</sup>Һэгэр эв т'эне һатъбэ, бьра эв т'эне жи дэре, ле һэгэр эв зэвьщибэ, бьра жьн жи пер'а дэре. <sup>4</sup>Һэгэр ахайе ви эв зэвьщандьбэ у жьне көр' у қиз wir'а анибьн, һынге бьра жьн у зар' ахер'а бьминьн у эв т'эне дэре. <sup>5</sup>Ле һэгэр хөлам ашкэрэ бежэ: «Эз ахайе хwэ, жьн у зар'ед хwэ һ'эз дькьм, нахwазьм дэремэ азайе» <sup>6</sup>һынге ахайе ви, бьра ви бьбэ щэм һ'акьма\* у ви незики дери, йан рэхдэри кэ, ахайе ви бь дьреше göhe ви қол кэ у һ'эта эв хwэш бэ бьра хөламе ви бэ.

### Қанунед бона щарийа

<sup>7</sup>Гава йэк қиза хwэ чава щари бьфьрошэ\*, гэрэке эв өса дэрнэйе чава хөлам дэрте. <sup>8</sup>Һэгэр эв ахайе хwэ хwэш нэйе кө we хwэр'а бьхwазэ, бьра изьне бьдэ пьсмаме weйи незик кө we бьк'ьр'ьн, ле изьна ви т'өнэ кө we бьфьрошэ малбэтэкэ дьн, чьмки эви эв хапандийэ. <sup>9</sup>Һэгэр we көр'е хwэр'а бьхwазэ, гэрэке эв wэкэ дэрэща қиза хwэ бона we бькэ. <sup>10</sup>Һэгэр ахайе we һewике бинэ сэр we, гэрэке хwарьна we, к'ьнща we у т'эв р'азана we сэр нэбьр'э. <sup>11</sup>Һэгэр эв ван һэр се тьшта бона we нэйнэ сери, һынге эва бьра бе һэқ, бе к'ьр'ин һэр'э.

### Қанунед ль бэр хьрабийева

<sup>12</sup>Йе кө мерьв бькөжэ, эв э'сэ гэрэке бе көштьне. <sup>13</sup>Ле һэгэр эви бь һ'эмде хwэ нэкьр, ле Хwэде эв да дэсте ви, эзе бона тэ щики к'ьфш кьм кө эв бьр'эвэ wьр. <sup>14</sup>Ле һэгэр йэк бь һ'эмде хwэ жь мьхэнэтийе йэки хэ бькөжэ, эви һ'эта жь горигэһа мьн һьлди, кө бе көштьне.

<sup>15</sup>Йе кө де у баве хwэ хэ, э'сэ гэрэке бе көштьне.

\* 21:6 Бь зьмане избрани аһа жи те фэ'мкьрьне: «Хwэде» аһа жи те фэ'мкьрьне: «Щийе һ'эбандьна Хwэде».

\* 21:7 We һынге щьһуйед к'эсиб қизед хwэ дьфьротьн чава щари у к'е кө эв бьк'ьр'ийа соз дьда кө we бьстинэ.

<sup>16</sup>Йе кө мэрийа бьдзэ, һэгэр эв фьроти бэ йан щэм ви бэ, э'сэ гэрэке бе көштъне.

<sup>17</sup>Йе кө де у баве хвэ беһөрмэт кэ, э'сэ гэрэке бе көштъне.

### Қануна бьриндаркьрне

<sup>18</sup>Гава мэръв һэвр'а шэр' кьн у йэк бь кэвьр йан к'өлме йэки хэ у эв нэмьрэ, ле эв бьк'эвэ щи-ньвине, <sup>19</sup>паше һэгэр р'абэ бь дар бьгэр'э, йе лехьсти бещэза бэ, т'эне гэрэке we зьрара бехэбатийа ви бьк'ьшинэ у ви бьдэ қәнщкьрне.

<sup>20</sup>Һэгэр йэк бь шьвдаре хёлам йан щарийа хвэ хэ у эв бьн дәсте вида бьмьрэ, э'сэ гэрэке бе щэзакьрне. <sup>21</sup>Ле һэгэр эв р'ожэке йан дёда бьжи, һынге бьра ви щэза нэкьн, чьмки эв һэде ви йэ.

<sup>22</sup>Гава мэръв һэвр'а шэр' кьн у дэрб жьна дөһ'али к'эвэ, зар'а we wэдэ зутьр бьбэ у зьрарэкэ майин т'өнэбэ, һынге бьра мере we чьқас кө жь ван бьхвэзэ, бь қьрара һ'акьмтийе бе дайине. <sup>23</sup>Ле һэгэр зьрарэк бьбэ, һынге гэрэке э'мьр жь бэр э'мьрва бэ, <sup>24</sup>ч'э'в жь бэр ч'э'вва, дьран жь бэр дьранва, дәст жь бэр дәства, ныг жь бэр ныгва, <sup>25</sup>шэват жь бэр шэватева, бьрин жь бэр бьринева, дэрб жь бэр дэрбева бэ.

<sup>26</sup>Һэгэр йэк ч'э'ве хёламе хвэ йан ч'э'ве щарийа хвэ хэ кор кэ, бьра бона ч'э'ве ви, ви аза кэ. <sup>27</sup>У һэгэр дьране хёламе хвэ йан щарийа хвэ хэ бьваринэ, бьра бона дьране ви, ви аза кэ.

### Щабдарийа хвэ́йе һ'эйвен

<sup>28</sup>Һэгэр гайе мэръвэки мерэки йан жьнэке хэ у эв бь-мьрэ, гэрэке э'сэ ви гайи бьдьнэ бэр кэвьра у гоште ви нэйе хварьне, ле хвэ́йе ви гайи бещэза бэ. <sup>29</sup>Ле һэгэр бона лехьстьна ви гайи зува хвэ́йе вир'а һатийэ готъне у хвэ́йе ви хэм нэ кьрийэ, һынге эв га мер йан жьнэ-ке хэ бькөжэ, бьра ви гайи бьдьнэ бэр кэвьра у хвэ́йе ви жи бе көштъне. <sup>30</sup>Һэгэр бэрвадаин бе қьраркьрне, һынге бьра жь бэр э'мьре хвэ́ва һэқ бьде, чьқас кө же

те хwэстьне. <sup>31</sup>Һэгэр га көр'эки йан қизэке хэ хут пе ве қануне жи ле бе ньһер'андьн. <sup>32</sup>Һэгэр га хөлам йан щарийэке хэ, һынге хwэйе га гэрэке си шекул\* зив бьдэ хwэйе ван у га жи бьднэ бэр кэвьра.

<sup>33</sup>Һэгэр йэк сэр ч'э'ле вэкэ йан ч'элэке бьк'олэ у сэр нэгьрэ, га йан к'эрэк бьк'эве, <sup>34</sup>һынге бьра хwэйе ч'э'ле щьрме бьк'ьшинэ, п'эра бьдэ хwэйи у щэндэк жи хwэр'а һьлдэ.

<sup>35</sup>Гава гайе йэки, гайе йэки дьн хэ у бькөжэ, бьра гайе сах бьфьрошьн у п'эре ви п'арэвэкьн, өса жи щэндэке көшти п'арэвэкьн. <sup>36</sup>Ле һэгэр бона лехьстьна ви гайи зува хwэйе вир'а натийэ готьне у ви хэм нэкьрийэ, бьра ль бэр ви гайива, гаки бьде у гайе көшти жи вир'а бьминэ.

### Қанунед ль сэр мьлк'

**22** Һэгэр йэк га йан пэзэке бьдзэ, сэржекэ йан бьфьрошэ, бьра жь бэр гайэкива пенщ га у жь бэр пэзэкева жи чар пэза бьдэ.

<sup>2</sup>Һэгэр дьз сэр дьзийе бе гьртьне у лехьн бькөжьн, һынге бона ви хун нэйе р'етьне. <sup>3</sup>Ле һэгэр тэ'ве дайэ сэр ви, бьра хуна ви сэре ви бэ.

Жь бэр дьзийева гэрэке бе дайине, ле һэгэр тыштэки ви т'өнэ, һынге бьра ви бьфьрошьн жь бэр дьзийа вива. <sup>4</sup>Ле һэгэр дьзийа ви дэсте вида сах бе гьртьне, һэгэр га бэ, к'эр бэ йан пэз, гэрэке дөбарэ бьдэ.

<sup>5</sup>Һэгэр йэк һ'эйванед хwэ әрдэки йан р'эзе тьрийада бьч'еринэ паше һ'эйванед ви бьк'эвэ әрде хэлде, һынге бьра жь дэрэмэта әрде у р'эзе тьрийе хwэйи һэрэ қәнщ жь бэрва бьдэ.

<sup>6</sup>Һэгэр агьр стьрийа к'эвэ у бавежэ гөр'зед лодкьри йан зэвийа нэдьруйи йан дэште бьшэвьтинэ, бьра йе агьр авитийе щьрме бьк'ьшинэ.

\* 21:32 «Шекул» әв п'эре ибранийа бу.

<sup>7</sup>Һэгэр йэк п'эра йан тыштэки қимэт бьдэ йэки дьн кө хвэйи кэ у жь мала ви бе дьзине, һэгэр дьз бе гьртъне бьра дөбарэ бьдэ. <sup>8</sup>Һэгэр дьз нэйе гьртъне, бьра хвэйе мале бьбьнэ бэр һ'акьма\*, гэло р'аст дэсте ви һэбука ви мэрви нэ к'этийэ. <sup>9</sup>Бона һэр нэһэқийе, бона га, йан к'эре, йан пез, йан к'ьнща у бона һэр тыштед ондабуи, һэгэр йэк бежэ: «Әw йа мьн ә», шьхөле һэр дөйа жи һэр'э бэр һ'акьма\*, һ'акьм\* к'е кө нэһэқ бьбинэ, бьра әw дөбарэ бьдэ ви мэрви.

<sup>10</sup>Һэгэр йэк к'эре йан га, йан пэз, йан жи һ'эйванэкэ дьн бьдэ йэки дьн кө хвэйи кэ у әw һ'ышк бэ, йан зьрарэк ле бьбэ, йан бе дьзине у кэсэки нэдитьбэ, <sup>11</sup>һынге бьра ль бэр Хөдан сонд бьхвэ, кө дэсте ви һэбука ви мэрви нэк'этийэ у хвэйе һэбуке гэрэке бавэр бькэ у йед дьн щьрме нэдэ. <sup>12</sup>Ле һэгэр жь щэм ви һатийэ дьзине, һынге бьра һэде we бьдэ хвэйе ви. <sup>13</sup>Ле һэгэр һатийэ дьр'андьне бьра бэрэт'е бинэ у жь бэр weва нэдэ.

<sup>14</sup>Һэгэр йэк жь йэки дьн һ'эйвен дэйни һьлдэ у зьрарэк ле бьбэ йан һ'ышк бэ, хвэйе we нэ wьр бэ, гэрэке әw ә'сэ щьрме бьдэ. <sup>15</sup>Һэгэр хвэйе ви ль wьр буйэ, һынге әw щьрме надэ һэгэр әw бь к'ьре һьлдабу әwe бьк'эwэ нава һэде к'ьре.

### Қанунед мэрифэт у э'рф-эдэта

<sup>16</sup>Һэгэр йэк қиза бьк'ьр бьхапинэ у we р'ур'аш кэ, гэрэке ә'сэ қалэне we бьде у we жи бьстина. <sup>17</sup>Һэгэр баве we қэт нэхwазэ қиза хwэ бьдэ ви, әw гэрэке wэкэ қалэне қиза бьдэ.

<sup>18</sup>К'оч'эке сах нэһелэ.

<sup>19</sup>К'е сэре хwэ һ'эйвенр'а дайнэ, гэрэке ә'сэ бе көштын.

<sup>20</sup>Пештъри Хөдан к'е хwэдейед майинр'а қөрбане бьдэ әw бе ондакьрьне.

---

\* 22:8 Бь зьмане ибрани аһа жи те фэ'мкьрьне: «Хwэде» аһа жи те фэ'мкьрьне: «Щийе һ'эбандьна Хwэде».

\* 22:9 Бь зьмане ибрани аһа те фэ'мкьрьне: «Хwэде».

<sup>21</sup>Хэриба нэшинэ у ван нэдэ щэфе, чьмки хун жи wэлате Мьсьреда хэрибийеда бунэ. <sup>22</sup>Севи у жьнэбийе т'ө щар нэдэ щэфе. <sup>23</sup>Һэгэр ван бьди щэфе у эw газьне хwэ ль мьн бькьн, эзе заринийа ван э'сэ бьбьhem <sup>24</sup>у һерса хwэ р'акьм, бь шур wэ бькөжьм, жьнед wэйе би бьминьн у зар'ед wэ жи севи.

<sup>25</sup>Һэгэр п'эра дэйни бьди к'эсибэки жь щьмэ'та мьнэ щэм хwэ, мина сэлэфдара wi нэхэньрџини у сэлэфа нэди ль сэр wi. <sup>26</sup>Һэгэр тө к'ьнща йэки дьн бьhe һьлди, һ'эта р'очуйина ава ле вэгэр'ини, <sup>27</sup>чьмки т'эне эw э сьт'ара wi у к'ьнща щане wi, эwe чьда р'азе? Нэбэ кө эw һəwара хwэ ль мьн дайнэ у эз бьбьhem, чьмки эз р'эм ьм.

<sup>28</sup>Һ'акьма\* бeһөрмэт нэкэ у ньфьр'а сэрwере щьмэ'та хwэ нэкэ. <sup>29</sup>Һ'эдийа бедэре у дэрэмэта хwэйэ һ'ьнщь-р'андьне дэрэнги нэйехи.

Ньхөрийе көр'ед хwэ бьдэ мьн. <sup>30</sup>Оса жи бона га у пэзе хwэ бькэ. һ'эфт р'ожа бьра бэр make бэ у р'ожа һ'эйшта we бьдэ мьн. <sup>31</sup>Һуне бона мьн мэрьвед пироз бьн, гоште чолейи кө һатийэ дьр'андьне нэхьн, ба-вежьнэ бэр са.

### Ңанунед һэқийе

**23** Дэнг-бэ'сед дэрэw бэла нэкэ. Бь шэ'дэтийа дэ-рэw алийе нэһэда нэкэ. <sup>2</sup>Бона хьрабийе дэсте п'ьр'анийева нэчэ. У диwанеда пышта п'ьр'анийе нэгьрэ, һэқийе нэт'эр'ьбинэ. <sup>3</sup>Диwанеда пышта йе к'эсиб нэгьрэ.

<sup>4</sup>Һэгэр тө га йан к'эре дьжмьне хwэйэ ондабуийи бьбини, э'сэ ван пашда бьбэ.

<sup>5</sup>Һэгэр тө бьбини кө к'эре хернэхwазе тэ бьн баре хwэда к'этийэ, пышта хwэ нэде нэчэ, т'эви wi дэст бавеже р'акэ.

\* 22:28 Бь зьмане ибрани аһа те фэ'мкьрьне: «Хwэде».



<sup>6</sup> Диуанеда һәқийа к'әсибе хwә нәт'әр'ьбинә. <sup>7</sup> Жь дәрәвийе дур бә у йе бесуц у р'аст нәкөжә, чьмки эз йе нәһәқ бецәза наһельм. <sup>8</sup> Нә жи р'өшәте һьлдә, чьмки р'өшәт ч'әве мәрвьед вәкьри кор дькә у хәбәрәд р'аста дәвәр'у дькә.

<sup>9</sup> Тәнгасийе нәдә хәриба, һун һаш жь дьле хәриба һәнә. Чьмки һун хwәха жи вәлате Мьсьреда хәрибийеда бунә.

### Қанунед салаф һ'әфта у р'ожа һ'әфта

<sup>10</sup> Шәш сала әрде хwә бьр'әшини у дәрәмәта we т'оп ки, <sup>11</sup> ле сала һ'әфта р'ьһ'әт бьһели у дәст нәдейи, wәки к'әсибед ль нав щьмә'та тәда бьхwьн у чь кә бьминә жи һ'әйуанед чоле бьра бьхwьн. Р'әзе тьрийе хwә у дарәд зәйт'уне жи өса бьки.

<sup>12</sup> Шәш р'ожа хәбата хwә бьки у р'ожа һ'әфта р'ьһ'әт би, wәки га у к'әре тә р'ьһ'әт бьн у кәр'е щарийа тә у хәриб бина хwә бьстиньн. <sup>13</sup> Әв һ'әмуйед кә мьн wәр'а готьн хwәй кьн, наве хwәдейед майин бир нәйньн, бьра жь дәве wә нәйе бьһистьне.

### Қанунед һәр се щәжьнед мәзьн

<sup>14</sup> Сале се щара мьнр'а щәжьне бьки. <sup>15</sup> Щәжьнаф Нане Шкәва хwәй ки. Чава кә мьн т'әми дайә тә у wi wәде мәһа Абибедайә \* к'ьфшкьри, һ'әфт р'ожа нане бе һәвиртьр'шк бьхwi, чьмки we мәһеда тә жь Мьсьре дәрк'әти.

Бьра кәсәк дәствала дәрнәк'әвә бәр мьн.

<sup>16</sup> Щәжьнаф Нандьруна бәре пешьн бь к'әда хwәйә әр-деда чанди хwәй ки.

Өса жи Щәжьна Бәрт'опкьрьнейә хьлазийа сале, гава жь әрде к'әда хwә т'оп ки, хwәй ки.

\* 23:15 Бьньһер'ә шьровәкьрьна Дәрк'әтүн 13:4-да.

<sup>17</sup>Сале се щара һ'эму қьсьме тэйэ нерин бьра ль бэр Хөдан Хвәде бьсәкьһьн.

<sup>18</sup>Хуна қөрбана мьн т'эв нане һэвиртър'шк нәди у бәзе щәжьна мьн бьра һ'эта сьбәһе нәминә, бьшәвьтинә.

<sup>19</sup>БәредФ дәрәмәта пешьнә әрде хвәда йә һәрә қәнщ бини мала Хөдан Хвәдейе хвә.

Каре ль нав шире македа нәк'әлини.

### Создайн у һинкьрһн

<sup>20</sup>Ва йә эзе мьльак'этәкиФ пешийа тәва бьшиньм, вәки р'еда хвәйтийе ль тә бькә у тә бьбә ви щийе кә мьн һазьр кьрийә. <sup>21</sup>Ль бэр ви һаш жь хвә һәбә у гөһ бьдә готьна ви, ль бэр ви сәрһ'ьшкийе нәки, әве нәһәқийед вә нәбахшинә, чьмки әв бь наве мьн дькә. <sup>22</sup>Ле һәгәр тә р'асти гөһдарийа дәнге ви бьки у һ'эму готьнед мьн бьқәдини, һьнге эзе бьбьмә дьжмьне дьжмьнед тә у мьқабьле мьқабьлед тә. <sup>23</sup>Чьмки мьльак'әте мьне пешийа тәва һәр'ә у we тә бьбә щәм әморийа, һ'итийа, пьриззийа, кәнанийа, һ'ивийа у йәбусийа у эзе қьр'а ван биньм. <sup>24</sup>Тө хвәдейед ван нәһ'әбинә у хөламтийа ван нәкә, ч'әв нәдә кьре ван ле ван к'ав-к'ун кә у һ'әйкәлед ван һурдәхвәши кә. <sup>25</sup>Һун хөламтийа Хөдан Хвәдейе хвә бькьн, әве дөа нане тә у ава тә бькә у нәхвәшийе жь нав тә дәрхә. <sup>26</sup>Вәлате тәда жьна бевәр, йан йа ль бэр һәр'ә we т'өнә бьн, эзе р'ожед әмьре тә т'әмам кьм. <sup>27</sup>Әзе сава хвә пешийа тәва бьшиньм у ван һ'эму мьләтед кә те навр'а дәрбаз би т'әвиһәв кьм у һ'эму дьжмьнед тәйе жь бэр тә бьр'әвьн. <sup>28</sup>Әзе тьрс у хофе\* пешийа тәва бьшиньм у әве жь бэр тә һ'ивийа, кәнанийа, һ'итийа р'ақәтинә. <sup>29</sup>Нава саләкеда эзе вана жь бэр тә р'анәқәтиньм, кә нәбә әрд вала бьминә у тәрәвьлед чөле сәр тә зедәбьн.

\* 23:28 Вәлгәр'андьна йунанийә кәвьнда «моза».

<sup>30</sup>Эзе хеди-хеди жь бэр тэ ван р'ақэтиньм, һ'эта кө тө ль һэв зедэ би у ви эрди war би. <sup>31</sup>һынге эзе синоре тэ жь Бэ'ра Сорда гьрти һ'эта Бэ'ра Навбэре\* у жь бэр'ийеда гьрти һ'эта ч'эме Фьрате дайнъм, чьмки эзе бьнэлийед ви вэллати бьдьмэ дэсте wэ у те жь бэр хwэ ван р'ақэтини. <sup>32</sup>Т'эви ван у т'эви хwэдейед ван пэймане гьренэдэ. <sup>33</sup>Эw вэллате тэда гэрэке нэжин кө һьндава мьнда wэ нэдьнэ гөнэкьрьне, чьмки һэгэр тө холамтийа хwэдейед ван бьки, эwe э'сэ тэр'а бьбэ т'элэ».

### Израел пэймане дьстинэ

**24** Хwэде готэ Муса: «һьлк'ьшэ бэрбь Хөдан, тө, һарун, Надаб, Абиһу, у һ'эфте р'успийед Израел у дурва бьһ'эбиньн. <sup>2</sup>Т'эне бьра Муса незики Хөдан бэ, ле эвана бьра незик нэбьн, нэ жи бьра щьмэ'т т'эви ви һьлк'ьшэ».

<sup>3</sup>Муса вэгэр'ийа һат, һ'эму хэбэр у һ'эму қанунед Хөдан готьнэ щьмэ'те. Т'эмамийа щьмэ'те бь һэвр'а щаб да у гот: «һ'эму хэбэред кө Хөдан готийэ, эме бькьн!» <sup>4</sup>Муса һ'эму хэбэред Хөдан ньвисин. Сэре сьбэһе зу р'абу бьнат'ара ч'ийе горигэһ чекьр, wэкэ һ'эсабе донздэһ қэбилед Израел донздэһ һ'эйкэл данэ сэкьнандьне. <sup>5</sup>У ви жь хортед зар'ед Израел шандьн, вана Хөданр'а дийарийед т'эвайишэwате кьрьн у бона дийарийед<sup>ф</sup> һэлэқэтийе щанэга қөрбан дан. <sup>6</sup>Муса ниве хуне һьлда кьрэ т'эшта у ниве дьн жи р'эшандэ сэр горигэһе. <sup>7</sup>У к'ьтеба пэймане\* һьлда бэр щьмэ'те хwэнд, вана гот: «һ'эму чь кө Хөдан гот эме бькьн у гөр'а вида бьн». <sup>8</sup>һынге Муса хун һьлда р'эшандэ сэр щьмэ'те у гот: «Ва йэ хуна we пэймане, йа кө Хөдан анэгори ван һ'эму хэбэра т'эви wэ гьреда».

\* 23:31 Тек'ста ибранида ньвисар э «Бэ'ра Фьльстинийа<sup>ф</sup>», эw бэ'са Бэ'ра Навбэре awа готи Бэ'ра Сьпи.

\* 24:7 Эва п'ара пешьнэ жь қануна Муса кө һатийэ ньвисаре. Бьһьһер'э Дэрк'этын 24:4.

<sup>9</sup>Пэй ван йэкар'а Муса, харун, Надаб, Абиһу у һ'эфте р'успийед Израел һьлк'ьшийанэ жоре, <sup>10</sup>һынге вана Хвэдейе Израел дит, бьн ныгед вида тьштэки мина к'элпич'е сафир бу у мина э'змен зэлал бу. <sup>11</sup>У эви дэсте хвэ ль сэр зар'ед израелийайэ бьжарти бьльнд нэкьр. Вана Хвэде дит, хварьн у вэхварьн.

### Муса ль сэре ч'ийайе Синайе

<sup>12</sup>У Хөдан готэ Муса: «һьлк'ьшэ сэр ч'ийе щэм мьн we дәре бьсэкьнэ у эзе сәлед кэвьри т'эв қанун у т'эмийед кө мьн бона һинкьрна ван һьвисин бьдьмэ тэ». <sup>13</sup>Муса у бәрдәстийе ви Йешу р'абун, Муса кө we һьлк'ьшийа сэр ч'ийайе Хвэде, <sup>14</sup>һынге готэ р'успийа: «һун вьр һивийа мэ бьминьн, һ'эта кө эм вэгәр'ьнэ щэм wэ. Ва харун у һур щэм wэ нэ, пьрса к'е һэбэ бьра һәр'э щэм ван».

<sup>15</sup>Муса һьлк'ьшийа сэр ч'ийе у э'wр ч'ийа ньхамт. <sup>16</sup>Р'умэта Хөдан пәйайи сэр ч'ийайе Синайе бу у э'wр шэш р'ожа ч'ийа ньхамт, Хөдан р'ожа һ'эфта жь нав э'wрда гази Муса кьр. <sup>17</sup>Р'умэта Хөдан ль бәр ч'э'ве зар'ед Израел мина агьре п'э-р'ьгандьне бу ль сэр сэре ч'ийе. <sup>18</sup>Муса к'этэ ль нава э'wр у һьлк'ьшийа ч'ийе. Муса чьл р'ож у чьл шэви сэре ч'ийе ма.

### Һ'әдийед бона Конев Шә'дәтийе

**25** Хөдан т'эви Муса хэбәрда у готе: <sup>2</sup>«Бежэ зар'ед Израел кө һ'әдийе мьнр'а биньн, һ'әдийа мьн жь дәсте һәр мәрви һьлдьн, йед кө бь р'эзәдьлийе тиньн. <sup>3</sup>У эв ьн эw һ'әдийед кө һуне жь ван һьлдьн: Зер', зив у сьфьр, <sup>4</sup>р'исе шин, ширк, соре гәвәз, к'ьтане зьрав у пьр'ча бьзьне, <sup>5</sup>ч'әрмед\* бәранайэ сор р'әнгкьри, ч'әрмед га-мә'сийа\*\*, даред дарщевийеФ, <sup>6</sup>бьзьре бона р'онайе,

\* 25:5 һьрийа сэр п'осте бәрана дьбьр'ин, пақьж дькьрн у р'әнг-р'әнги дькьрн бона дәрәщед хвэ дьданэ хэbate.

\*\* 25:5 Га-мә'си щур'эки жь нава һ'әйwanед бә'ре йә.

бьһарәтед<sup>Ф</sup> бона р'уне р'ункьрыне у бона бьхура<sup>Ф</sup> бинхвәш,  
 7кәвьред оникс<sup>Ф</sup> у кәвьред қимәтә бона қашкьрына ефод<sup>Ф</sup>  
 у р'әхтсинг\*. <sup>8</sup>Бьра мьнр'а пирозгәһәке чекьн, кә эз нава  
 ванда бьминьм. <sup>9</sup>Чава мьн т'әрзе Конә<sup>Ф</sup> Шә'дәтийе у һ'ә-  
 му нав мала вева нишани тә кьр, хут өса гәрәке чекьн.

### Сьндоқа<sup>Ф</sup> Пәймане

<sup>10</sup>Жь дара дарщевийе сьндоқәке чекьн, дьрежайийа we  
 дө зәнд у нив, бәрайийа we зәнд у нив, зәнд у нив жи  
 бьльндайийа we бә. <sup>11</sup>Дәр у һьндөр'е we бь зер'е хальс  
 зер' ки у дора лева we т'оқәки зер'ин бавежейи. <sup>12</sup>Бона  
 we чар хәлақед зер'ин р'оки у һәр чар ньгава ки, wәки  
 дө хәлақ аликива бьн, дө хәлақ жи алийе дьнва. <sup>13</sup>Жь  
 дара дарщевийе дәстуйа чеки у ван зер' ки. <sup>14</sup>Дәстуйа  
 хәлақед к'еләкед сьндоқер'а дәрбаз ки, кә бь ван сьндоқ  
 бе һьлдане. <sup>15</sup>Бьра дәсту хәлақед сьндоқеда бьминьн,  
 нәйенә дәрхьстьне. <sup>16</sup>У we Шә'дәтийа кә эзе бьдьмә тә  
 дайни һьндөр'е сьндоқе.

### Қалп'ахе сьндоқе, щийе бахшандьне

<sup>17</sup>Қалп'ахе бахшандьне жь зер'е хальс чеки, дьрежа-  
 йийа we дө зәнд у нив бә, бәрайийа we жи зәнд у нив.  
<sup>18</sup>У сәр һәр дө сәрийед қалп'ахе бахшандьне пе зер' дө  
 херубе<sup>Ф</sup> к'оланди чеки. <sup>19</sup>Херубәки сәрикива дәрхи,  
 херубәки жи сәре дьнва, херуба жь қалп'ахе бахшандьне  
 сәр һәр дө сәрийава дәрхи. <sup>20</sup>Бьра п'әр'ед херуба бәрбь  
 жор вәкьри бьн у бь п'әр'ед хwә қалп'ахе бахшандьне  
 бьньхемьн. Бәре ван һәвдөда бә у дина ван ль қалп'ахе  
 бахшандьне бә. <sup>21</sup>Қалп'ахе бахшандьне жорда бьди сәр  
 сьндоқе у Шә'дәтийа кә эзе бьдьмә тә дайни һьндөр'е  
 сьндоқе. <sup>22</sup>Әзе wьра р'асти тә бем т'әви тә хәбәр дьм,

---

\* 25:7 «Р'әхтсинг» қәдәкәки чаргошә бу кә сәрәкк'аһина<sup>Ф</sup> дь-  
 данә сәр синге хwә гьредьдан. Бьньһер'ә 28:15-29.

жъ сэр қалп'ахе бахшандьне нава һәр дө херубед кө сэр Сьндоқа Шә'дәтийе нә, һ'әму т'әмийед бона зар'ед Израел бьдмә тә.

### Т'әхте нанеФ Хвәдер'а дайи

<sup>23</sup>Жъ дара дарщевийе т'әхтәки чеки, дьрежайийа ви дө зәнд, бәрайийа ви зәндәк у бьльндайийа ви зәнд у нив бә. <sup>24</sup>Ви бь зер'е хальс зер' ки у дора ви т'оқәки зер'ин бавежейи. <sup>25</sup>У дора ви бьльндайийа чар т'ьлийа кәвийе чеки, дора кәвийа ви жи т'оқәки зер'ин бавежейи. <sup>26</sup>Бона ви чар хәлақед зер'ин чеки у ван хәлақа бәр һәр чар ньга сэр һәр чар әнишкава ки. <sup>27</sup>Гәрәке хәлақ кәвийава бьн, вәки щийед дәстуйа һәбьн кө т'әхт бе һьлдәне. <sup>28</sup>Дәстуйа жъ дара дарщевийе чеки, ван зер' ки, бь ван гәрә т'әхт бе һьлдәне. <sup>29</sup>Бона т'әхт сьни у т'аса, щер' у к'аса жъ зер'е хальс чеки, вәки бь ван дийарийаФ сәрдакьрьне бе дайине. <sup>30</sup>У т'ьме ль сэр т'әхт нанеФ Хвәдер'а дайи ль бәр мьн дайни.

### Шәмдан

<sup>31</sup>Жъ п'арч'әки зер'е хальс шәмданәкә бь к'оландьне бе чекьрьн, бьнгәһа we, стуна we, т'аськ, гөл у севькед we һ'әму жъ we дәрк'әвьн. <sup>32</sup>К'еләка weва шәш ч'ьръл дәрән, се ч'ьръл алики шәмданева бьн у се ч'ьръл жи алиие шәмданейи дьнва бьн. <sup>33</sup>Се т'аськед мина гөлед бәһиве, севьк у гөлава ль сэр ч'ьръләки бьн. Се т'аськед мина гөлед бәһиве, севьк у гөлава жи сэр ч'ьрүла дьн бьн, һәр шәш ч'ьръләд кө жъ шәмдане дәртен аһа бьн. <sup>34</sup>Чар т'аськед мина гөлед бәһиве, севьк у гөлава стуна шәмданева бьн. <sup>35</sup>Севькәк бьн һәр дө ч'ьръләд шәмданейә жерьнва, севькәк бьн һәр дө ч'ьръләд навбәрера, севькәк жи бьн һәр дө ч'ьръләд жорьнва бә. Бона һәр шәш ч'ьръләд стуна шәмдане жи аһа бьн. <sup>36</sup>Севьк у ч'ьръләд we гәрәке жъ we дәрән. һ'әму жъ п'арч'әки зер'е хальс бь

к'оландьне бе чекьрын. <sup>37</sup>Н'эфт ч'бра бона we чеки у öса дайни кö эw пешийа хwэ р'онайи кьн. <sup>38</sup>Б'бра дэстык у сьнийед we жь зер'е хальс бьн. <sup>39</sup>Шэмдан н'эму һащәтед weва жь тәлантәк\* зер'е хальс бе чекьрыне. <sup>40</sup>Дина хwэ бьде мьн чь т'эрз сәре ч'ийе нишани тә кьр, öса жи чеки.

### Коне Шә'дәтийе

**26** Коне Шә'дәтийе жь дәһә тәжед к'ьтане зьрав-бадайи у р'исе шин, ширк у соре гәвәз чеки, сәр ван жи бь хәбата ньт'рандьне херуба дәрхи. <sup>2</sup>Дьрежайийа һәр тәжи бист у һ'әйшт зәнд бә у бәрайийа һәр тәжи чар зәнд бә, чапа һ'эму тәжа wәкә һәв бә. <sup>3</sup>Пенщ тәж һәвва бьн у пенщ жи һәвва. <sup>4</sup>Жь р'исе шин п'әвгьрека бавежи ль кәвийа кәре тәжед пешьн ль сәр лева һәввабуне, öса жи бавежи лева кәвийа кәре тәжед майини һәввабуне. <sup>5</sup>Пенщи п'әвгьреки бавежи сәр п'арч'е һәр пенщ тәже ә'wльн, пенщи п'әвгьреки жи бавежи сәр лева п'арч'е һәр пенщ тәже дöда, wәки һ'эму п'әвгьрек һәвр'а хәбәр дьн. <sup>6</sup>Пенщи қәмьтокед зер'ин чеки у һәр дö п'арч'ед пенщ тәжи пе ван қәмьтока һәвва ки, wәки Коне Шә'дәтийе бьбә йәк.

### Сәргьртьна Коне Шә'дәтийе

<sup>7</sup>Бона сәргьртьна Коне Шә'дәтийе жь пьрч'а бьзьне йанздәһ тәжа чеки. <sup>8</sup>Дьрежайийа һәр тәжи си зәнд бә у бәрайийа һәр тәжи чар зәнд бә, öса кö чапа һәр йанздәһ тәжа жи wәкә һәв бә. <sup>9</sup>Пенщ тәжа башқә һәвва ки у шәш тәжа жи башқә. Тәже шәша жи нә'тька конва сәр пьштева қатки. <sup>10</sup>Пенщи п'әвгьрека бавежи ль кәвийа кәре п'арч'е пенщтәжейи пешьнә ль сәр лева һәввабуне, пенщи п'әвгьрека жи бавежи ль кәвийа кәре п'арч'е

\* 25:39 «Тәлантәк» қаси 34 килограм бу.

шэштэжейи майини ль сэр лева һэввабуне. <sup>11</sup> Пенщи қэмьтокед съфьрин чеки у қэмьтока бавежи п'эвгьрека, п'эр'да һэвва ки кө бьбэ конэк. <sup>12</sup> Бэрмайийе тэже сэр кон, ава готи ниве тэжа зедэбуйи пышта конва дардакьри бэ. <sup>13</sup> Жь сэрк'еша сэр конэ зедэмайи, зэндэк ви алийи-ва зэндэк жи алийе дьнва һэр дө к'елэкава дардакьри бэ, кө һэр дө к'елэкед Коне Шэ'дэтийе бенэ ньхамтьне. <sup>14</sup> Жь ч'эрмед бэранайэ сор р'энгкьри сэргьрэке чеки бона сэргьртна кон, жь ч'эрмед га-мэ'сийа жи сэрк'ешэке чеки, бона к'ьшандьна ль сэр we.

<sup>15</sup> Бона Коне Шэ'дэтийе жь дара дарщевийе читед сэкьнанди чеки. <sup>16</sup> Дьрежайийа һэр чити дэһэ зэнд у бэрайийа ван жи зэнд у нивэк бэ. <sup>17</sup> Сэре һэр чити бьра дө к'эрт һэбьн, кө һэвда р'унен, һ'эму читед Коне Шэ'дэтийе жи өса чеки. <sup>18</sup> Коне Шэ'дэтийер'а, бона алийе кө дьк'эвэ башуре бист чита чеки, <sup>19</sup> жь зив чьл бьнгәһа бона бист чита чеки, дө бьнгәһа чите э'wльнр'а бона һэр дө к'эрта, өса жи бона йед майин. <sup>20</sup> Бона алийе дьн бакөра Коне Шэ'дэтийе бист чита чеки, <sup>21</sup> бона ван чьл бьнгәһед зивин чеки, дө бьнгәһ бьн чите э'wльнр'а, дө бьнгәһ жи бьн һэр читед майинр'а. <sup>22</sup> Бона пышта Коне Шэ'дэтийе алийе р'оавайева шэш чита чеки. <sup>23</sup> Алийе пыштева бона э'нишкед Коне Шэ'дэтийе дө чита чеки. <sup>24</sup> Эw алийе жерева щот бьн у жорва жи пе хэлақэке һэввакьри бьн. Бона һэр дө э'нишка һэр дөйа жи өса чеки. <sup>25</sup> Бьра һ'эйшт чит т'эви һэр шанздэһ бьнгәһед хwэйэ зивинва бьн. Дө бьнгәһ бьн чите э'wльнда бьн, дөбьнгәһ-дөбьнгәһ жи бьн һэр читед майинда бьн.

<sup>26</sup> Жь дара дарщевийе дэстуйа чеки. Пенща бона читед алики Коне Шэ'дэтийе, <sup>27</sup> пенща бона читед алийе дьнейи Коне Шэ'дэтийе у пенщ дэстуйа жи алийе р'оавайева бона читед пышта Коне Шэ'дэтийе. <sup>28</sup> Дэстуйе наведа гэрэке нава читар'а жь ви сэри һ'эта сэре дьн дэрбаз бэ. <sup>29</sup> Чита зер' ки, хэлақед ван, ава готи щийед кө дэстуйед



тер'а дэрбаз бьн, бь зер' чеки. Дэстуйа жи зер' ки. <sup>30</sup>Коне Шэ'дэтийе шур'е веда бьди сэкьнандьне, чава кө ль сэр ч'ийе гэр'а хатэ нишанкьрне.

<sup>31</sup>Жь р'исе шин, ширк у соре гэвэз у жь к'ьтане зьрав-бадаи п'эр'дэке бь хэбата ньтьрандьне херуба ль сэр чеки, <sup>32</sup>we бавежи сэр чар стунед дарщевийейэ зер'кьри, кө чэнгэлед ван зер' бьн у бьнгәһед ван жи зив бьн. <sup>33</sup>П'эр'де бь қәмьтока дардаки у Сьндоқа Шэ'дэтийе бьби һьндөр' ви алийе п'эр'де. Әw п'эр'дәйе wэр'а навбьр'ийе бьдә ль нав Щийе Пироз у Щийе һәри Пироз. <sup>34</sup>Қалп'ахе бахшандьне бьди сэр Сьндоқа Шэ'дэтийейэ Щийе һәри Пирозда. <sup>35</sup>Т'эхт дайни ви алийе п'эр'де дэр. Шәмдане жи алийе башура Коне Шэ'дэтийева дайни пешбәри т'эхт, т'эхт кө дьк'эвэ алийе бакөре.

<sup>36</sup>Бона дәре кон п'эр'дэке жь р'исе шин, ширк, соре гэвэз у жь к'ьтане зьрав-бадаи бь хэбата нэқьшандитийе чеки. <sup>37</sup>Бона п'эр'де жь дара дарщевийе пенц стуна чеки у ван зер' ки, чэнгэлед ван жи зер' бьн у бона ван пенц бьнгәһед сьфьр р'оки.

### Горигәһ

**27** Жь дара дарщевийе горигәһе чеки, дьрежайийа we пенц зэнд, бэрайи пенц зэнд, бьра горигәһ чар гошә бә, бьльндайийа we се зэнд бә. <sup>2</sup>Сэр һәр чар әнишкед we стьруйа дәрхи, өса кө стьруйед we жь we бьн, we сьфьр ки. <sup>3</sup>Т'эбахед бона к'озир'етьна we, мәр'ькед we, т'әштед we, гоштгьр у сьнийед we чеки, һ'әму һашәтед we жь сьфьр чеки. <sup>4</sup>У бона we жь сьфьр читәкә мина т'ор'а чеки у чар хәлақед сьфьр сэр һәр чар әнишкед читва ки. <sup>5</sup>У we жерева дайни бьн кәвийа горигәһе, өса кө чит ниве горигәһеда бә. <sup>6</sup>Бона горигәһе дэстуйа чеки, дэсту жь дара дарщевийе бьн у ван сьфьр ки. <sup>7</sup>Гэрә дэстуйед we ль нав хәлақар'а дэрбаз бьн, әw дэсту гэрә һәр дө к'еләкед горигәһева бьн, бона

һылдана we. <sup>8</sup>We жь т'эхта чеки у һындөр' вала, чава кө сэр ч'ийе тэр'a һатэ нишандайине, оса жи чеки.

### Һ'әwша Коне Шә'дәтийе

<sup>9</sup>Алийе башуре һ'әwша Коне Шә'дәтийе чеки у п'әр'дед we жь к'ьтане зьрав-бадаи бә, дьрежайийа алики сэд зэнд бә. <sup>10</sup>Бист стунед we бьн т'әви бист бьнгәһед жь сьфьр, ле чәнгәлед стуна у шишед we жь зив бьн. <sup>11</sup>Оса жи бона һ'әwша алийе бакөре, дьрежайийа п'әр'де бьра сэд зэнд бә у бист стуне we бьн, т'әви бист бьнгәһед жь сьфьр, чәнгәлед стуна т'әви п'әвгьрека жи жь зив бьн. <sup>12</sup>Бона бәрайийа һ'әwше, п'әр'дед алийе р'оавайе пенщи зэнд бә, дәһә стунед ван у дәһә бьнгәһед ван бьн. <sup>13</sup>Бәрайийа пешийа һ'әwше кө we бьк'әвә алийе р'оһьлате пенщи зэнд бә. <sup>14</sup>П'әр'дед алики дери панздәһ зэнд бә, стунед ван сьсе у бьнгәһед ван сьсе бьн, <sup>15</sup>п'әр'дед алийе дьн панздәһ зэнд бә, стунед ван сьсе у бьнгәһед ван сьсе. <sup>16</sup>Бона дәре һ'әwше жь р'исе шин, ширк, соре гәвәз у к'ьтане зьрав-бадаи, п'әр'дәкә бист-зәнди бь хәбата нәршандитийе чеки. Чар стун у чар бьнгәһед we гәрә һәбьн. <sup>17</sup>Һ'әму стунед дора һ'әwше гәрә бь шишед зивин һәвва гьредаи бьн. Чәнгәлед ван зив у бьнгәһед ван сьфьр бьн. <sup>18</sup>Дьрежайийа һ'әwше сэд зэнд бә, бәрайи пенщи зэнд бә у бьльндайийа п'әр'дед доре пенщ зэнд бә. Әw гәрә жь к'ьтане зьрав-бадаи бьн, бьнгәһед стуна жь сьфьр бьн. <sup>19</sup>Һәр һащәте бона һәр шьхөле Коне Шә'дәтийе, һ'әму сьнгед we у һ'әму сьнгед һ'әwше жь сьфьр бьн.

### Р'уне бона р'онайе

<sup>20</sup>Тө т'әмийе бьдә зар'ед Исраел, wәки тэр'a бона р'онайе р'уне зәйт'унейи зәлал к'ьшанди биньн, кө ч'ьра һәр т'ьм бьшхөлә. <sup>21</sup>Һарун зар'ед хwәва Коне Щьвинеда\*, ви алийе

\* 27:21 Коне Щьвине навәки дьн э бона Коне Шә'дәтийе йә.

п'эр'да бэр Шэдэтийе, ль бэр Хөдан еваре һ'эта сьбэһе хэ-  
ме шьхөландьне һьлдьнэ ль сэр хwэ. Эв йэк алиие зар'ед  
Исраелда нав ньсьлед wанда бьбэ э'рф-эдэте һ'эта-һ'этайе.

### К'ьнщед к'аһина

**28** Тө жь нав зар'ед Исраелда<sup>Ф</sup> һаруне бьре хwэ у  
көр'ед һарун: Надаб, Абиһу, Елазар у Ит'амар,  
бинэ щэм хwэ, wэки мьнр'а к'аһинтийе бькьн. <sup>2</sup>Һаруне  
бьре хwэр'а к'ьнщед пироз бьдьруйи, бона қэдьр у р'умэ-  
те. <sup>3</sup>Тө бежэ һ'эму хwэйифьрасэта, йед кө мьн бь р'өһе  
занэбунева дагьртьнэ, кө бона һарун к'ьнща бьдьрун,  
бона бөһөрти-жьбарэбуна wi, кө мьнр'а к'аһинтийе бь-  
кэ. <sup>4</sup>Эв ьн эw к'ьнщед кө we бьдьрун: Р'эхтсинг, ефод,  
чөх у кьрасе нэдьшанди, п'ап'ах у бәнпышт. Бьра бьре тэ  
һарун у көр'ед wир'а к'ьнщед пироз бьдьрун, кө мьнр'а  
к'аһинтийе бькьн. <sup>5</sup>Бьра эw зер', р'исе шин, ширк, core  
гэвэз у к'ьтане зьрав һьлдьн.

### Ефод

<sup>6</sup>Ефод жь зер', р'исе шин, ширк, core гэвэз у к'ьтане  
зьрав-бадаи, бь хэбата ньтьрандьне чекьн. <sup>7</sup>Гэрэке сэр  
һэр дө сэрмьлка п'эвгьрек һэбьн кө бенэ һэввакьрьне.  
<sup>8</sup>Бәнпышта ль сэр ефод жи мина ефод жь wan тышта  
һунанди-ньтьранди, жь зер', р'исе шин, ширк, core гэ-  
вэз у к'ьтане зьрав-бадаи бе чекьрьне. <sup>9</sup>Дө кэвьред  
оникс<sup>Ф</sup> һьлди у навед зар'ед Исраел ль сэр wan бьк'оли  
бьньвиси, <sup>10</sup>шэш нава ль сэр кэвьрэки у шэш нава жи  
ль сэр кэвьрэки, анэгори пэйһэвбуйина wan. <sup>11</sup>Мина  
һостатийа кэвьрк'ол чава кө море дьк'олэ, өса жи тө  
навед зар'ед Исраел сэр һэр дө кэвьра бьк'оли у wan  
нава қавед зер'инда қаш ки. <sup>12</sup>Wan һэр дө кэвьра сэр  
сэрмьлке ефодва ки, кө зар'ед Исраелр'а бьбьнэ кэвь-  
ред биранине. У һарун навед wan бона биранине ль  
бэр Хөдан һьлдэ сэр һэр дө мьлед хwэ. <sup>13</sup>Qашед зер'ин

чеки <sup>14</sup>у жь зер'ед хальс дө зынщиред бадаи вэгьрти чеки у ван зынщиред вэгьрти бавежи қаша.

### Р'эхтсинг

<sup>15</sup>Р'эхтсинге һ'акъмтийе ньтъранди ви шур'е чекърна ефодда чеки. Ви жь зер', р'исе шин, ширк, соре гэвэз у жь к'ътане зърав-бадаи чеки. <sup>16</sup>Бъра эw дө та қаткъри чаргошэ бэ, дърежайиа ви бьһöstэк у бэраийиа ви жи бьһöstэк. <sup>17</sup>У ль сэр ви чар щергэ кэвър қаш ки. Щерга э'wльн: СардийонФ, топазФ у зъмруд, <sup>18</sup>щерга дөда: КарбункулФ, сафир у алмас, <sup>19</sup>щерга сьсийа: Йахонит, агатФ у аместис <sup>20</sup>у щерга чара жи: Хризолит, оникс у йасписФ, эвана гэрэ нава қавед зер'да бенэ қашкърьне. <sup>21</sup>Эw кэвър гэрэ донздәһ һ'эб бьн, анэгори навед көр'ед Израел, мина море к'олайи сэр һэр кэвъри навэки ван бе к'оландьне бона донздәһ қэбила. <sup>22</sup>Сэр р'эхтсинг зынщиред бадаи чеки, эw вэгьрти жь зер'е хальс бэ. <sup>23</sup>Р'эхтсингр'а дө хэлақед зер'ин чеки у ван һэр дө хэлақа сэр һэр дө ньч'ед рэхтсингва ки. <sup>24</sup>Ван һэр дө зынщиред зер'ин, хэлақед ньч'ед р'эхтсингва ки <sup>25</sup>у һэр дө сэри-йед зынщирайэ дьн һэр дө қавед сэрмьлке ефодва ки, пешийева сэр ефод бэ. <sup>26</sup>Дө хэлақед зер'инэ дьн чеки ван бьн р'эхтсингва һэр дө ньч'ед жерьнва алийе ефодва ки. <sup>27</sup>Дө хэлақед зер'инэ дьн жи чеки, вана бьне һэр дө ньч'ед сэрмьлкед ефодва ки. Алийе пешийева бэр щийе һэввабунева сэр бәнпьшта ефодва ки. <sup>28</sup>У бь қэйт'ана шин хэлақед р'эхтсинг хэлақед ефодва кьн, кө эw сэр бәнпьшта ефодва бьн у р'эхтсинг жь ефод нэқэтэ. <sup>29</sup>Һарун наве көр'ед Израелэ ль сэр р'эхтсинге һ'акъмтийе, т'ьме бьдэ ль сэр дьле хwэ, гава бьк'эвэ Щийе Пироз, бона биранина ван ль бэр Хөдан. <sup>30</sup>Урим у Тумим\* бькэ

\* 28:30 Урим у Тумим те фэ'м кърне чава «Р'онайи у К'амьли». Пе вана сэрэкк'аһинФ ль қьрара Хwэде дьһ'эсийа.

р'эхтсинге һ'акъмтийе. Бъра эв сэр дъле һарун бьн, га-  
ва эв һэр'э бэр Хөдан. һарун һэр т'ьм һ'акъмтийа көр'ед  
Исраел ль бэр Хөдан бьдэ ль сэр дъле хwэ.

### Чөх

<sup>31</sup> Чөхе ефод хөр'у бь р'энге шин чеки. <sup>32</sup> Наведа бэрстуйа  
ви вэки кө сэри тер'а дэрбаз бэ, дора ви щийе вэкьри мина  
бэрстуйа елэкзрьһ' һунанди бэрсту ки, кө жь бэр һэв нэчэ.  
<sup>33</sup> Дора п'еша чөх жь р'исе шин, ширк у соре гэвэз һ'ьнара чеки,  
нава жь ван һэр йэкида жи зэнгьлед зер'ин һэбэ. <sup>34</sup> Дора  
п'еша чөхwa бьра навбэра һэр зэнгьлэки зер'ин һ'ьнарэк бэ  
у зэнгьлэки зер'ин һ'ьнарэк бэ. <sup>35</sup> Wэ'де қольхкьрьне гэрэке  
чөх сэр һарун бэ у гава эв бьк'эвэ Щийе Пироз ль бэр Хөдан  
у дэрк'эвэ дэнге чөх бе бьһистьне кө эв нэмьрэ.

### П'ап'ах у кьрас

<sup>36</sup> Бэрэ'нике жь зер'е хальс р'о ки у бь щур'е морк'оландьне  
сэр we бьк'оли: «Пироз Хөданр'а». <sup>37</sup> We бавежи сэр  
қэйт'анэкэ шин п'ап'ахва ки, кө жорва сэр нэ'тька п'ап'ахва  
бэ. <sup>38</sup> Бьра эв ль сэр э'нийа һарун бэ, вэки һэр кемасийе  
һ'эдийед зар'ед Исраелэ пироз кө тенэ дайине, һарун  
һьлдэ ль сэр хwэ. Гэрэке һэр т'ьм эв ль сэр э'нийа һа-  
рун бэ, кө эв ль бэр Хөдан бенэ қэбулкьрьне.

<sup>39</sup> Кьрас бь к'ьтане зьрав бьһуньни, п'ап'ах бь к'ьтане зь-  
рав чеки, бэнпьште жи бь хэбата нэқьшандитийе чеки.

### К'ьнщед көр'ед һарун

<sup>40</sup> Көр'ед һарунр'а, бона қэдър у р'умэта ван, кьраса,  
бэнпьшта у к'олоза чеки. <sup>41</sup> Вана ль бьре хwэ һарун у  
көр'ед вийэ т'эви ви ки. Ван р'ун ки, хьзмэтк'арийа  
ванда ван қэвин-қэдим\* ки у бөһөрти-жьбарэ ки кө

\* 28:41 Ибрани<sup>Ф</sup> хэбэр бь хэбэр: «Дэстед ван дагыри».

мьнр'а к'аһинтийе бькьн. <sup>42</sup> Ванр'а бь к'ьтан к'ьнщед бьни бьдъруйи, вэки қальбед хвэ бьньхемьн, эв бьра жь навк'елке һ'эта чока дьреж бьн. <sup>43</sup> Гава һарун у к'өр'ед хвэва һәр'ьнэ Коне Щьвине<sup>Ф</sup>, йан незики горигәһе бьн бона қ'ольхкьрьна Щийе Пирозда, бьра ван ль хвэ кьн, к'ө нэбэ эв нәһәқийе бькьн у бьмьрьн. Бьра эв вьир'а у з'өр'эта вийэ пәй вьир'а бьбэ э'рф-әдәте һ'эта-һ'этайе.

### Қәвин-қәдимкьрьна к'аһина<sup>Ф</sup>

**29** Ва йэ чь к'ө т'ө гәрәке т'әви ван бьки, к'ө эв б'өһөр-ти-жьбарэ бьн у мьнр'а бьбьнэ к'аһин. Щанәгаки у д'ө бәранед беқ'осур, <sup>2</sup> нане бе һәвирть'шк, к'атед бе һәвирть'шк пе р'ун стьрайи у лоше бе һәвирть'шк сәр р'ункьри һьлди. Вана жь аре гәньмийи хас чеки. <sup>3</sup> У ван бьки сәләке, ван ль сәр сәле т'әви щанәге у һәр д'ө бәрана һ'әди бьди. <sup>4</sup> һарун у к'өр'ед вива жи бини ль бәр дәрә Коне Щьвине у ван пе аве бьшойи. <sup>5</sup> К'ьнца һьлди, ава готи кьрас, ч'өхе ефод, ефод у р'әхтсинг һарун ки, бь бәнпьште ефод жи пьшта ви гьреди. <sup>6</sup> П'ап'ах бьди сәре ви у сәр п'ап'ахда жи к'офийа пироз дайни. <sup>7</sup> Р'уне р'ункьрьне һьлди, сәр сәре вида ки у ви р'ун ки. <sup>8</sup> К'өр'ед һарун жи бини кьраса ль ван ки, <sup>9</sup> бәнпьшта бьди пьшта ван у к'олоза ль сәре ван бьп'еч'и, к'аһинти бона ван бьбэ э'рф-әдәте һ'эта-һ'этайе. Бь ви авайи һарун у к'өр'ед ви хьзмәтк'арийа ванда қәвин-қәдим ки.

<sup>10</sup> Щанәге бини ль бәр Коне Щьвине у һарун к'өр'ед хвэва бьра дәстед хвэ дайньнэ ль сәр сәре щанәге. <sup>11</sup> У ль бәр дәрә Коне Щьвине ль бәр Х'одан щанәге сәржеки. <sup>12</sup> Жь хуна щанәге һьлди у бь т'ьлийа хвэ стьруйед горигәһе хи, һ'әму хуна майин бьр'ежи бьне горигәһе. <sup>13</sup> һ'әму бәзе сәрзык, бәтане щәгәре, һәр д'ө г'өр'ч'ька бәзе ванва һьлди у ль сәр горигәһе агьршәвати ки. <sup>14</sup> Ле гоште щанәге, ч'әрме ви у әдәба ви жь зоме дәрхи у бьшәвьтини. Әва дийарийа<sup>Ф</sup> жь г'өнә пақьжбуне йә.

<sup>15</sup> Жь бэрана йэки һьлди, бьра һарун у көр'ед ви дэстед хвэ дайньнэ ль сэр сэре бэрен. <sup>16</sup> Ви бэрани сэржеки, хуна ви һьлди у ль сэр һэр чар к'еләкед горигәһеда бьр'эшини. <sup>17</sup> Бэрен һур ки, дьл'һнава у ньгед ви бьшойи у ван дайни ль сэр гоште һуркьри у сэре ви. <sup>18</sup> Т'эмамыйа бэрен ль сэр горигәһе агьршәвати ки, эва дийарийа т'эвайишәвате йә бона Хөдан. Дийарийа шәватейә бинхвәш э бона Хөдан.

<sup>19</sup> Бэрәне дьн жи һьлди, бьра һарун у көр'ед ви дэстед хвэ дайньнэ ль сэр сэре бэрен. <sup>20</sup> Бэрен сэржеки, жь хуна ви һьлди гөпька гөһе һарунә р'асте у гөпька гөһе көр'ед вийә р'асте хи, өса жи печ'ийа мэзьнә дэсте вани р'асте у печ'ийа мэзьнә ньге вани р'асте хи. Хуна майин ль сэр һэр чар к'еләкед горигәһеда бьр'эшини. <sup>21</sup> Жь we хуна сэр горигәһе у жь р'уне р'ункьрьне һьлди, бьр'эшини ль сэр һарун, к'ьнщед ви у ль сэр көр'ед ви у к'ьнщед көр'ед ви. һьнге һарун, к'ьнщед ви у көр'ед вийә т'эви ви у к'ьнщед көр'ед ви we пироз бьн.

<sup>22</sup> Паше бәзе бэрен, даве, бәзе сэрзък, бәтане шәгәре, һәр дө гөр'ч'ька бәзе ванва у пила р'асте һьлди, чьмки эва бэрәне қәвин-қәдимкьрьне йә. <sup>23</sup> Жь сәла нане бе һәвиртьр'шкә ль бәр Хөдан, бок'онәки, к'атәки бь р'ун чекьри у лошәки һьлди <sup>24</sup> у ван дайни ль сэр дэстед һарун у дэстед көр'ед ви у ван ль бәр Хөдан чава дийарийа<sup>Ф</sup> һ'әжандьне бьһ'әжини. <sup>25</sup> Паше ван жь дэстед ван бьгьри, ль сэр горигәһе т'эви дийарийа т'эвайишәвате агьршәвати ки, бона бинхвәшийе ль бәр Хөдан. Эва дийарийа шәватейә бона Хөдан. <sup>26</sup> Ви сәрсинге бэрәне кө бона қәвин-қәдимкьрьна һарун бу һьлди у ль бәр Хөдан чава дийарийа һ'әжандьне бьһ'әжини. Эве бьбә п'ара тә. <sup>27</sup> Сәрсинге һ'әжандьне у пила жорбьльндкьрьне жь бэрәне қәвин-қәдимкьрьне кө һатьбун һ'әжандьне у жорбьльндкьрьне, бона һарун у көр'ед ви пироз ки, <sup>28</sup> бьра эв йәк алийе зар'ед Исраелда бона һарун у көр'ед ви бьбә

қануна һ'эта-һ'этайе. Эва дийарийа<sup>Ф</sup> жорбльндкъръне йә у we бьбә дийарийа жорбльндкъръне жь қөрбанед һәләқәтийе кә зар'ед Исраел дийарийа жорбльндкъръне бьдънә Хөдан.

<sup>29</sup>Пәй һарунр'а к'ьнщед вийә пироз кәр'ед вир'а бьминьн, вәки гава әв бенә р'ункъръне у бенә қәвин-қәдимкъръне әв к'ьнщ ль ван бьн. <sup>30</sup>Жь зар'ед ви, йе кә we дәвса ви бьбә к'аһин у бьк'әвә Коне Щьвине кә хьзмәтк'арийе Щийе Пирозда бькә, бьра һ'әфт р'ожа ван к'ьнща хвә кә.

<sup>31</sup>Бәрәне бона қәвин-қәдимкъръне һьлди у щики пироз гоште ви бьк'әлини. <sup>32</sup>Һарун у кәр'ед ви ль бәр дәре Коне Щьвине ви гоште бәрән у нане сәледа бьхвьн. <sup>33</sup>Әвана ван тышта бьхвьн, бь чь һатьнә гөнәк'әwandьне бона қәвин-қәдими у бөһөрти-жьбарәбуна ван. Кәсәки дьн гәрәке нәхвә, чьмки пироз ьн. <sup>34</sup>Ле һәгәр жь гошт у нане бона қәвин-қәдимкъръне һ'эта сәре сьбәһе бьминә, әвед бәрмайи бьшәвьтини. Гәрә әв нәйенә хварьне, чьмки пироз ьн.

<sup>35</sup>Һ'әму т'әмийед кә мьн чава бона һарун у кәр'ед ви данә тә өса бьки, нава һ'әфт р'ожда ван қәвин-қәдим ки. <sup>36</sup>Р'оже щанәгаки қөрбан бьди бона гөнәк'әwandьне. Бь ве йәке горигәһе пақьж ки. Сәрда жи we р'ун ки вәки пироз бә. <sup>37</sup>Һ'әфт р'ожа бона горигәһе к'әwandьне бьки we пироз ки у горигәһе бьбә йа һәрә пироз. Һ'әму чь кә горигәһе к'әвә we пироз бә.

### Қөрбана һәр р'ож

<sup>38</sup>Ва йә чь кә тө гәрәке һәр т'ьм ль сәр горигәһе бьди, р'оже дө бәрхед йәк сали. <sup>39</sup>Бәрхәки сәре сьбәһе бьди, йе дьн жи бәре еваре. <sup>40</sup>Т'әви бәрхе ә'wльн п'арәкә чапе жь дәһа йәк\* аре хаси стьрайи т'әви п'арәкә һине\*\* жь чара

\* 29:40 «П'арәкә чапе жь дәһа йәк» ава готи «килограмәк».

\*\* 29:40 «һин» незикийа чар литьра йә.



йэк р'уне ледаи у п'арэкэ hine жь чара йэк шэрав, чава дийарийа сэрдакьрьне бьди. <sup>41</sup>Бэрхе дөда жи бэре еваре бьди. Мина we дийарийа<sup>Ф</sup> нанийэ сэре сьбэhe у мина дийарийа сэрдакьрьне. Эва дийарийа шэwатейэ бинхwэш э бона Хөдан. <sup>42</sup>Бьра эва ль нав ньсьлед wэда бьбэ дийарийа т'эвайишэwатейэ hэр т'ьм ль бэр Хөдан, бэр дэре Коне Щьвине, wi щийе кө эзе р'асти wэ бем, т'эви тэ хэбэр дьм. <sup>43</sup>We дэре эзе р'асти зар'ед Исраел бем у бь р'умэта мьнва эw щийе пироз бэ. <sup>44</sup>Эзе Коне Щьвине у горигэhe пироз кьм, öса жи һарун у көр'ед wi пироз кьм, wэки мьнр'а к'ахинтийе бькьн. <sup>45</sup>Эзе ль нав зар'ед Исраелда бьминьм у бьбьмэ Хwэдейе ван. <sup>46</sup>Һьнге эwe бьзаньбьн кө эз Хөдан ьм, Хwэдейе ван, кө мьн эw жь wэлате Мьсьре дэрхьстьн, wэки ль нава wанда бьминьм. Эз Хөдан ьм, Хwэдейе ван.

### Горигэһа бьхуре<sup>Ф</sup>

**30** Горигэһа бона бьхур шэwьтандьне жь дара дарщевийе<sup>Ф</sup> чеки. <sup>2</sup>Дьрежайийа we зэндэк, бэрайийа we зэндэк, бьра эw чар гошэ бэ, бьльндайийа we дө зэнд бэ, стьруйед we жь we бьн. <sup>3</sup>Жора we, дора we у стьруйед we бь зер'е хальс зер' ки у дора лева we т'оqаки зер'ин бавежейи. <sup>4</sup>Дө хэлаqед зер'ин бона we чеки. Wана бавежи hэр дө алийа бьне т'оqва hэр дө к'елэкава, wэки гава we һьлдьн щи һэбьн кө дэстуйа тер'а дэрбаз кьн. <sup>5</sup>Дэстуйа жь дара дарщевийе чеки у ван зер' ки. <sup>6</sup>We дайни ль бэр we п'эр'да кө бэр Сьндоqа<sup>Ф</sup> Шэ'дэтийе йэ, пешбэри qалп'ахе бахшандьнейи сэр Шэ'дэтийе, we дэра кө эзе р'асти тэ бем. <sup>7</sup>У бьра һарун ль сэр we бьхура бинхwэш агьршэwати кэ. hэр сэре сьбэhe гава ч'ьра саз кэ бьхуре агьршэwати кэ. <sup>8</sup>Гава һарун бэре еваре ч'ьра вехэ у дайнэ сэр шэмдане, бьра бьхуре агьршэwати кэ, wэки ль нава ньсьлед wэда hэр т'ьм ль бэр Хөдан бьхур һэбэ. <sup>9</sup>Ль сэр we, бьхура башqэ, йан дийарийа т'эвайишэwате, йан дийарийа нанийэ дьн нэдьн, нэ

жи дийарийа сэрдакърне сэр веда кын. <sup>10</sup>Һарун сале царэке ль сэр стьруйед горигэһе гөнэк'эwandьне бькэ. Пе хуна қорбана бона гөнэк'эwandьне, сале царэке ль сэр we гөнэк'эwandьне бькэ. Бьра эв йэк нава ньсьлед wэда бенэ кърне. Горигэһ йа һэрэ пироз э бона Хөдан».

### Дийарийед бона Хөдан

<sup>11</sup>Хөдан т'эви Муса хэбэр да у готе: <sup>12</sup>«Гава тө зар'ед Израел бьжмьри у һ'эсабе ван заньби, бьра һынге һэр йэк жь бэр нэфса хwэва һэq бьдэ Хөдан, wэки бэла нэһе сэре ван чахе кө тө ван бьжмьри. <sup>13</sup>Эв э кө гэрэке эwana бьдһн, к'ижане кө дэрбаз дьбэ те жьмаре, анэгори шекьле пирозгэһе кө бист гер\* э, нив шекьл зив бьра бьдэ. Эва нив шекьле дийарийа Хөдан э. <sup>14</sup>Һэр кэсе бист сали у жор кө дэрбаз бэ бе жьмаре, бьра ве дийарийе бьдэ Хөдан. <sup>15</sup>Гава һун бэр нэфса хwэва бона гөнэк'эwandьне дийарийе бьдһнэ Хөдан, бьра нэ йе дэwлэти жь нив шекьли зедэтыр бьдэ у нэ жи йе к'эсиб кем бьдэ. <sup>16</sup>Зиве гөнэк'эwandьне жь зар'ед Израел һьлди у бьди бона хьзмэтк'арийа Коне Щьвине. Эве ль бэр Хөдан бьбэ биранина зар'ед Израел, бона гөнэк'эwandьна нэфсед ван.

### Т'эшта жь сьфьр

<sup>17</sup>Хөдан т'эв Муса хэбэрда у готе: <sup>18</sup>«Оса жи жь сьфьр т'эштэке бона ава шуштһн-wэшустһне чеки. Бьра бьнгэһа we жи жь сьфьр бэ, we дайни ль навбэра Коне Щьвине у горигэһе, аве дагыри. <sup>19</sup>Бьра һарун у көр'ед хwэва дэст у п'ийед хwэ жь we бышон. <sup>20</sup>Гава эw бьк'эwьнэ Коне Щьвине йан бона хьзмэтк'арийе незики горигэһе бьн, ава готи дийарийа шэwате бьдһнэ Хөдан, бьра пе аве хwэ бышон кө нэмьрһн. <sup>21</sup>Бь ви аwайи дэст у п'ийед хwэ

---

\* 30:13 Аwa готи «Донздэһ гьрам». Герэк қаси 0,6 гьрам э.

бъра бышон wэки нэмьрн. Бъра эв йэка бона ван бьбэ қануна h'эта-h'этаие, һн бона wi, һн жи бона зөр'эта wi ль нав h'эму ньсьлед wанда».

### Р'уне бона р'ункьрьна пирозийе

<sup>22</sup> Хөдан т'эви Муса хэбэр да у готе: <sup>23</sup> «Ле тө хwэр'a бьһарэтед һэрэ р'нд һьлди, пенсьд шекул\* зьмьре<sup>Ф</sup> ну, қаси ниве wi, аwa готи дөсьд пенци шекул\*\* дарчина<sup>Ф</sup> бинхwэш у дөсьд пенци шекул жи қамише бинхwэш, <sup>24</sup> дөсьд пенци шекул касийа\* аңгори шекуле пирозгәһе у һинэк\*\* р'уне зэйт'уне. <sup>25</sup> Жь ван бь пьспорти т'эвдаи р'унэки р'ункьрьнейи пироз чеки, эw бьбэ р'уне р'ункьрьнейи пироз. <sup>26</sup> Бь wi ван тышта р'ун ки: Коне Щьвине, Сьндоқа Шэдэтийе, <sup>27</sup> т'эхт h'эму дәрданед wewa, шәмдан һащэтава, горигәһа бьхуре, <sup>28</sup> горигәһа т'эвайишэwате h'эму һащэтед we, т'эшт у бьнгәһа we. <sup>29</sup> Wan пироз ки, кө бьбьнэ йед һэрэ пироз. Чь кө wan к'эвэ we пироз бэ. <sup>30</sup> һарун у көр'ед wi р'ун ки у wan бөһөрти-жьбарэ ки, wэки мьнр'a к'аһинтийе бькьн. <sup>31</sup> Т'эви зар'ед Исраел хэбәрди у бежи: «Эве ль нава ньсьлед wэда мьнр'a бьбэ р'уне пирози бона р'ункьрьне. <sup>32</sup> Эw гэрәке ль сәр бэдәна һәр мәрвьида нәйе р'етьне у нэ жи мина щур'e we бе т'эвдаин, эв пироз э, бьра wэр'a жи пироз бэ. <sup>33</sup> К'e кө бь щур'e we т'эвдаинэ, йан жи we ль сәр нэк'аһинэкида кэ, we жь нава щьмэ'ta хwэда бе р'ақэтандьне».

### Бьхур

<sup>34</sup> Хөдан готэ Муса: «Хwэр'a бьһарэтед бинхwэш һьлди, аwa готи ширеза даре, қахькед бэ're, тузька мэлһ'эме

\* 30:23 Незики шэш килограм бу.

\*\* 30:23 Незики се килограм бу.

\* 30:24 «Касийа» бьһарэта бинхwэш э.

\*\* 30:24 Аwa готи «чар литър» э.

у бьхура э'рэбийэ хальс, бьра к'аше һ'эмуйа йэк бэ.  
<sup>35</sup>Вана бь пьспорти т'эвдаи бьхурэкэ ледаийэ хальс  
у пироз чеки. <sup>36</sup>Жь ве һьнэки һьлди һур-һур бьк'оти у  
ль бэр Шэдэтийе, Коне Щьвинеда дайни, we дэра кё  
эзе р'асти тэ бем. Эв бьхуре бона wэ йа һэрэ пироз бэ.  
<sup>37</sup>Эw бьхура кё те анэгори т'эвдайина we чеки, мина we  
хwэр'а ченэкьн, бьра эw бона тэ пироз бэ ль бэр Хёдан.  
<sup>38</sup>К'е кё бона бинһьлдане анэгори we хwэр'а т'эвдайнэ  
чекэ, эw жь нав щьмэ'та хwэ бе р'ақэтандьне».

### К'ьфшкьрна һостайед Коне Щьвине

**31** Хёдан т'эви Муса хэбэр да у готе: <sup>2</sup>«Ва йэ мьн  
бь нав гази Бьсалеле кёр'е Урийе һуре жь қэби-  
ла Щьһуда кьр. <sup>3</sup>Мьн эw Р'өһ'е Хwэдева, бь сэрwахтийе,  
билантийе, дэстэмэлийе у фьрасэта һэр п'ешэк'арийева  
дагьрт, <sup>4</sup>wэки бь зер', зив у сьфьр тышта бьһ'оньринэ,  
<sup>5</sup>у кэвьра бьк'олэ қаш кэ, дара бьк'олэ у һэр щур'э шь-  
хёли бькэ. <sup>6</sup>Ва йэ мьн Оһолиабе кёр'е Аһисамахе жь  
қэбила Дан чава к'омэкдар да wi у фьрасэти кьрийэ  
дьле хwэйифьрасэта, wэки һэр тыште кё мьн т'эми ль  
тэ кьрнэ бькьн. <sup>7</sup>Конe Щьвине, Сьндоқа Шэдэтийе,  
қалп'ахе бахшандьнейи сэр we у һ'эму навмала кон,  
<sup>8</sup>өса жи т'эшт дэрданед weва, шэмдана хальс һ'эму һа-  
щэтэд weва у горигэһа бьхуре, <sup>9</sup>горигэһа дийарийа  
т'эвайишэwате у һ'эму һащэтэд we, т'эшт у бьнгэһа we,  
<sup>10</sup>к'ьнщед қольхкьрне, к'ьнщед пирозэ к'аһин һарунр'а  
у к'ьнца кёр'ед wir'а бона хьзмэтк'арийе, <sup>11</sup>р'уне р'ункь-  
рьне у бьхура бинхwэш бона Щийе Пироз, ван һ'эмуйа  
өса чекьн чава кё мьн т'эми да тэ».

### Шэми, р'ожа р'ьһ'этийе

<sup>12</sup>Хёдан т'эви Муса хэбэрда у готе: <sup>13</sup>«Тё т'эви зар'ед  
Исраел хэбэр дэ у бежэ: «Һун гэрэ э'сэ шэмийед мьн хwэй  
кьн, чьмки эва нишанэкэ ль нава мьн у wэ ньсьлед

вәда, кө һун бьзаныбьн вәки эз Хөдан ым, йе кө вә бө-  
 һорти-жьбарә дькьм. <sup>14</sup>Ава шәмийе хвәй кьн, чьмки эв  
 бона вә пироз э, к'е кө we бьһ'әр'ьминә гәрәке бе көштъ-  
 не. һэгәр йәк we р'оже шьхөләки бькә, бьра эв мәрьва  
 жь нав щьм'әта хвә бе р'ақәтандьне. <sup>15</sup>Бьра шәш р'ожа  
 хәбат бе кьрьне, ле р'ожа һ'эфта шәмийа р'ьһ'әтийе йә,  
 пироз э бона Хөдан. К'е кө р'ожа шәмийе шьхөләки бькә  
 гәрәке бе көштъне. <sup>16</sup>Бьра зар'ед Израел шәмийе хвәйи  
 кьн, вәки шәми ль нав ньсьлед ванда бе хвәйикьрьне,  
 чава пәймана һ'әта-һ'әтайе. <sup>17</sup>Әв нишана һ'әта-һ'әтайе  
 йә ль нав мьн у зар'ед Израелда, чьмки Хөдан ль нава  
 шәш р'ожада әрд у әзман әфьрандьн у р'ожа һ'эфта дәсте  
 хвә жь хәбате кьр у р'ьһ'әт бу».

<sup>18</sup>Гава Хвәде ль сәр ч'ийәйе Синайе хәбәр дана хвәйә  
 т'әви Муса сәр һәвда ани, дө сәлед Шәдәтийе данә ви.  
 Сәлед кәвьрийә бь т'ьлийа Хвәде ль сәр ньвисар.

### Голька зер'ин

**32** Гава щьм'әте дина хвә даие кө Муса дәрәңги дь-  
 к'әвә жь сәр ч'ийе найе харе, һьнге щьм'әт т'опи  
 щәм һарун бу у готә ви: «Р'абә мәр'а хвәдейә чекә, кө  
 пешийа мә к'әвьн, чьмки эв Мусайе мәрвь, йе кө әм жь  
 вәлате Мьсьре дәрхьстьн, әм ньзаньн чь һатә сәре ви».  
<sup>2</sup>Һарун готә ван: «Гөһаред зер'ә кө гөһед жьнед вә, кө-  
 р'ед вә у қизед вәда нә, дәрхьн у биньнә щәм мьн».  
<sup>3</sup>У т'әмамияа щьм'әте гөһаред гөһед хвәда йә зер' дәрхьстьн  
 у анинә щәм һарун. <sup>4</sup>Һарун эв жь дәсте ван һьлдан,  
 қав к'оланд щур'ә даие у голькәк р'о кьр. Готьн: «Әв ә  
 хвәдейе тә Израел! Йе кө тө жь вәлате Мьсьре дәрхьс-  
 ти».  
<sup>5</sup>Гава һарун әв йәк дит, бәр ви горигәһәк чекьр.  
 һарун кьрә гази у гот: «Сьбе щәжьна Хөдан ә».  
<sup>6</sup>Р'ожа дьн сәре сьбәһе зу р'абун дийарийед т'әвайишәвате дан  
 у дийарийед һәләқәтийе анин, щьм'әте р'уньшт хвар,  
 вәхвар у р'абун намуса һәвр'а листьн.

### Һерса Хwәде

<sup>7</sup>Һынге Хөдан готә Муса: «Пәйа бә һәр'ә, чьмки щьмә'та тәйә кө тә жь wәлате Мьсьре дәрхьст жь р'е шьһ'ти. <sup>8</sup>Эвана өса зу жь we р'ийе шьһ'тин, йа кө мьн т'әми дабу ван. Бона хwә голькәк р'о кьрын, әw һ'әбандьн, wir'a қөрбан дан у готьн: «Эв ә хwәде тә Исраел! Йе кө тө жь wәлате Мьсьре дәрхьсти»». <sup>9</sup>Хөдан готә Муса: «Мьн дина хwә да ve щьмә'те, ва йә әw щьм-ә'тәкә сәрһ'шк ә. <sup>10</sup>Ньһа бьһелә кө әз һерса хwә ль сәр ванда бьр'ежьм, қьр'a ван биньм. Ле әз тә бькьмә мьләтәки мәзын».

### Навчетийа Мусайә пешьн

<sup>11</sup>Ле Муса хwә авитә Хөдан Хwәдейе хwә у гот: «Йа Хөдан чьма һерса тә ль сәр щьмә'та тә р'абә, йа кө тә жь wәлате Мьсьре бь қәwата мәзын у бь дәсте зор дәрхьст? <sup>12</sup>Чьма мьсьри бькьн гьли у бежьн: «Бона хьрабийе әw дәрхьстьн, кө сәре ч'ийа ван бькөжә у р'убәри дьне ван нәһелә»? Жь алава һерса хwә вәгәр'ә у ve бәлайе жь сәр щьмә'та хwә пашда һьлдә. <sup>13</sup>Хөламед хwә Бьраһим, Ис-һақ у Исраел бир бинә, к'ижанар'a тә пе нәфса хwә сонд хвар у готә ван: «Эзе зөр'әта wә қаси стәйркед әзман ль һәв зедә кьм у т'әмамийа ви әрди, бона к'ижани мьн гот әзе бьдьмә зөр'әтед wә у әwe ванр'a бьбә мьлк'е һ'ә-та-һ'әтайе»». <sup>14</sup>Һынге Хөдан готьна хwә гөһаст у бәла кө готьбу нәани сәре щьмә'та хwә.

### Бинтәнгийа Муса

<sup>15</sup>Муса вәгәр'ийа у жь ч'ийе һатә харе, һәр дө сәлед Шә'дәтийе жи дәстед wiда бун. Сәр һәр дө алийа жи ньвисар бун, һьн ви алийи һьн жи wi алийи ньвисар бун. <sup>16</sup>Сәл шьхөле дәсте Хwәде бун у ньвисара сәр жи ньвисара Хwәде бу ль сәр сәла к'оланди. <sup>17</sup>Гава Йешу дәнге қар'ә-қар'a щьмә'те бьһист, готә Муса: «Дәнге шер' жь зоме те». <sup>18</sup>Муса готе:

«Эв нэ дэнге qar'э-qar'a сэрк'этигя йэ,  
нэ жи дэнге qar'э-qar'a йед данэ дэр,  
ле эз дэнге хэвр'а листьне дьбь'нем».

<sup>19</sup>Гава Муса незики зоме бу, ч'эв гольке у р'эqасе к'эт, нерса ви р'абу, эв сэлед дэстед хwэдa авитын у бьна-г'ара ч'ийеда хурдэхwэши кьрын. <sup>20</sup>Голька ванэ чекьри хьлда агьрда h'эланд, хур-хури кьр кьрэ т'оз р'эшандэ сэр аве у зар'ед Исраел данэ вэхварьне.

<sup>21</sup>Муса готэ харун: «Эве щьмэ'те чь тэ кьр, кө тэ эв гөнэйе мэзын ани сэр ван?» <sup>22</sup>Харун готе: «Бьра хwэйе мын нерс нэк'эвэ. Тө ве щьмэ'те нас дьки, эв хьрабийер'а хазьр ын. <sup>23</sup>Готьнэ мын: «Мэр'а хwэдейа чекэ кө пешийа мэ к'эвьн, чьмки эв Мусайе мэрвь кө эм жь wэлате Мь-сьре дэрхьстьн, эм ньзаньн чь hatэ сэре ви». <sup>24</sup>Мын жи готэ ван: «Зер'е к'е хэйэ бьра дэрхэ». Ван данэ мын, мын жи эв авитьнэ ль нав егьр эв голька дэрк'эт».

<sup>25</sup>Муса дина хwэ дайе кө щьмэ'те h'эwла хwэ жь дэwле авитийэ, we ль бэр дьжмьнед хwэ бьбьнэ р'обэт, (чьмки харун изьн дабу кө wана h'эwла хwэ жь дэwле авитьбун). <sup>26</sup>Хьнге Муса бэр дэргэhe зоме сэкьни у гот: «К'е алийе Хөдан э, бьра бе щэм мын!» h'эму зар'ед Леви щьвийанэ щэм ви. <sup>27</sup>У готэ ван: «Хөдан Хwэдейе Исраел аha дьбе-жэ: «Бьра хэр мэрвь шуре хwэ гьредэ, зомеда жь дэргэh h'эта дэргэh хэр'ьн wэрьн, хэр мэрвь бьре хwэ, хэр мэрвь hэвале хwэ, хэр мэрвь щинаре хwэ бькөжэ»». <sup>28</sup>Зар'ед Ле-ви wэкэ готьна Муса кьрын, we р'оже жь щьмэ'те се h'эзар мэрвь к'этьн. <sup>29</sup>Муса гот: «Иро wэ бона хьзмэтк'арийа Хөдан хwэ бь көштьна көр'е хwэ у бьре хwэ бөһорти-жь-барэ кьр. Лэма иро дөайе ль сэр wэда бе».

### Навчетийа Мусайэ дөда

<sup>30</sup>Р'ожа дьне Муса готэ щьмэ'те: «Wэ гөнэки мэзын кь-рийэ. Ва йэ эзе хьлк'ьшьмэ щэм Хөдан, бэлки бькарьбьм к'эwандьне жь бэр гөнед wэва бьдьм кьрьне». <sup>31</sup>Муса вэгэ-

р'ийа щэм Хөдан у готе: «Бәле! Эве щьмә'те гөнәки мэзын кыр хвәр'а хвәдеки зер'ин чекыр. <sup>32</sup>Ньһа эз р'әща дькым гөне ван бьбахшинә! Ле һәгәр на, һиви дькым наве мьн жь к'ьтеба хвәйә нввисар р'әсит кә». <sup>33</sup>Хөдан готә Муса: «К'е ль бәр мьн гөнә кьрийә, эзе ви жь к'ьтеба хвә р'әсит кым. <sup>34</sup>Ле ньһа тө һәр'ә щьмә'те бьбә ви щийе кө мьн тәр'а гот. Ва йә мьлйак'әте мьне пешийа тәва һәр'ә, ле р'ожа щәза эзе бона гөне ван, ван щәза кым». <sup>35</sup>У Хөдан щьм-ә'те хьст бона ве голька ванә чекыри, йа кө һарун чекыр.

### Навчетийа Мусайә сьсийа

**33** Хөдан готә Муса: «Р'абә жь вьра тө у әв щьмә'-та кө тә жь вәлате Мьсьре дәрхьст һәвраз ани, һьлдә һәр'ә ви әрде бона к'ижани мьн Бьраһим, Ишаq у Аqубр'а сонд хвар у гот: «Эзе ви бьдьмә зөр'әта тә. <sup>2</sup>Эзе пешийа тәва мьлйак'әтәки<sup>Ф</sup> бышиньм у әве кәна-нийа, әморийа, һитийа, пьриззийа, һивийа у йәбусийа р'ақәтинә. <sup>3</sup>Те һәр'и әрде шир у һьнгьв же дьк'ьшә, ле эзе хвәха т'әви тә һәвраз нәйем, чьмки тө мьлэтәки сәрһ'ьшки кө нәбә эз р'ева қыр'а тә биньм».

<sup>4</sup>Гава щьмә'те әв готьна гьран бьһист, шин кьрын у қәт кәсәки хьшьре хвә хава нәкыр. <sup>5</sup>Чьмки Хөдан готьбу Муса: «Бежә зар'ед Израел, һун мьлэтәки сәрһ'ьшк ьн, һәгәр эз дәқәке т'әви тә һәвраз бем эзе қыр'а тә биньм. Ле ньһа хьшьред ль сәр хвә дәрхьн, кө эз дина хвә бьдьме к'а эз вә чава бькым». <sup>6</sup>Зар'ед Израел хьшьред хвә һьнда ч'ийайе һ'оребе жь сәр хвә дәрхьстьн.

### Коне Щьвине

<sup>7</sup>Муса Кон һьлда, жь зоме дәр һьнәки жь зоме дур вә-гьрт у наве ви дани Коне Щьвине. У һәр кәсе кө гази Хөдан дькыр, жь зоме дәрдьк'әт дьчу Коне Щьвине, кө жь зоме дәр бу. <sup>8</sup>Гава Муса дәрдьк'әт дьчу бәрбь Кон, һьнге һ'әму щьмә'т р'адьбу у һәр йәк ль бәр дәре коне



хwэ дьсэкьни у дина хwэ дьданэ Муса, h'эта кö эw бь-к'эта Кон. <sup>9</sup>Чава кö Муса дьк'этэ Кон, стуна э'wр пэйа дьбу ль бэр дэре Кон дьсэкьни у Хөдан т'эви Муса хэбэр дьда. <sup>10</sup>Гава т'эмамыйа щьм'эте стуна э'wрэ ль бэр дэре Кон сэкьни дьдит, т'эмамыйа щьм'эте р'адьбу у һэр йэк ль бэр дэре коне хwэ дэвэр'уйа дьчу. <sup>11</sup>Хөдан р'у бь р'у т'эви Муса хэбэр дьда, чава кö мэрвьэк т'эви һэвале хwэ хэбэр дьдэ. Муса вэдьгэр'ийа зоме, ле хорте бэрдэстийе wi Йешуйе көр'е Нун жь Кон дур нэдьк'эт.

### Дöайе Муса

<sup>12</sup>Муса готэ Хөдан: «Бэле тэ готэ мьн: «Ве щьм'эте дэрхэ», ле бэле тэ мьнва э'йан нэкьр, те к'е т'эви мьн бьшини, тэ гот: «Эз тэ пе наве тэ нас дькьм у тэ ль бэр ч'эвед мьн к'эрэм дит». <sup>13</sup>Ле ньһа һиви дькьм, һэгэр мьн ль бэр ч'эвед тэ к'эрэм дитийэ, р'ийед хwэ ль бэр мьн вэкэ wэки эз тэ нас бькьм у ль бэр тэ к'эрэме бьбиньм, дина хwэ бьде кö эв мьлэт щьм'эта тэ йэ». <sup>14</sup>У Хwэде гот: «Эзе т'эв тэ бем у тэ бьбьмэ р'һ'этийе». <sup>15</sup>Муса готэ wi: «Һэгэр тö нэйейи, мэ жь вьра дэрнэхэ. <sup>16</sup>We чава бе к'ьфше wэки мьн у щьм'эта тэ ль бэр ч'эвед тэ к'эрэм дитийэ, һэгэр тö т'эви мэ нэйейи? Бь ви аwайи эз у щьм'эта тэйе ль р'убари дьне жь һ'эму мьлэта бенэ башқэкьрне».

### Муса дьхwазэ р'умэта Хөдан бьбинэ

<sup>17</sup>Хөдан готэ Муса: «Эзе ве йэке жи бькьм кö тэ гот, чьмки тэ ль бэр ч'эве мьн к'эрэм дит у эз тэ пе наве тэ нас дькьм». <sup>18</sup>Муса гот: «Һиви дькьм диндара хwэ мьнва э'йан кэ». <sup>19</sup>Һьнге Хwэде готе: «Эзе һ'эму қәнщийа хwэ ль бэр тэва дэрбаз кьм у наве хwэ Хөдан\* ль бэр тэ бьдьмэ э'ламкьрне, эз к'ижани бемэ р'эме, эзе бемэ р'эме

\* 33:19 Бьньһер'э шьровэкьрна Дэрк'этын 3:15-да.

у дьле мьн сэр к'е бышәwьтә, we бышәwьтә». <sup>20</sup>Гот: «Тө р'уйе мьн нькари бьбини, чьмки мәрwь нькарә мьн бьбинә у сах бьминә». <sup>21</sup>У Хөдан гот: «Ва йә щәм мьн щик һәйә, ль сәр wi қәйайи бьсәкьнә, <sup>22</sup>гава диндара мьн дәрбаз бә, әзе тә бькьмә қәльштока қәйе у бь дәсте хwә тә бьньхемьм, һ'әта кө әз дәрбаз бьм. <sup>23</sup>Паше әзе дәсте хwә һьлдьм у те пыштева мьн бьбини, ле р'уйе мьн we тәва нәйе дитьне».

Wәк'яландьна пәйманаФ Хwәде

**34** Хөдан готә Муса: «Дө сәлед кәwьри хwәр'а бьбрьә мина йед пешийе у әзе ль сәр wан сәла бьньвисьм wан хәбәра, йед кө ль сәр сәлед пешийе бун, к'ижан тә һурдәхwәши кьрьн. <sup>2</sup>Бона сәре сьбәһе һазьр би. Сәре сьбәһе һьлк'ьши ч'ийайе Синайе у we дәре ль сәр ч'ийе бәр мьн бьсәкьни. <sup>3</sup>Т'ө кәс т'әви тә һьлнәк'ьшә у т'ө кәс ль сәр т'әмамийа ч'ийе нәйе к'ьфше, нә жи пәз у дәwар незики ч'ийе бьч'ерә». <sup>4</sup>Муса дө сәлед кәwьри мина йе пешийе бьр'ин. Әw сәре сьбәһе р'абу, һәр дө сәлед кәwьри дестда һьлк'ьшийа сәр ч'ийайе Синайе, чава кө Хөдан т'әми дабу wi. <sup>5</sup>У Хөдан пе ә'wр пәйа бу, ль wьр щәм wi сәкьни у наве Хөдан ә'лам кьр. <sup>6</sup>Хөдан ль бәр wир'а дәрбаз бу у ә'лам кьр:

«Хөдан, Хөдан ьм!

Хwәдейе р'ә'м у к'әрәме,

сәбрь-ськ'ане,

бь һ'өб у амьнийеда хьнейо,

<sup>7</sup>кө бона һ'әзара хwәйе һ'өба амьн ә,

нәһәқийе, нәр'астийе у гөна дьбахшинә,

ле суцдара бе щәза наһелә,

нәһәқийа бава тинә сәре

көр'а у көр'е-көр'а,

һ'әта ньсьле сьсийа у чара».

<sup>8</sup>Муса бь лэз дэвэр'уйа чу эрде у h'эбанд, <sup>9</sup>у гот: «Хwэйе мьн, эва мьлэтэки сэрh'ышк э, ле хэгэр мьн ль бэр ч'э'вед тэ к'эрэм дитийэ, ниви дькьм, бьра Хwэйе мьн т'эви мэ бе. Нэхэди у гөнед мэ бьбахшинэ у мэ бькэ ware хwэ».

<sup>10</sup>У Хөдан готе: «Ва йэ эз пэймане гьредьдьм, ль бэр ч'э'ве т'эмамийа цьм'э'та тэ к'эрэмэтед өса эзе бькьм, к'ө ль сэр р'убари дьне у ль нав h'эму мьлэтада тьштед өса нэ бунэ. h'эму мьлэтед дор-бэред тэ, we кьрьнед Хөдан бьбиньн, чьмки эзе бона тэ кьрьнед h'эйрэ-хоф бькьм.

<sup>11</sup>Бира хwэда хwэй кэ чь т'эмийе эз иро дьдьм тэ, ва йэ эзе ль бэр тэ эморийа, кэнанийа<sup>Ф</sup>, пьриззийа, h'итийа, h'иwийа у йэбусийа р'ақэтиньм. <sup>12</sup>Мьрати хwэ би, эw wэлате кө те hэр'и нэбэ кө пэймане т'эви бьнэлийед wi гьреди у эw тэр'а бьбэ т'элэ. <sup>13</sup>Ле хун горигәһед ван wepан кьн, h'эйкәлед ван хурдэхwэши кьн у Ашерәһед\* ван жи бьбьр'ьн. <sup>14</sup>Тө хwэдейе башқә нәһ'эбини, чьмки наве Хөдан К'өмп'эш э, эw Хwэдеки к'өмп'эш э. <sup>15</sup>Нэбэ кө тө т'эви бьнэлийед wi wэлати пэймане гьреди, гава эw пэй хwэдейед хwэ hэр'ьн беэ'сьлийе бькьн, қөрбана хwэдейед хwэр'а бьдьн у тэ т'эглиф кьн, тө жи жь we қөрбана ван бьхwi, <sup>16</sup>қизед ван көр'ед хwэр'а бьхwази у гава қизед ван пэй хwэдейед хwэ hэр'ьн беэ'сьлийе бькьн, we көр'ед тэ жи беэ'сьлийе бьдьнэ кьрьне у ль пэй хwэдейед хwэ бьдьнэ бьрьне.

<sup>17</sup>Хwэдейа хwэр'а р'онәки.

<sup>18</sup>Щэжьна<sup>Ф</sup> Нане Шкәва хwэй ки. Wi wәде к'ьфшкьрийэ мәһа Абибеда\*, h'эфт р'ожа нане шкәва бьхwi, чава кө мьн т'эми дайэ тэ, чьмки тө мәһа Абибеда жь Мьсьре дэрк'әти.

---

\* 34:13 Ашерәһ наве п'утед мьлэтед кэнанийа бун, шур'ед ван нэ э'йан ьн, бәлки мина стунед жь дар бун йан жи хwэ-ха дар бун.

\* 34:18 Бьньһер'э шьровәкьрьна Дэрк'әтүн 13:4.

<sup>19</sup>Һәр ныхөрийе жь дийа хwэ дьк'эвэ п'ара мьн э, өса жи һәр ныхөрийе нерини ль нав һ'эйwanед тэда, һәгәр дэвар бэ йан жи пэз бэ. <sup>20</sup>Жь бәр ныхөрийе к'эрева бәрхәки бьди, ле һәгәр бәрва нәди, стуйе wi бышкени. Жь бәр һәр ныхөрийе көр'ед хwэва жи бьди.

Бьра қәт йәк дәствала дәрнәк'эвэ ль бәр мьн.

<sup>21</sup>Шәш р'ожа бьхәбьти у р'ожа һ'әфта р'ьһ'әт би, w'де чандьн у дьруне жи р'ьһ'әт би.

<sup>22</sup>ЩәжьнаФ һ'әфтийа\* пе бәре нандьруна ә'wльн у Щәжьна Бәрт'опкьрьна хьлазийа сале хwэй ки. <sup>23</sup>Сале се щара һ'әму қьсьме тәйә нерин бьра ль бәр Хөдан Хwәде, Хwәдейе Исраел бьсәкьньн. <sup>24</sup>Чьмки әзе ль бәр тә мьләта р'ақәтиньм у синоре тә бәрфьрә кьм. W'де кө тө сале се щара ль бәр Хөдан Хwәдейе хwэ бьсәкьни, т'ө кәсе ч'әв нәвежә wәлате тә.

<sup>25</sup>Хуна қөрбана мьн т'әв нане пе һәвиртьр'шк нәди у нә жи қөрбана ЩәжьнаФ Дәрбазбуне һ'әта сәре сьбәһе бьминә.

<sup>26</sup>БәрәдФ дәрәмәта пешьнә ә'рдәд хwәда йә һәрә қәнщ бинә мала Хөдан Хwәдейе хwә.

Каре ль нав шире македа нәк'әлини».

<sup>27</sup>Хөдан готә Муса: «Ван хәбәра хwәр'а бьньвисә, чьмки мьн анәгори ван хәбәра пәйман т'әви тә у т'әви Исраел гьреда».

<sup>28</sup>Муса we дәре ль щәм Хөдан чьл р'ожи у чьл шәви ма, нә нан хвар у нә жи ав вәхвар. Ль сәр wan сәлед кәвьри хәбәрәд пәймане ньвисин, awа готи һәр дәһә т'әми.

### Р'уйе Муса дьч'ьрусә

<sup>29</sup>Гава Муса һәр дө сәлед Шә'дәтийе дестда жь ч'ийайе Синайе дьһатә хваре. Муса ньзаньбу кө жь we хәбәрдана

---

\* 34:22 Дәрк'этьн 23:16-да әва щәжьна һатә навкьрьне чава ЩәжьнаФ Нандьруне.

хwэйэ т'эви Хөдан, р'уйе wi дьч'ьруси. <sup>30</sup>Һарун у h'эму зар'ед Исраел ч'эв Муса к'этын, ва йэ р'уйе wi дьч'ьрусэ, эw тырсийан кө незики wi буна. <sup>31</sup>Һынге Муса гази ван кър, һарун у h'эму сэрwеред щьвине вэгэр'ийан һатьнэ щэм wi у Муса т'эви ван хэбэрда. <sup>32</sup>Пэй ве йәкер'а h'эму зар'ед Исраел һатьнэ незик. Эwi h'эму т'эмийед кө Хөдан сэр ч'ийаие Синайе т'эви wi хэбэр дабу, данэ ван. <sup>33</sup>Муса хэбэрдана т'эви ван хьлаз кър, эwi хели авит ль сэр р'уйе хwэ. <sup>34</sup>Ле чахе Муса дьчу ль бэр Хөдан кө т'эви wi хэбэр да, эwi хели жь сэр р'уйе хwэ һьлдьда, h'эта кө we дэрк'эта, паше дэрдьк'эт у чь т'эми wir'а һатьбунэ дайине, зар'ед Исраелр'а дьгот. <sup>35</sup>Зар'ед Исраел ч'эв Муса к'этын, дина хwэ дане кө р'уйе Муса дьч'ьрусэ. Муса хели давитэ ль сэр р'уйе хwэ, h'эта кө дьчу бэр Хөдан кө т'эви wi хэбэр да.

### Т'эмийед бона р'ожа шэмийе

**35** Муса т'эмамайа щьвина зар'ед Исраел щьванд у готэ ван: «Эв ын эw тыштед кө Хөдан т'ами да кө ван бьрэдиньн: <sup>2</sup>шэш р'ожа хэбата хwэ бькьн, ле р'ожа h'эфта wэр'а бьбэ шэмийа р'ьh'этийейэ пироз бона Хөдан. К'е we р'оже шьхөлэки бькэ we бе көштыне. <sup>3</sup>Р'ожа шэмийе h'эму щи-варед хwэда агьр венэхьн».

### П'ешк'ешед бона Коне Шэ'дэтийе

<sup>4</sup>Муса т'эви т'эмамайа щьвина зар'ед Исраел хэбэр да у гот: «Эв э чь кө Хөдан т'эми да у гот: <sup>5</sup>Жь нав һэбука хwэ h'эдийе бона Хөдан дэрхьн. Бьра һэр кэсе р'эзэдьли Хөданр'а h'эдийе бинэ: Зер', зив у сьфьр, <sup>6</sup>р'исе шин, ширк, соре гэвэз, к'ьтане зьрав у пьр'ч'а бьзьне, <sup>7</sup>ч'эрмед бэранайэ сор р'энгкьри, ч'эрмед га-мэ'сийа\*, даред дарщешийе, <sup>8</sup>бьзьре бона р'онайийе, бьһарэтед<sup>ф</sup> бона р'уне

\* 35:7 Бьньһер'э шьровэкьрьна 25:5.

р'ункьрыне у бона бьхура бинхwэш, <sup>9</sup>кэвьред оникс у кэвьред қимэтэ бона қашкьрына ефод у р'эхтсинг.

<sup>10</sup>Һәр хwэйифьрасәтед ль нав wәда бьра бен у h'әму тьштед кә Хөдан т'әми данә чекьн: <sup>11</sup>КонеФ Шәдәтийе, сәргьра сәр гьртьна we у сәрк'еша we, қәмьтокед we, читед we, дәстуйед we, стунед we у бьнгәһед we, <sup>12</sup>сьндоқ у дәстуйед we, қалп'ахе бахшандьне у п'әр'да навбьр'ийе, <sup>13</sup>т'әхт дәстуйава у h'әму дәрданед we, нанеФ Хwәде-р'а дайи, <sup>14</sup>шәмдана р'онайе у һащәтед we, ч'ьред we у р'уне р'онайе, <sup>15</sup>горигәһа бьхуре у дәстуйед we, р'уне р'ункьрыне, бьхура бинхwэш у п'әр'да бәр дәре Коне Шәдәтийе, <sup>16</sup>горигәһа дийарийа т'әвайишәwате у чита weйә сьфьрин, дәстуйед we у h'әму һащәтед we, т'әшт у бьнгәһа we, <sup>17</sup>п'әр'дед h'әwше, стунед we бьнгәһава у п'әр'да бәр дәре h'әwше, <sup>18</sup>сьнгед кон у сьнгед h'әwше һәбьнед wanва, <sup>19</sup>к'ьнщед қөльхкьрынейә бона хьзмәт-к'арийа Щийе Пирозда, к'ьнщед пирозә к'аһин һарунр'а, өса жи к'ьнщед кәр'ед wi кә к'аһинтийе бькьн».

<sup>20</sup>Т'әмамия шьвина зар'ед Исраел жь щәм Муса чу. <sup>21</sup>h'әму бь р'әзәдльийа хwә у бь дьл-щан һатьн, бона шьхөлед Коне Щьвине у бона т'әмамия хьзмәтк'арийа wi у бона к'ьнщед пироз Хөданр'а h'әди анин. <sup>22</sup>Жьне у меред мәр'д һатьн, мәнгьк, гөһар, гөстил, хьшьр у һәр щур'ә нәхшед зер'ин анин, һәр кәси һьндава хwәда h'әди-йед зер'ин данә Хөдан. <sup>23</sup>У щәм к'е р'исе шин, ширк, соре гәвәз, к'ьтане зьрав, пьр'ча бьзьне у ч'әрмед бәранайә сор р'әнгкьри у ч'әрмед га-мә'сийа \* һәбун анин. <sup>24</sup>Һәр кәсе кә зив, сьфьр h'әди дьда, чава h'әди Хөданр'а анин у щәм к'е кә дарә дарщевийе бона чекьрына h'әму тьшта һәбун анин. <sup>25</sup>h'әму к'өлфәтед хwэйифьрасәт бь дәстәмәлийа хwә р'исе шин, ширк, соре гәвәз у к'ьтане зьрав р'ьстьн

\* 35:23 Бьньһер'ә шьровәкьрына Дәрк'әтүн 25:5.

у анин. <sup>26</sup>Н'эму к'олфәтед кӧ дӧле ван дӧхвәст бӧ дәстә'мәлийа хвә пьр'ч'а бӧзьне р'ьстьн. <sup>27</sup>Сәрвәра жи кәвьред оникс у кәвьред қимәтә бона қашкӧрьна ефод у р'әхтсинг, <sup>28</sup>ӧса жи бӧзьре бона ч'ьре, бӧһарәтед бона р'уне р'ункӧрьне у бӧхура бинхвәш анин. <sup>29</sup>Һәр жӧне у мере зар'ед Израел кӧ дӧле ван дӧхвәст, бона һәр тыште кӧ Хӧдан т'әми дабу Муса бе чекӧрьне, бӧ р'әзәдӧлийа хвә Хӧданр'а һ'әди анин.

### һостәйед Конә Щӧвине

<sup>30</sup>Муса готә зар'ед Израел: «Дина хвә бӧдӧне, Хӧдан бӧ нав гази Бӧсалеле кӧр'е Урийе һур кӧр, жӧ қәбила Щӧһуда. <sup>31</sup>Әв Р'ӧһ'е Хвәдева, бӧ сәрвахтийе, билантийе, дәстә'мәлийе у фӧрасәта һәр п'ешәк'арийева дагӧрт, <sup>32</sup>вәки бӧ зер', зив у сӧфӧр тышта бӧһ'ӧнӧринә <sup>33</sup>у кәвьра бӧк'олә қаш кә, дара бӧк'олә у һәр щур'ә шӧхӧли бӧ һостатийе бӧкә. <sup>34</sup>Дӧле вида жи дани кӧ һин бӧкә, дӧле ви у дӧле Оһолиабә кӧр'е Аһисамахе жӧ қәбила Дан. <sup>35</sup>Хвәде әв фӧрасәтийева дагӧртӧн, вәки һәр шӧхӧле һостатийе, һ'ӧнӧрмәндитийе, нәқшандитийе бӧ р'исе шин, ширк, соре гәвәз ль сәр к'ьтане зӧрав, шӧхӧле нӧтьрандӧне у һәр щур'ә шӧхӧли бӧкӧн.

**36** һӧнге Бӧсалел, Оһолиаб у һәр кәсед хвәйифӧрасәтә йе кӧ Хӧдан фӧрасәти у биланти дабу ван, бона һәр щур'ә шӧхӧлед пирозгәһе бӧзаньбӧн у анәгори т'әмийа Хӧдан бӧкӧн.

<sup>2</sup>Муса гази Бӧсалел, Оһолиаб у һ'әмуйед хвәйифӧрасәт кӧр, дӧле к'ижанада Хӧдан фӧрасәти данибу, ава готи гази ван, дӧле к'ижани дӧк'ьшандә ви к'ари, кӧ we хәбате бӧкә. <sup>3</sup>Һӧнге вана әв һ'эму һ'әди, к'ижан кӧ зар'ед Израел бона хәбата пирозгәһе анибун, жӧ щәм Муса һӧлдан. У һәр сәре сӧбәһе щӧм'те бӧ р'әзәдӧлийа хвә һе һ'әдийед хвә данинә щәм ви. <sup>4</sup>Һ'эму хвәйифӧрасәтед кӧ һ'эму хәбата

пирозгәһе дькьрын, һәр кәс жь хәбата хwә һат, <sup>5</sup> т'әви Муса хәбәрдан у готьне: «Бона ви шьхөли чьqас кӧ Хӧдан т'әми дабу бькьн, щьм'әт жь we зедәтьр тинә». <sup>6</sup> Муса т'әми да кӧ зомеда әлам кьн бежьн: «Жь вьр шунда нә мер нә жьн бона һ'әдийа пирозгәһе иди т'ӧ тышти нәкә». У щьм'әте дәст жь анине к'ьшанд. <sup>7</sup> Әw тыштед анибун т'ера һ'әму шьхӧле кӧ we бькьрана кьр у бәр жи ма.

Чекьрына п'әр'да <sup>8</sup> һ'әму хwәйифьрасәтед нава хәбатк'ара, жь к'ьтане зьрав-бадаи, р'исе шин, ширк, соре гәвәз дәһә тәж бь хәбата ньтьрандьне херуб<sup>Ф</sup> сәр дәрхьстьн бона Коне Шә'дәтийе. <sup>9</sup> Дьрежайийа һәр тәжи бист у һ'әйшт зәнд бу, бәрайийа һәр тәжи жи чар зәнд бу, чапа һ'әму тәжа wәкә һәв бу. <sup>10</sup> Пенц тәж һәвва кьрын у пенце жи һәвва. <sup>11</sup> Жь р'исе шин п'әвгьрек авитьнә ль кәвийа кәре тәжед пешьн ль сәр лева һәввабуне, өса жи авитьнә лева кәвийа кәре тәжед майини һәввабуне. <sup>12</sup> Пенци п'әвгьрек авитьнә сәр п'арч'е һәр пенц тәже ә'wльн, пенци п'әвгьрек жи авитьнә сәр лева п'арч'е һәр пенц тәже дӧда, өса кӧ һ'әму п'әвгьрека һәвр'а хәбәр дьдан. <sup>13</sup> Пенци qәмьтокед зер'ин чекьрын у һәр дӧ п'арч'ед пенц тәжи пе ван qәмьтока һәвва кьрын у Коне Шә'дәтийе бу йәк.

<sup>14</sup> Бона сәр гьртьна Коне Шә'дәтийе жь пьрч'а бьзьне йанздәһ тәж чекьрын. <sup>15</sup> Дьрежайийа һәр тәжи си зәнд бу у бәрайийа һәр тәжи жи чар зәнд бу, өса кӧ чапа һәр йанздәһ тәжа wәкә һәв бу. <sup>16</sup> Пенц тәж башqә һәвва кьрын у шәш тәж жи башqә. <sup>17</sup> Пенци п'әвгьрек авитьнә ль кәвийа кәре п'арч'е пенцтәжийи пешьнә ль сәр лева һәввабуне, пенци п'әвгьрек жи авитьнә ль кәвийа кәре п'арч'е шәштәжейи майин ә ль сәр лева һәввабуне. <sup>18</sup> Бона һәввакьрына кон жь сьфьр пенци qәмьток чекьрын кӧ бьбә йәк. <sup>19</sup> Жь ч'әрмед бәранайә сор р'әнгкьри сәргьрәк чекьрын бона сәргьртьна кон, жь ч'әрмед га-мәсийа\* жи сәрк'ешәк чекьрын, бона к'ьшандьна ль сәр we.

\* 36:19 Бьньһер'ә Дәрк'әтүн 25:5.



### Чекьрына чита

<sup>20</sup>Бона Конe Шэ'дэтийе жь дара дарщевийе читед сэкьнанди чекьрын. <sup>21</sup>Дьрежайийа һэр чити дэһэ зэнд бу, бэрайийа ван жи зэнд у нивэк бу. <sup>22</sup>Сэре һэр чити дө к'эрт бун, кө һэвда р'удьньштын, һэму читед Конe Шэ'дэтийе жи өса чекьрын. <sup>23</sup>Конe Шэ'дэтийер'а, бона алиие кө дьк'эвэ башуре, бист чит чекьрын, <sup>24</sup>жь зив чьл бьнгәһ бона бист чити чекьрын, дө бьнгәһ чите ә'wльнр'а, бона һэр дө к'эрта, өса жи бона йед майин. <sup>25</sup>Бона алиие дьн бакөра Конe Шэ'дэтийе бист чит чекьрын, <sup>26</sup>бона ван чьл бьнгәһед зивин чекьрын, дө бьнгәһ бьн чите ә'wльнр'а, дө бьнгәһ жи бьн һэр читед майинр'а. <sup>27</sup>Бона пышта Конe Шэ'дэтийе алиие р'оавайева шэш чит чекьрын. <sup>28</sup>Алиие пыштева бона ә'нишкед Конe Шэ'дэтийе дө чит чекьрын. <sup>29</sup>Әw алиие жерева щот бун у жерева жи пе хэлақәке һэввакьри бун. Бона һэр дө ә'нишка һэр дө жи өса чекьрын. <sup>30</sup>Һ'әйшт чит у шанздәһ бьнгәһед ванә зивин бун, бьне һэр читида дө бьнгәһ бун.

<sup>31</sup>Жь дара дарщевийе дәсту чекьрын. Пенщ бона читед алики Конe Шэ'дэтийе, <sup>32</sup>пенщ жи бона читед алиие дьнейи Конe Шэ'дэтийе у пенщ дәсту жи алиие р'оавайева бона читед пышта Конe Шэ'дэтийе. <sup>33</sup>Дәстуйе наве чекьрын кө нава читар'а жь ви сәри дәрбази сәре дьн бә. <sup>34</sup>Чит зер' кьрын, хэлақәд ван, ава готи щийед кө дәсту тер'а дәрбаз дьбьн, бь зер' чекьрын. Дәсту жи зер' кьрын.

### Чекьрына п'эр'да навбьрийе

<sup>35</sup>Жь р'исе шин, ширк у соре гәвәз у жь к'ьтане зьрав-бадаи п'эр'дә бь хэбата ньгьрандьне херуб ль сәр чекьрын. <sup>36</sup>Әw авитьнә сәр чар стунед дарщевийейә зер' кьри, кө чәнгәлед ван зер' бун, бона ван чар бьнгәһед зивин р'окьрын. <sup>37</sup>Бона дәре кон п'эр'дә жь р'исе шин, ширк, соре гәвәз у жь к'ьтане зьрав-бадаи бь хэбата

нэqъшандитийе чекърын, <sup>38</sup>бона we пенц стун чэнгәлед ванва чекърын, сәред ван у шишед ван зер' кърн. һәр пенц бьнгәһед ван жи жь сьфър бун.

### СьндоqаФ Пәймане

**37** Бьсалел жь дара дарщевийе сьндоq чекър, дьрежайийа we дө зәнд у нив, бәрайийа we зәнд у нив, зәнд у нив жи бьльндайийа we бу. <sup>2</sup>Дәр у һьндөр'е we бь зер'е хальс зер' кър у дора лева we т'оqәки зер'ин авите. <sup>3</sup>Бона һәр чар ньгед we чар хәлаqед зер'ин р'о кърн, дө хәлаq аликива, дө хәлаq жи алийе дьнва. <sup>4</sup>Жь дара дарщевийе дәсту чекърын у әw зер' кърн. <sup>5</sup>Дәсту хәлаqед к'еләкед сьндоqер'а дәрбаз кърн, wәки сьндоq бе һьлдане. <sup>6</sup>Qалп'ахе бахшандьне жь зер'е хальс чекър, дьрежайийа we дө зәнд у нив, бәрайийа we жи зәнд у нив бу. <sup>7</sup>У сәр һәр дө сәрийед qалп'ахе бахшандьне пе зер' дө херубед к'оланди чекърын. <sup>8</sup>Херубәк сәрикива дәрхьст, херубәки жи сәре дьнва, херуб жь qалп'ахе бахшандьне сәр һәр дө сәрийава дәрхьстн. <sup>9</sup>П'әр'ед херуба бәрбь жор вәкьри бун у бь п'әр'ед хwә qалп'ахе бахшандьне дьньхамтн. Бәре ван һәвдөда бу у дина ван qалп'ахе бахшандьнеда бу.

### Т'әхте нане Хwәдер'а дайи

<sup>10</sup>Жь дара дарщевийе т'әхт чекър, дьрежайийа we дө зәнд, бәрайийа we зәндәк у бьльндайийа we зәнд у нив бу. <sup>11</sup>Әw бь зер'е хальс зер' кър у дора we т'оqәки зер'ин авите. <sup>12</sup>У дора we бьльндайийа чар т'ьлийа кәви чекър, дора кәвийа we жи т'оqәки зер'ин авите. <sup>13</sup>Бона we чар хәлаqед зер'ин р'окърн у әw хәлаqана бәр һәр чар ньга, сәр һәр чар әнишкава кърн, <sup>14</sup>Хәлаq кәвийава бун, wәки щийед дәстуйа һәбн кө т'әхт бе һьлдане. <sup>15</sup>Дәсту жь дара дарщевийе чекърын, әw зер' кърн кө бь ван т'әхт бе һьлдане. <sup>16</sup>Дәрданед ль сәр т'әхт сьни, т'ас, к'ас у щер' пе зер'е хальс чекърын, wәки бь ван дийарийа сәрдакърне бе дайине.

### Шэмдан

<sup>17</sup>Жь п'арч'эки зер'е хальс шэмдан к'оланди чекьр, бьнгәһа we, стуна we, т'аськ, гөл у севькед we һ'эму жь we дэрдьк'этын. <sup>18</sup>К'еләкава шәш ч'ьръл дэрдьк'этын, се ч'ьръл алики шэмданева бун у се ч'ьръл жи алийе шэмданейи дьнва бун. <sup>19</sup>Се т'аськед мина гөлед бәһиве, севьк у гөлава ль сәр ч'ьръләки бун. Се т'аськед мина гөлед бәһиве, севьк у гөлава жи сәр ч'ьръле дьн бун, һәр шәш ч'ьрълед кө жь шэмдане дэрдьк'этын awa бун. <sup>20</sup>Чар т'аськед мина гөлед бәһиве, севьк у гөлава стуна шэмданева бун. <sup>21</sup>Севькәк бьн һәр дө ч'ьрълед шэмданейе жерьнва, севькәк бьн һәр дө ч'ьрълед орт'ева, севькәк жи бьн һәр дө ч'ьрълед жорьнва бу. Өса бона һәр шәш ч'ьрълед стуна шэмдане һәбун. <sup>22</sup>Севьк у ч'ьрълед we жь we дэрдьк'этын. һ'эму жь п'арч'эки зер'е хальс к'оланди һатьбу чекьрьне. <sup>23</sup>Һ'эфт ч'ьра, дәстк у сьнийед we жь зер'е хальс жер'а чекьрын. <sup>24</sup>Әw у һ'эму һащәтед we, жь тәлантәк\* зер'е хальс чекьр.

### Горигәһа бьхуре

<sup>25</sup>Горигәһа бьхуре жь дара дарщевийе чекьр, дьрежайийа we зәндәк, бәрайийа we зәндәк, әw чар гошә бу, бьльндайийа we дө зәнд, стьруйед we жи жь we бун. <sup>26</sup>Жора we, дора we, стьруйед we бь зер'е хальс зер' кьр у дора лева we т'оқәки зерин авите. <sup>27</sup>Дө хәләқед зер'ин бона we чекьр. Әw бьне т'оқва авитьнә һәр дө алийа, wәки гава we һьлдьн щи һәбьн кө дәстуйа тер'а дәрбаз кьн. <sup>28</sup>Дәсту жь дара дарщевийе чекьрын у әw зер' кьрын.

### Р'уне р'ункьрьне у бьхура бинхwәш

<sup>29</sup>Р'уне р'ункьрьнейи пироз у бьхура хальсә бинхwәш бь пьспорти т'әвдайи чекьр.

---

\* 37:24 «Тәлантәк» қаси 34 килограм бу.

**Горигэһа дийарийа т'эвайишэwате**

**38** Жь дара дарщевийе<sup>Ф</sup> горигэһа дийарийа т'эвайишэwате чекьр, дьрежайийа we пенц зэнд, бэрайийа we пенц зэнд эw чар гошэ бу, бьльндайийа we жи се зэнд. <sup>2</sup>Сэр һэр чар э'нишкед we стьру дэрхьстьн, өса кө стьруйед we жь we бун у эw сьфьр кьрын. <sup>3</sup>Һ'эму һащэтед горигэһе, аwа готи, т'эбахед we, мэр'кед we, т'эштед we, гоштгьр у сьнийед we чекьрын. Һ'эму һащэт жь сьфьр чекьрын. <sup>4</sup>Бона горигэһе һ'эта ниве we бьне т'одва жь сьфьр читэкэ мина т'ор'е чекьр. <sup>5</sup>Сэр һэр чар э'нишкед чита сьфьр, чар хэлаq р'окьрын кө дэсту тер'а бенэ дэрбазкьрыне. <sup>6</sup>Дэсту жь дара дарщевийе чекьрын у эw сьфьр кьрын. <sup>7</sup>Эw дэсту хэлаqед к'елэка горигэһер'а дэрбаз кьрын, wэки бь wан бе һьлдане. Горигэһ вала пе т'эхта эw чекьр.

**Т'эшта сьфьр**

<sup>8</sup>Т'эшта сьфьр у бьнгэһа weйэ сьфьр жь wан нэйнькед\* к'өлфэтед кө бэр дэре Коне Щьвине хөламти дькьрын чекьр.

**Һ'эwша Пирозгэһе**

<sup>9</sup>Һ'эwш жи чекьр. Дьрежайа п'эр'дед жь к'ьтане зьравбадайи кө дьк'этьнэ алийе башуре һ'эму бь һэвр'а сэд зэнд бу. <sup>10</sup>Бист стунед wан бист бьнгэһава жь сьфьр бун. Чэнгэлед стуна у шишед wан жь зив бун. <sup>11</sup>Дьрежайийа п'эр'дед алийе бакөре һ'эму бь һэвр'а сэд зэнд бу, бист стунед wан бист бьнгэһава жь сьфьр бун. Чэнгэлед стуна у шишед wан жь зив бун. <sup>12</sup>Дьрежайийа п'эр'дед алийе р'оавайе һ'эму бь һэвр'а пенци зэнд бу, стунед

\* 38:8 Wi чахи нэйнькед wан жь сьфьре бьрьқи бу.

ван дэһэ у бьнгәһед ван жи дэһэ бун. Чәнгәлед стуна у шишед ван жь зив бун. <sup>13</sup> Дьрежайиһа п'әр'дед алиһе р'оһьлате һ'әму һәвр'а пенци зәнд бу. <sup>14</sup> П'әр'дед алики дәри һ'әму бь һәвр'а панздәһ зәнд бу, стунед ван сьсе у бьнгәһед ван жи сьсе бун. <sup>15</sup> Бона алиһе дьне, аһа готи п'әр'дед бәр дәре һ'әүше һьн ви али, һьн жи алиһе дьне панздәһ зәнд, стунед ван сьсе у бьнгәһед ван сьсе бун. <sup>16</sup> һ'әму п'әр'дед дора һ'әүше жь к'ьтане зьрав-бадаһи бун, <sup>17</sup> бьнгәһед стуна жь сьфьр бун, ле чәнгәле стуна шишед ванва жь зив бун, сәред стуна зивкьри бун. һ'әму стунед һ'әүше бь шишед зив гьредаһи бун. <sup>18</sup> П'әр'да бәр дәре һ'әүше, жь р'исе шин, ширк, соре гәвәз у жь к'ьтане зьрав-бадаһи бь хәбата нәқьшандитийе бу. Дьрежайа we бист зәнд, бәрайиһа п'әр'де пенц зәнд бу, вәкә п'әр'дед һ'әүше. <sup>19</sup> Чар стунед вейә сәред ван зивкьри бун, чар бьнгәһед вейә сьфьр бун, чәнгәлед we у шишед we жь зив бун. <sup>20</sup> Сьнгед бона Коне Шә'дәтийе у дора һ'әүше һ'әму жь сьфьр бун.

### Һ'әсабед Пирозгәһе

<sup>21</sup> Әв бун һ'әсабе Коне Шә'дәтийе, чаһа кә Муса т'әми дабу, вәки леви бь сәрверийа Ит'амаре кәр'е к'аһин һарун һ'әсаб кьрһн. <sup>22</sup> Бьсалеле кәр'е Урийе һур, жь қәбила Щьһуда әв һ'әму тышт кьр, чь кә Хәдан т'әми дабу Муса. <sup>23</sup> Т'әви ви Оһолиаб кәр'е Аһисамахе жь қәбила Дан, кә һостә, һ'өнөрмәнд у нәқьшандаре бь р'исе шин, ширк, соре гәвәз у к'ьтане зьрав бу. <sup>24</sup> һ'әму зер'ед кә бона шьхөле чекьрһна пирозгәһе һатьбу хәбате, аһа готи зер'е кә чаһа дийари һатьбу дайине, бист нәһә тәлант у һ'әфсьд си шекьл\* бу, анәгори шекьле\*\* пирозгәһе. <sup>25</sup> Зивед

\* 38:24 «Бист нәһә тәлант у һ'әфсьд си шекьл» аһа готи 1000 килограм.

\*\* 38:24 «Шекьл» незики 12 гьрам бу.

h'эсабкърьна щъвине\* сэд тэлант у h'эзар h'эфсэд h'эфте пенщ шекъл\*\* бу анэгори шекъле пирозгәһе, <sup>26</sup>сәре һәр мәрыве бист сали у жор кӧ дьһатә жьмаре нив шекъл\* бу, ава готи шәсэд се h'эзар пенсэд пенщи мәрыв. <sup>27</sup>Бона р'окърьна бьнгәһа пирозгәһе у бьнгәһа п'әр'да, сэд тэлант\* зив чу у бь wi сэд бьнгәһ һатьнә чекърьне, тэлантәк\*\* бона һәр бьнгәһе. <sup>28</sup>Бь h'эзар h'эфсэд h'эфтепенщ шекъл\* зив чәнгәл у шишед стуна чекърьн, сәре стуна зив кърьн. <sup>29</sup>Сьфьре кӧ чава дийари һатьбу дайине, h'эфте тэлант у дӧ h'эзар чарсэд шекъл\* бу. <sup>30</sup>Бь wi бьнгәһед бәр дәре Коне Щъвине, горигәһа сьфьр чита вейә сьфьр у h'әму һашәтед горигәһе, <sup>31</sup>бьнгәһед дора h'әwше, бьнгәһед бәр дәре h'әwше, h'әму сьнгед Коне Шәдәтийе у h'әму сьнгед дора h'әwше чекърьн.

### Ефод

**39** Бона қӧльхкърьна Щийе Пирозда, к'ьнщед хьз-мәтк'арийе, жь р'исе шин, ширк у соре гәвәз чекърьн, өса жи бона һарун к'ьнщед пироз чекърьн, чава кӧ Хӧдан г'әми дабу Муса, <sup>2</sup>Ефод жь зер', р'исе шин, ширк, соре гәвәз у к'ьтане зьрав-бадаи чекър. <sup>3</sup>Зер' зьрав пән кърьн у әw мина р'ис бьр'ин, wәки хәбата ньтърәндьнеда г'әви р'исе шин, ширк, соре гәвәз у к'ьтане зьрав бьдьнә хәбате. <sup>4</sup>Сәрмьлкед һәввабуне жер'а чекърьн, кӧ әw һәр

\* 38:25 Бьньһер'ә Дәрк'әтүн 30:11-16.

\*\* 38:25 «Сэд тэлант у h'эзар h'эфсэд h'эфте пенщ шекъл» не-зики 3430 килограм бу.

\* 38:26 «Нив шекъл» бь ибрани «бекәк ава готи нив шекъл анэгори шекъле пирозгәһе».

\* 38:27 «Сэд тэлант» қаси 3400 килограм бу.

\*\* 38:27 «Тэлантәк» қаси 34 килограм бу.

\* 38:28 «h'эзар h'эфсэд h'эфтепенщ шекъл» 30 килограм ә.

\* 38:29 «h'эфте тэлант у дӧ h'эзар чарсэд шекъл» 2425 килограм бу.

дө сәрийава дьһатьнә һәввакьрыне. <sup>5</sup>Бәнпышта ль сәр ефод жи мина ефод һунанди-нтьранди, жь зер', р'исе шин, ширк, соре гәвәз у к'ьтане зьрав-бадаи weва һатъбу чекьрыне, чава кө Хөдан т'әми дабу Муса. <sup>6</sup>Кәвьред ониксФ һазьр кьрын, нава қавед зер'инда қаш кьрын у ль сәр ван чава мор те к'оландьне, өса навед зар'ед Исраел һатьнә к'оландьне. <sup>7</sup>У әв ль сәр сәрмьлке ефодва кьрын, кө зар'ед Исраелр'а бьбьнә кәвьред биранине, чава кө Хөдан т'әми дабу Муса.

### Р'әхтсинг

<sup>8</sup>Р'әхтсинг нтьранди ви щур'е чекьрына ефодда чекьрын. Әв жь зер', р'исе шин, ширк, соре гәвәз у жь к'ьтане зьрав-бадаи чекьрын. <sup>9</sup>Р'әхтсинг дө та қаткьри чаргошә бу, дьрежайа we бьһөстәк у бәрайа we жи бьһөстәк, дө та қаткьри. <sup>10</sup>Ль сәр we чар щергә кәвьр қаш кьрын. Щерга ә'wльн: СардийонФ, топазФ у зьмруд, <sup>11</sup>щерга дөда: КарбункулФ, сафир у алмас, <sup>12</sup>щерга сьсийа: Йахонит, агатФ у аместис, <sup>13</sup>щерга чара: Хризолит, оникс у йасписФ, әвана қаве зер'да қашкьри бун. <sup>14</sup>Әв кәвьр донздәһ һ'әб бун, анәгори навед зар'ед Исраел, мина море к'олайи сәр һәр кәвьри навәки ван һатъбу к'оландьне бона донздәһ қәбила. <sup>15</sup>Сәр р'әхтсинг зьнщиред бадаи чекьрын, әв вәгьрти жь зер'е хальс бун. <sup>16</sup>Дө қавед зер' у дө хәлақед зер' чекьрын у әв һәр дө хәлақ, сәр һәр дө сәре р'әхтсингва кьрын. <sup>17</sup>Әв һәр дө зьнщиред зер', һәр дө хәлақед сәр р'әхтсингва кьрын. <sup>18</sup>У һәр дө сәрийед зьнщирайә дьн һәр дө қавава кьрын, паше алийе пешийева сәрмьлке ефодва кьрын. <sup>19</sup>Дө хәлақед зер'инә дьн чекьрын әв бьн р'әхтсингва һәр дө ньч'ед жерьнва алийе ефодва кьрын. <sup>20</sup>Дө хәлақед зер'инә дьн жи чекьрын, әв бьн һәр дө ньч'ед сәрмьлкед ефодва кьрын. Алийе пешийева бәр щийе певакьрива сәр бәнпышта ефодва кьрын. <sup>21</sup>Бь қәйт'ана шин хәлақед

р'эхтсинг хэлагед ефодва кърн, кӧ эw сэр бәнпышта ефод бэ у р'эхтсинг жь ефод нэqэтэ, чава кӧ Хӧдан т'эми дабу Муса.

### Чӧх

<sup>22</sup> Чӧхе ефод хӧр'у бь р'энге шин хунандьн. <sup>23</sup> Нава ви вэкьри бу мина бэрстуйе елэкзърьн', дора ви дьрути бу кӧ жь бэр нэв нэчэ. <sup>24</sup> П'еша чӧх жь р'исе шин, ширк, соре гэвэзи бадаи х'нар р'иши кърн. <sup>25</sup> Жь зер'е хальс зэнгъл чекърн, эw зэнгъл ль навбэра хэр х'нареда, ль сэр п'еша чӧхва кърн. <sup>26</sup> Ль сэр п'еша чӧхе хьзмэтк'ари-йе, навбэра хэр х'нареда зэнгълэк хэбу. Чава кӧ Хӧдан т'эми дабу Муса.

### К'ынщед һарун у зар'ед ви

<sup>27</sup> Бона һарун у кӧр'ед ви бь хэбата хунандитийе жь к'ьтане зьрав кьрас чекърн. <sup>28</sup> Ӗса жи жь к'ьтане зьрав п'ап'ах, к'олоз чекърн у жь к'ьтане зьрав-бадаи к'ынщед бьни чекърн. <sup>29</sup> Бәнпышт жи жь к'ьтане зьрав-бадаи, жь р'исе шин, ширк, соре гэвэз, бь хэбата нэqьшандитийе чекър, чава кӧ Хӧдан т'эми дабу Муса. <sup>30</sup> Бэрэ'нийа к'о-фийа пироз жь зер'е хальс чекърн у сэр we мина мор к'оландьне ньвисин: «Пироз Хӧданр'а». <sup>31</sup> Эw авитьнэ ль сэр qэйт'ана шин, wэки жорва ль сэр п'ап'ахва бе гьредане, чава кӧ Хӧдан т'эми дабу Муса.

### Хьлазкърна хэbate

<sup>32</sup> Бь ви щур'эйи х'эму шьхӧлед ль сэр Коне Шэ'дэтийе, awa готи Коне Щьвине hatэ сери. Зар'ед Израел хэр тьшт, чава кӧ Хӧдан т'эми дабу Муса, ӧса жи кърн. <sup>33</sup> У Коне Шэ'дэтийе анинэ щэм Муса, awa готи: Кон у х'эму навмала we, qэмьтокед we у читед we, дэстуйед we, стун у бьнгәһед we, <sup>34</sup> сэргъртна жь ч'эрмед бэранайэ сор р'энгкьри у сэрк'еша жь ч'эрмед га-мэ'си у п'эр'да



навбър'ийе, <sup>35</sup>Сьндоҫа Шә'дәтийе у дәстуйед we, қал-п'ахе бахшандьне, <sup>36</sup>т'әхт у һ'әму дәрданед we у нане Хwәдер'а дайи, <sup>37</sup>шәмдана жь зер'е хальс ч'ьрайед сәр рә ши бь ши р'ез кьри, һ'әму һащәтед хwәва у бьзье р'онайе, <sup>38</sup>горигәһа зер'ин, р'уне р'ункьрьне, бьхура бинхwәш, п'әр'да бәр дәре кон, <sup>39</sup>горигәһа сьфьр у чита вейә сьфьр, дәстуйед we у һ'әму һащәтед we, т'әшт у бьнгәһа we, <sup>40</sup>п'әр'дед һ'әwше, стунед we, бьнгәһед we, п'әр'да бәр дәре һ'әwше, һәбьнед we у сьнгед we, һ'әму һащәтед хьзмәтк'арийе, бона Коне Шә'дәтийе, аwа готи Коне Щьвине, <sup>41</sup>к'ьнщед қольхкьрьнейә бона хьзмәтк'арийа Щийе Пирозда, к'ьнщед пироз к'аһинф һарунр'а, өса жи к'ьнща көр'ед wir'а кө к'аһинтийе бькьн. <sup>42</sup>Зар'ед Израел һәр тышт чаwа Хөдан т'әми дабу Муса, өса жи кьрьн. <sup>43</sup>Муса дина хwә да һ'әму тыште чекьри, кө ва йә чаwа кө Хөдан т'әми дабу wана, өса жи кьрьнә. Муса дөа wан кьр.

#### Т'әмийед Хөданф бона Коне Шә'дәтийе

**40** Хөдан т'әви Муса хәбәр да у готе: <sup>2</sup>«Р'ожа йәкейә мәһа пешьн, Коне Шә'дәтийе, аwа готи Коне Щьвине вәгьри. <sup>3</sup>Сьндоҫаф Шә'дәтийе бьби һьндөр' у п'әр'де к'аши бәр ки. <sup>4</sup>Т'әхт бини һьндөр' у һәр тыште wi сәр ши бь ши р'ез ки, шәмдане бини һьндөр', ч'ьрайед we вехи у дайни сәр шәмдане. <sup>5</sup>Горигәһа бьхурейәф зер'ин дайни пешбәри Сьндоҫа Шә'дәтийе у п'әр'де бавежи бәр дәре Коне Шә'дәтийе. <sup>6</sup>Горигәһа дийарийа т'әвайишәwате дайни ль бәр дәре Коне Шә'дәтийе, аwа готи Коне Щьвине. <sup>7</sup>Т'әште дайни ль навбәра Коне Щьвине у горигәһе, аве дагьри. <sup>8</sup>Дора we һ'әwше чекә у п'әр'де бавежә бәр дәре һ'әwше. <sup>9</sup>Р'уне р'ункьрьне һьлди, Коне Шә'дәтийе у һ'әму чь кө һьндөр'да һәйә р'ун ки, we у һ'әму нав мала we пироз ки, wәки әw пироз бә. <sup>10</sup>Өса жи горигәһаф дийарийа т'әвайишәwате у һ'әму һащәтед

we р'ун ки, горигәһе пироз ки, wәки горигәһ бьбә йа һәр рә пироз. <sup>11</sup>Т'әште у бьнгәһа we р'ун ки у we пироз ки. <sup>12</sup>Һарун у көр'ед wi бини ль бәр дәрә КонeЩьвине у ван бь аве бьшойи. <sup>13</sup>К'ьнщед пироз һарун ки, wi р'ун ки у wi пироз ки, кө к'аһинтийе мьнр'а бькә. <sup>14</sup>Көр'ед wi жи бини у кьраса ль ван ки. <sup>15</sup>Ван жи өса р'ун ки, чава тә баве ван р'ун кьр, кө әв мьнр'а к'аһинтийе бькьн. Әв р'ункьрьна ван ль нав ньсьлед ванда бьбә бона к'аһинтийа ванә һ'әта-һ'әтайе».

### Вәгьртън у пирозкьрьна Конe Шә'дәтийе

<sup>16</sup>Муса һәр тышт чава кө Хөдан т'әми дабу өса жи кьр. <sup>17</sup>Сала дөда, йәке мәһа пешьн, Конe Шә'дәтийе һатә вәгьртъне. <sup>18</sup>Муса Конe Шә'дәтийе вәгьрт, бьнгәһед ван данин, читед ван данин, дәсту дәрбаз кьрьн у стун данә сәкьнандьне. <sup>19</sup>Сәргьр авитә сәр Конe Шә'дәтийе у сәрк'еш жорда к'ьшандә сәр кон, чава кө Хөдан т'әми дабу Муса. <sup>20</sup>Шә'дәти һьлда у кьрә сьндоqe, дәсту хәлаqед сьндоqер'а дәрбаз кьрьн у qалп'ахе бахшандьне жорва дани ль сәр сьндоqe. <sup>21</sup>Сьндоq бьрә һьндөр'е Конe Шә'дәтийе, п'әр'дә к'аши бәр кьр у Сьндоqа Шә'дәтийе вәшарт, чава кө Хөдан т'әми дабу Муса. <sup>22</sup>Т'әхт дани һьндөр'е Конe Щьвине, алиие бакөра кон ви алиие п'әр'де дәр. <sup>23</sup>У сәр we ль бәр Хөдан нан щи бь щи р'ез кьр, чава кө Хөдан т'әми дабу Муса. <sup>24</sup>Шәмдан дани һьндөр'е Конe Щьвине, пешбәри т'әхт алиие башура кон <sup>25</sup>у ль бәр Хөдан ч'ьра вехьстън у данинә сәр шәмдане, чава кө Хөдан т'әми дабу Муса. <sup>26</sup>Горигәһа зер'ин дани һьндөр'е Конe Щьвине пешбәри п'әр'де <sup>27</sup>у ль сәр we бьхура бинхwәш агьршәwати кьр, чава кө Хөдан т'әми дабу Муса. <sup>28</sup>П'әр'дә авитә ль бәр дәрә Конe Шә'дәтийе. <sup>29</sup>Горигәһа дийарийа т'әвайишәwате дани ль бәр дәрә Конe Шә'дәтийе, аwа готи Конe Щьвине у ль сәр we дийарийа т'әвайишәwате у дийарийа нани да, чава кө Хөдан т'әми дабу Муса.

<sup>30</sup>Т'эшт дани ль навбэра Конe Щьвине у горигэне у бона шуштҫн-вэшуштҫне ав дагьрт. <sup>31</sup>Муса, һарун у көр'ед ви дэст у п'ийед хвэ жь we дышуштҫн. <sup>32</sup>Гава кө дык'этынэ Конe Щьвине у незики горигэне дыбун хвэ дышуштҫн, чава кө Хөдан т'эми дабу Муса. <sup>33</sup>Һ'эвша дорбэре Конe Шэ'дэтийе у горигэне дада у п'эр'дэ авитэ ль бэр дэре һ'эвше. Бь ви авайи Муса шьхөл хьлаз кьр.

### Э'вр ль сэр Конe Щьвине

<sup>34</sup>Э'вр Конe Щьвине ньхамт у р'умэта Хөдан Конe Шэ'дэтийе дагьрт. <sup>35</sup>Муса нькарьбу бьк'эта Конe Щьвине, чьмки э'вр данибу ль сэр кон у р'умэта Хөдан Конe Шэ'дэтийе дагьрт'бу. <sup>36</sup>Һэр гава э'вр жь сэр Конe Шэ'дэтийе р'адьбу, һынге зар'ед Исраел т'эмамыйа р'евитийа хвэда р'едьк'этын, <sup>37</sup>ле һэгэр э'вр р'анэдьбу эв р'е нэдьк'этын, һ'эта we р'ожа кө э'вр р'абуйа. <sup>38</sup>Э'вре Хөдан р'оже ль сэр Конe Шэ'дэтийе бу, шэв жи э'врда агьр һэбу, ль бэр ч'э'ве т'эмамыйа мала Исраел, нава т'эмамыйа р'евитийа ванда.